

# ମାରିଜୋ

ପ୍ରିୟୋତ୍ତମାହାର୍ଯ୍ୟ-ବନ୍ଧୁ

ଆନନ୍ଦନାଥ ଶାସ୍ତ୍ରୀ, ଅନନ୍ଦକୃଷ୍ଣାଣନ୍ଦ, ଅନନ୍ଦକୃଷ୍ଣାଣନ୍ଦ ଓ  
ଅନନ୍ଦକୃଷ୍ଣାଣନ୍ଦଙ୍କୁ ସମ୍ମାନିତ ।

শ্রীঅনিলকুমার বসু কর্তৃক প্রকাশিত,  
৮৬, সাউথ রোড, ইন্টার্নি.  
কলিকাতা ।

শ্রীসুধাংশুচন্দ্র দাশগুপ্ত কর্তৃক মুদ্রিত  
সুলেখা প্রেস,  
৫নং, মুসলমান পাড়া লেন,  
কলিকাতা ।

## উৎসর্গ

ছননি, তোমারি নন্দন-বন চইতে চয়ন করি  
'পারিজাত'-রাজি, সযতনে আজি তাহে করপুট ভরি  
সঁপিলাম, দৈনি, অঞ্জলি তব রাতুল চরণ-তলে—  
কিছুই যে নাই, গঙ্গারে তাই পূজিহু গঙ্গাজলে ।

প্রণত

কলিকাতা ।  
১৭ই পৌষ, ১৩৩৯ ।

তোমার—  
পুত্র ও কন্যাগণ



## ভূমিকা

‘পারিজাত’ কাব্যের ভূমিকা রচনার দায়িত্ব বড় বিচিত্র। এ দায়িত্বের গুরুত্ব প্রচুর; কিন্তু আনন্দবোধ ততোধিক। বিলাতী ক্লারিয়োনেটের সুরে যখন বাঙলার আকাশ আচ্ছন্ন, সহসা সেই সময় তাহার এক সুন্দর মর্মরমুখর শ্যামবনে বাঙলার অন্ধবিস্মৃত অথচ চিরস্থান বাঁশের বাঁশী বাজিয়া উঠিল। বিলাতী সঙ্গীতের শার্পফ্ল্যাটের কৃত্রিমসুন্দর বৈচিত্র্য পলকের মধ্যে দেশী সঙ্গীতের সহজসুন্দর কড়িকোমলে হারাইয়া গেল!

সাহিত্যের জাতিভেদ নাই, অমৃতঃ থাকে উচিত নয়, তর্কের খাতিরে একথা মানিতে আপত্তি করি না। তবু, মানুষ এক হইলেও ভৌগলিক সংস্থান তাহার দেহের এবং মনের ছয়েরই রূপগত ভেদ সৃষ্টি করিবেই। এই দুইরূপের সম্মিলনে জীবন এবং জাতীয় জীবন বাষ্টিজীবনের সঙ্কলিত ফল ছাড়া কিছুই নয়। সাহিত্য যদি জীবনের প্রতিবিম্ব হয়, পরিস্থিতির প্রভাব তাহার উপর থাকিবেই। বাঙলা সাহিত্য যতই বিশ্বসাহিত্যে সিদ্ধিলাভ করুক না কেন, বাঙলাকে অঙ্গীকার করিয়া এ সিদ্ধি তাহার পক্ষে শুধু অসম্ভব নয়, অসম্ভব। তাই এ যুগের সাহিত্য দেখিয়া আমরা গৌরব বোধ করি, কিন্তু তৃপ্তি পাই না।

‘পারিজাত’ বাঙলার কাল্য, বাঙালীর জীবনালেখ্য।

মরুসুন্দরের প্রতিভার আলোকে যখন বাঙলার কাব্যোজ্জ্বলে দেশীবিলাতী শত শত ফুল ফুটিয়া উঠি-  
 য়াছে এবং উঠিতেছে, ঠিক সেই সময় একদিন বাঙালী-  
 পুস্তকের এক অতিনিভৃত প্রাঙ্গণ প্রান্তে একান্ত সঙ্কোচে  
 অতি সন্থপণে ‘পারিজাতের’ গুকুল দেখা দিল। কবির  
 জীবন-পারিজাতও তখন কৈশোরমুকুলে সম্পূর্ণিত।  
 প্রথম কবিতাটির রচনা হয় কবির বারোবৎসর  
 বয়সে। এমনি বারো বৎসর বয়সে ইংলণ্ডের এক  
 নারিকনিও তাঁহার প্রথম কবিতা রচনা করেন—তিনি  
 ক্রিস্টিয়ান, হেমাস। ‘কৈশোরের’ কোরক ‘তারুণ্যের’  
 ভিত্তর দিয়া স্বচ্ছন্দ প্রাণলীলায় বিকসিত হইতে  
 হইতে ‘প্রোচে’ আসিয়া ‘পারিজাতে’ পরিপূর্ণতা লাভ  
 করিয়াছে।

‘পারিজাতের’ কবিতাগুলির বিষয়বস্তু বিশ্লেষণ করিতে  
 গেলে দেখিতে পাউ বাঙলাদেশের স্বকীয় রূপের সঙ্গে  
 তাঁহার অভ্যন্তর অভিসংগের কথা কবি আলোচনা  
 করিয়াছেন। অভ্যন্তরভিযোগের প্রতিকারকল্পে তিনি  
 যে আদর্শের উদ্ভিত দিয়াছেন, তাহা দেশের বৈশিষ্ট্যের  
 সঙ্গে সুসঙ্গত অথচ পাশ্চাত্যজীবনের সত্যসুন্দরের সঙ্গে  
 তাঁহার কোনো বিরোধ নাই। আজ দেশের :চিত্তে  
 বিপুল বিক্ষোভ ও বিক্ষিপ দেখিতেছি। রাষ্ট্রিকমুক্তি,  
 সঙ্গীতম স্কৃতি, ধর্মসংস্কৃতি, নারীপ্রগতি—বহুমুখ আন্দো-

লনে দেশ আজ বিচঞ্চল কিন্তু এ আন্দোলনের  
আংশিক সূচনা দেখি প্রায় পঞ্চাশবৎসর পূর্বে  
'পারিজাতে'র কবিতায়।

জাতীয় জীবনের অর্ধাঙ্গ নারী। সমাজ নারীপুরুষের  
অর্ধনারীশ্বর সৃষ্টি। অথচ যুগযুগসঞ্চিত অন্ধ সংস্কার  
ধর্মের নামে এই নারীকে পক্ষাঘাতগ্রস্ত করিয়া রাখিয়াছে।  
সূর্য্যের তথা জ্ঞানের আলোক হইতে বঞ্চিত হইয়া  
ইহারা যে জীবন যাপন করিতেছেন, তাহা যেমন  
অর্থহীন তেমনি অসহায়। এদেশের নারীজীবন সহজ,  
স্বচ্ছন্দ, দাবলীল, সুস্থ জীবন নয়, জীবনের গড্ডালিকা!  
একচক্ষু সমাজের এই অন্যায়া অবিচার-অত্যাচারের  
নীরদমোহিনী তীর প্রতিবাদ করিয়াছেন : অথচ, এযুগের  
মত, অমৃতপুরের স্নিগ্ধপবিত্র পরিবেশের মর্যাদা লঙ্ঘন  
করাইয়া নারীকে তিনি পুরুষের প্রতিদ্বন্দ্বী পাশ্চাত্য-  
দেশের 'ভিরাগো'-তে পরিণত করেন নাই। তাঁহার  
নারী সুশিক্ষিতা, বিচারবুদ্ধিমতী, আপন কণ্ঠব্যো মচেতনা,  
শক্তিরূপা, স্নেহময়ী, মাতুরূপিণী, কন্যারূপিণী, ভগিনী-  
রূপিণী, 'গৃহিণী সচিবঃ সখীমিত্রঃ প্রিয়শিষ্যা ললিত  
কলাবিধো', মহীয়সী পরিপূর্ণা নারী। ইহারা গাঙ্গী-  
মৈত্রেয়ী-সীতা-সাবিত্রীর স্বজাতি, একান্তই এদেশের।  
আমাদের নারীজীবনের ইহাই একমাত্র আদর্শ। এই  
সূত্রে 'দেশাচারের প্রতি', 'পিঞ্জরাবদ্ধা কোন বিহঙ্গিনীর  
প্রতি', 'বঙ্গাঙ্গনার খেদ', 'কোন বিহঙ্গিনীর প্রতি', 'বিদ্যা-

শিক্ষার্থিনী ভগিনীগণের প্রতি', 'অরণ্যে দময়ন্তী'  
প্রভৃতি কবিতা সবিশেষ প্রাণধানযোগ্য।

রাজাকে হিন্দু দেবতা বলিয়া মনে করে। 'মহতী  
দেবতা হোষা নররূপেণতিষ্ঠতি'—ইহাই শাস্ত্রের অনু-  
শাসন। এ অনুশাসনের গৌরব কনি ক্ষুণ্ণ করেন নাই ;  
অথচ, দেশের পরাধীনতা তাঁহাকে ব্যথিত করিয়াছে।  
'ভারতমাতা', 'ভক্তিভাজন শ্রীযুক্ত সুরেন্দ্র নাথ বন্দ্যো-  
পাধ্যায়ের মাতার প্রতি সান্দ্রনা', শ্রীযুক্ত সুরেন্দ্রনাথ  
বন্দ্যোপাধ্যায় মহাশয়ের পত্নীর প্রতি সান্দ্রনা' প্রভৃতি  
কবিতা তাঁহার দেশাত্ম-বোধের স্পন্দনে প্রাণবান্।  
মানুষের জীবন দভাবতঃই শতদুঃখে জর্জরিত। তাহার  
উপর প্রকৃতির আকস্মিক নিষ্ঠুর লীলা—দুর্ভিক্ষমহামারী।  
'মান্দ্রাজদুর্ভিক্ষ' কবিতায় কবির অশ্রু আমাদের চক্ষুকেও  
সজল করিয়া তুলিয়াছে।

আত্মনু একটি বস্তু লক্ষ্য করিয়াছি—সেটি নীরদ-  
মোহিনীর মাতৃপ্রাণ। এই প্রাণের বিপুল স্নেহই সর্বত্র  
সহস্রধারায় বর্ষিত হইয়াছে। মান্দ্রাজ বাঙলা নয় ;  
কিন্তু সত্যকার মাতৃহের কাছে ভেদের সীমারেখা  
অবলুপ্ত। 'যুবরাজ প্রিন্স অব্ ওয়েল্‌সের ভারতে  
'শুভাগমন' এবং 'যুবরাজের স্বদেশ প্রত্যাগমন' কবিতা-  
দুইটীতে রাজভক্তির অপেক্ষা এই মাতৃহৃদয়ের অনুপম  
স্নেহের আকৃতিই অধিক ফুটিয়াছে। কবিচিত্তের এই  
রূপটিই আমাকে বেশী করিয়া মুগ্ধ করিয়াছে। •



প্রকৃতিবর্ণন যে কবিতাগুলির বিষয়বস্তু, তাহাদের ভিতর বর্ণনার সরল, সহজ এবং ললিত মাধুর্য আছে। কিন্তু অনেক স্থলে উপলক্ষিত প্রকৃতির ভিতর কবির আত্মসংস্পর্শ (ইংরেজীতে যাহাকে Subjective Touch বলে) লক্ষ্য করিলাম। 'বাদল', 'শশধর' প্রভৃতি কবিতা এই লক্ষণে সুন্দরতর হইয়াছে।

'কবি ও কল্পনা' কবিতাটি 'সনেট'লক্ষণাক্রান্ত, অত্যন্ত চমৎকার। তেরোটি উপমায় কবির সঙ্গে কল্পনার সম্পর্ক অতি সুন্দর এবং নিপুণভাবে এই কবিতায় দেখানো হইয়াছে।

'ঈশ্বর' শীর্ষক কবিতাটি 'Acrostic'। ইহার প্রতি পঙ্ক্তির প্রথম অক্ষর পর পর যোজনা করিলে কবির নাম এবং কবিতার রচনাস্থান পাওয়া যায়। সহজে বোধগম্য করিবার উদ্দেশ্যে প্রথম অক্ষরগুলি পঙ্ক্তি হইতে একটু বিচ্ছিন্ন করিয়া বড়ো টাইপে ছাপা হইয়াছে। সুকৌশলে কবিতাটি রচিত।

কবিতাগুলির কয়েকটি সাময়িক পত্রিকায় প্রকাশিত হইয়াছিল। অন্ততঃ তিরিশবৎসর পূর্বে পুস্তকাকারে বাহির হওয়া যাহাদের পক্ষে সমীচীন ছিল, আজ তাহাদের আবির্ভাব আকস্মিক হইলেও অসাময়িক বলিয়া মনে করি না। প্রথমতঃ পাঠকপাঠিকাদের মন পুরাতনের সঙ্গে নূতন করিয়া পরিচিত হইবার অবকাশ পাইবে। এ ভাবের Retrospective দৃষ্টির

ঐকান্তিক প্রয়োজন আছে। দ্বিতীয়তঃ পাশ্চাত্য শিক্ষাদীক্ষার বহুবর্ষপুঞ্জিত প্রবল প্রভাবে দেশের বিশেষতঃ নারীদের যে আদর্শবিকার এবং রুচিবিকার জন্মিয়াছে, তাহা খণ্ডিত করিতে, অন্ততঃ আংশিকভাবে বিপর্যাস্ত করিতে দেশের আদর্শস্থানীয় এক মহীয়সী মহিলার বাণী যথেষ্ট সাহায্য করিবে বলিয়া বিশ্বাস করি। তৃতীয়তঃ যাঁহার স্বামী স্বনামধন্য কীর্ত্তিমান পুরুষ শ্রীগিরিশচন্দ্র বসু দীর্ঘকাল ইউরোপপ্রবাস এবং পাশ্চাত্যশিক্ষা সত্ত্বেও আজীবন শুদ্ধ আদর্শ বাঙালী দেশবাসীকে উপদেশ দেওয়ার অবিসম্বাদিত অধিকার তাঁহার আছে এবং সে উপদেশ জীবন্ত দৃষ্টান্ত অপেক্ষা কোনো অংশে নূন নয়।

কবির সুযোগ্য পুত্রকন্যাগণ তাঁহার কবিতাগুলি সংগ্রহ করিয়া গ্রন্থাকারে প্রকাশিত করায় আমাদের ধন্যবাদভাজন হইয়াছেন।

শ্রীশ্যামাপদ চক্রবর্তী

# পারিজাত

( টেকেশ্বরের )

## ঈশ্বরের নিকট প্রার্থনা

ওহে প্রভো পরমেশ জগৎ-জীবন  
তোমার নিকটে আমি করি নিবেদন ;  
আমি হে তোমার কণ্ঠা, নিতান্ত দুঃখিনী  
গাহিতে তোমার নাম নাহি আমি জানি ।  
আমি অতিশয় পাপী ছহিতা তোমার,  
মম সম পাপী বুঝি কেহ নাহি আর ।  
আমি যে অধম অতি নাহি কোন জ্ঞান ;  
কৃপা করি পিতা, মোরে কর জ্ঞান দান ।  
হে পিতা, তোমার কাছে করি এ মিনতি ;  
হেন জ্ঞান দাও যেন ধর্ম্মে থাকে মতি ।  
তব আশ্রয় করু যেন না করি লঙ্ঘন ;  
স্থির চিত্তে সদা সেবি তোমার চরণ ।  
কায়মনোবাক্যে তব চরণ সেবিব ;  
কাহাকেও কোন কালে ঘৃণা না করিব ।  
মিষ্টভাবে সকলেরে যতনে তুষিব ;  
উচ্চ কথা করু আমি মুখে না আনিব ।

## পারিজাত

অক্ষু খঞ্জ দেখি যেন দয়া উপজয় ;  
 ক্ষুধার্ভেরা সর্বক্ষণ আহারাদি পায় ।  
 যেজন ক্ষুধাতে অতি হইবে কাতর,  
 অশনাদি করাইব করিয়া আদর ।  
 তেন শক্তি দাও প্রভো পতিত-পাবন,  
 এই সব আজ্ঞা তব করিব পালন ।  
 তব কাছে করযোড়ে এ মোর মিনতি,  
 অনুক্ষণ ধর্মপথে থাকে যেন মতি  
 মত পাপ করিয়াছি ক্ষমা কর তুমি ;  
 পাপার্ণবে ডুবিয়া যে রহিয়াছি আমি ।

## ঈশ্বর স্তোত্র

কি বিচিত্র শোভাময় এ বিশ্ব ভবন,  
 যাহা দেখি তাহাতেই বিমুগ্ধ নয়ন ।  
 কতই সুন্দর দ্রব্য আছে চারিধারে,  
 অসংখ্য অগণ্য, কেহ বর্ণিতে না পারে ।  
 কোথাও শোভিছে অতি সুন্দর কানন,  
 কোথাও বা রহিয়াছে বৃক্ষ অগণন ।  
 এই সব শোভা হেরি আনন্দ অন্তরে,  
 এক মনে সবে বিভূষণ গান করে ।  
 পশুপক্ষী কত শত জীব জন্তুগণ,  
 সকলেই করে বিভূ নাম সংকীর্তন ।

কোনখানে ফুটিয়াছে পুষ্প শোভাময়,  
 যাহা দেখি সকলেই আনন্দিত হয় ।  
 শ্রুতি সুখকর স্বরে বিহগী সকল,  
 জগতে পিতার কীর্তি প্রচারে কেবল ।  
 কিন্তু হায় প্রভু আমি অতিশয় পাপী,  
 তোমার প্রার্থনা আমি করিনা কদাপি  
 তোমায় ভুলিয়া আমি আছি নিরন্তর,  
 তোমাতে নাহিক প্রভো আমার অন্তর ।  
 হেন শক্তি দাও প্রভো নিত্য নিরঙ্কন,  
 কভু যেন নাহি ভুলি তোমার চরণ ।  
 আর এক আশা মোর পুরাও মহেশ,  
 স্বামী যেন পাই আমি গুণেতে অশেষ ।

## যুবরাজ প্রিন্স অব্ ওয়েল্‌সের ভারতে শুভাগমন

১৮৮৫ সালে ডিসেম্বর মাসে সপ্তম এডওয়ার্ড প্রিন্স অব্  
 ওয়েলস্‌রূপে কলিকাতায় আগমন করেন । )

অন্য কিবা শুভদিন ওহে ভগ্নাগণ,  
 প্রিন্স অব্ ওয়েল্‌সের বঙ্গে আগমন ।  
 প্রিন্স এসেছেন শুনি বহুবাসিগণ,  
 • হর্ষরসে সর্ষকার উথলয় মন ।

আসিছেন যুবরাজ বঙ্গভগ্নীগণ,  
 নিজ নিজ গৃহে কর মঙ্গলাচরণ ।  
 যুবরাজ আগমনে বঙ্গবাসী যত,  
 আনন্দ উৎসব সবে করে কত শত ।  
 নিজ নিজ ঘরে সবে আনন্দে মাতিছে,  
 প্রফুল্ল সকলে, সুখ-সাগরে ভাসিছে ।  
 যুবরাজ আসিছেন ইহাতে সকলে,  
 আনন্দ উৎসব করে কত কুতূহলে ।  
 মহারানী পুত্র বলি করে সমাদর,  
 অর্থ ব্যয় তরে কেহ না হয় কাঁতর ।  
 “জয় ভিক্টোরিয়া জয়, কুমারের জয়,”  
 এই কথা সর্বদেশে প্রতিধ্বনি হয় ।  
 প্রিন্স আসিছেন ইহা করিয়া শ্রবণ,  
 দীন দুঃখী সকলেই আনন্দে মগন ।  
 দীন দুঃখীগণ সবে ভাবে মনে মনে,  
 দুঃখের বারতা কব রাজ-সম্মিধানে ।  
 তাহা হ'লে মহারাজা অল্পকূল হবে,  
 আমাদের সকলের দুঃখ দূরে যাবে ।  
 তাহা হ'লে আমাদের হবে সুখোদয়,  
 এই কথা দীন দুঃখী সকলেই কয় ।  
 ভবিষ্যৎ রাজা তিনি অতি দয়াবান,  
 দয়া কার সকলেরে দেন অর্থ দান ।  
 আশা করি ভগ্নীগণ, দুঃখীদের প্রতি,  
 প্রিন্স অব্ ওয়েল্‌সের থাকে যেন মতি  
 অন্ন বস্ত্রহীন ব্যক্তি আছে যে সকল,  
 তাহাদের আশা যেন হয়গো সকল ।

যাহা হ'ক ভগ্নীগণ, করি নিবেদন,  
 লর্ড মেয়ো বধেছিল আছে কি স্বরণ ?  
 সেরূপ হুর্ভু যদি থাকে পুনরায়,  
 তাহা হ'লে ভগ্নীগণ, কি হ'বে উপায় ।  
 কুমারের যদি কোন অমঙ্গল হয়  
 তাহাতেই আমাদের আছে বড় ভয় ।  
 কুমারের অমঙ্গলে আসে গো আতঙ্ক,  
 তাহা হলে আমাদের হইবে কলঙ্ক ।  
 অতএব বঙ্গবাসী শুন নিবেদন,  
 আমোদ প্রমোদে মাতি ভুলনা কখন ।  
 সকলের স্থির দৃষ্টি থাকিবে ইহাতে,  
 কেহ যেন অমঙ্গল না পারে করিতে ।  
 প্রিন্স অব ওয়েলস্ শুন ভগ্নীগণ,  
 নিরাপদে করিবেন স্বদেশে গমন ।  
 ইহাতে যে কি আনন্দ বলিবার নয়,  
 তাহা হলে হবে সবে সুখী অতিশয় ।  
 ঈশ্বর করুন এই যুবরাজ প্রতি,  
 স্বদেশে ফিরিয়া গিয়া সুখী হ'ন অতি ।  
 একমনে এ প্রার্থনা কর গো সকলে  
 সর্বক্ষণ প্রিন্স যেন থাকেন কুশলে ।

## যুবরাজের স্বদেশ প্রত্যাগমন

একি শুভ বার্তা শুনি ওহে ভগ্নীগণ,  
নির্ঝিষ্মে স্বদেশে প্রিন্স করেছে গমন ।  
এই কথা যবে কর্ণে করিল প্রবেশ,  
তখন সনার হ'ল আনন্দ অশেষ ।  
নির্ঝিষ্মে ইংলণ্ডে গেছে রাজার কুমার,  
এ সংবাদে সবার আনন্দ অপার ।  
কুমারের যদি কোন অমঙ্গল হ'ত  
ইংলণ্ড নিবাসিগণ কত কি বলিত ।  
“যুবরাজ বঙ্গদেশে করিল গমন,  
মোদের দুর্দশা হয় কি হল এখন ।  
বুঝি রাজ কাছে ছিল অল্প লোক অতি  
তাতেই বিপদ হ'ল কুমারের প্রতি ।  
ধিক ধিক শতধিক বঙ্গবাসিগণে  
রাজপ্রতি দৃষ্টি তারা রাখে না যতনে ।  
কি কুক্ষণে যুবরাজ গেলেন তথায়  
তথা গিয়া আর নাহি ফিরিলেন হয়”  
ইত্যাদি বিলাপ আর অপবাদ হ'ত,  
বঙ্গে গিয়া যুবরাজ হইলেন হত ।  
আশা ছিল বড় মনে ওহে ভগ্নীগণ,  
নির্ঝিষ্মে জননী কাছে করিবে গমন ।  
এক্ষণে সে সব আশা ফলবতী হ'ল  
নির্ঝিষ্মে স্বদেশে প্রিন্স গমন করিল ।



যুবরাজ মাতুরাজ্য ভ্রমণ করিয়া,  
 নির্ঝিল্লি নিজের দেশে গেলেন ফিরিয়া  
 ঈশ্বর নিকটে মোরা এ প্রার্থনা করি,  
 কুশলে থাকুন প্রিন্স দিবস শরীরী ।  
 বিভূ পদে এ মিনতি হয়ে দীর্ঘজীবী,  
 যুবরাজ নিরাপদে পালুন পৃথিবী ।  
 কায়মনে ভগ্নীগণ বলহ সকলে  
 সর্বক্ষণ প্রিন্স যেন থাকেন কুশলে ।

## ঈশ্বরের নিকট ক্ষমা প্রার্থনা

কোথায় জগৎপতি ! ডাকিহে কাতরে,  
 কৃপা কর পরমেশ এই অধীনীরে ।  
 তোমা বিনা জগদৌশ, না দেখি উপায়,  
 তুমিই আমার নাথ, একই সহায় ।  
 পাপী কন্তা পিতঃ তব ডাকে বারে বার  
 দয়া কর দীনবন্ধু দয়ার আধার ।  
 পাপী বলে পিতঃ মোরে ভুলিয়া খেক না,  
 তোমা বিনা এ অধীনা আশ্রয় বিহীনা ।  
 পাপপঙ্কে ডুবে আমি আছি সর্বক্ষণ,  
 উদ্ধার করহে মোরে পতিত-পাবন ।

কত যে করেছি পাপ কি বলিব আর,  
সকলি ত জ্ঞাত তুমি বিশ্ব সারাৎসার ।  
কি হবে উপায় নাথ, কি হবে আমার,  
কেমনেতে হ'ব ভীম ভব সিদ্ধ পার ?  
ক্ষম হে অনাথ নাথ ক্ষম হে আমার,  
কত পাপ করিয়াছি ক্ষম সমুদয় ।

তব আজ্ঞা আমি কিছু না করি পালন,  
তোমাতে ভুলিয়া আমি আছি সর্বক্ষণ ।

এ ফলের পরিণাম কি হবে না জানি,  
ভয়েতে কাঁপিছে নাথ হৃদয় পরাণী ।

তব দয়া বিনা নাথ, কিছু নাহি আর,  
অনাথার নাথ তুমি দয়ার আধার ।

তব আজ্ঞা রক্ষিবারে সূর্য্য দয়াময়,  
প্রাতঃকালে পূর্বাচলে হনেন উদয় ।

গোধূলিতে পুনঃ ফিরে অস্তাচল শির,  
আশ্রয় করেন ঐ প্রদীপ্ত মিহির ।

তোমার আজ্ঞায় শনী সহ তারাগণ,  
উঠিয়া গগনে শান্ত বিতরে কিরণ ।

জুড়ায় তাপিত প্রাণ জুড়ায় জীবন,  
ধন্য দয়াময় ! তব আশ্চর্য্য সৃজন ।

কোন কোন বৃক্ষ নাথ মহিমা তোমার,  
উচ্চ শির হয়ে যেন করিছে প্রচার ।

কোন কোন মহীকুহ পুনঃ নত শিরে,  
তোমার চরণে যেন প্রণিপাত করে ।

পশুপক্ষী তরু আদি সবে এক মন,  
 সতত তোমার আজ্ঞা করিছে পালন ।  
 কিন্তু হায় প্রভো, আমি তব কন্যা হয়ে,  
 সতত তোমাতে যেন রয়েছি ভুলিয়ে ।  
 কন্যা হয়ে পিতৃ-আজ্ঞা না করি পালন,  
 তোমার অবাধ্য আমি হই সর্বক্ষণ ।  
 দুঃখিনী কন্যার পিতঃ, এই নিবেদন,  
 অনুক্ষণ তব পদে থাকে যেন মন ।  
 তোমার নিকটে পিতা, এ মিনাত করি,  
 হেন শক্তি দেও যেন পাপ পরিহারি ।  
 ধর্মাত্মা প্রদান পিতঃ দুঃখিনী কন্যারে,  
 কৃপা কর কন্যা প্রতি বলি বারে বারে ।  
 পুরাও বাসনা মম ওহে দয়াময়,  
 হৃদয় বাসনা যেন ফলবর্তী হয় ।

## দময়ন্তীর খেদ

কোথা গেল পতি মম আমারে ফেলিয়া  
 বিপিনে রাখিল মোরে কিসের লাগিয়া ॥  
 কি দোষ করেছি আমি পতির চরণে,  
 কি দোষ করেছি তাহা নাহি জানি মনে ।  
 পতি বিনা আমি যে গো কিছুই জানি না  
 পতিই আমার একমাত্র আরাধনা ।

পতি বিনা আমি সব দেখি অন্ধকার,  
 পতি মম একমাত্র জীবনের সার ।  
 ওহে বৃক্ষ পত্রগণ শুন নিবেদন,  
 কোথায় আমার পতি বল বিবরণ ।  
 জান যদি শ্রোতস্বতি, বলগো আমারে  
 কোথা গেল পতি মোরে ফেলিয়া কান্তারে ।  
 ওরে শুক সারী আদি বত পক্ষিগণ,  
 কোথায় গেলেন পতি, গেল কি কারণ ।  
 জান যদি বল তবে বল সত্য করি,  
 কি হেতু গেলেন হায় মোরে ত্যাগ করি ।  
 ওহে প্রাণনাথ তুমি বল কি কারণ,  
 মোরে একা রাখি কোথা করিলে গমন ।  
 তোমা বিনা আমি ওগো অন্ম নাহি জানি  
 তোমা বিনা আমি যেন মণিহারা ফণি ।  
 অর্ধ-বস্ত্র-পরিধানা রমণী তোমার,  
 তোমা বিনা সে রমণী করে হাহাকার ।  
 কোথা গেলে প্রাণনাথ দেহ দরশন,  
 দরশন দিয়া রাখ রমণীজীবন ।  
 তব জন্ম আমি নাথ, ছাড়ি রাজ্য আশ,  
 তব জন্ম আমি নাথ, যাই বনবাস  
 ( কি কারণে প্রাণেশ্বর আমারে ত্যজিলে,  
 দুঃখিনীরে একা ফেলি কোথা চলে গেলে ।  
 যে অবধি প্রাণনাথ ত্যজেছ আমারে,  
 সে অবধি ভাসিতেছি শোক পারাবারে ।

## বিদ্যাশিক্ষার্থিনী ভগ্নাগণের প্রতি

তাজ নিদ্রা, উঠ উঠ হে ভগ্নীগণ,  
একবার জ্ঞান চক্ষু কর উন্মোলন ।  
কতদিনে সবাঁকার নিদ্রাভঙ্গ হবে,  
অন্ধকূপ হতে কবে উদ্ধার পাইবে ?  
সচেতন হয়ে কর জ্ঞানের সন্ধান,  
জ্ঞানসুধা ভগ্নীগণ কর সবে পান ।  
হায়, কতদিনে আর বল বঙ্গবালা,  
সহিবেক ভগ্নীগণ পরাধীনা জালা ।  
পশুর সদৃশ আর কতদিন রব,  
অজ্ঞানান্ধকার হতে কবে মুক্ত হবে ?  
উঠ উঠ ভগ্নীগণ, উঠ হে স্বরিত,  
জ্ঞানসুধা পান করি হও সন্তোষিত ।  
সহেনা গো প্রাণে আর অধীনতা ভার,  
এস চেষ্টা করি যাতে হইব উদ্ধার ।  
জ্ঞানদীপ করে ধরি প্রফুল্লিত মনে,  
অজ্ঞান অধার এস হরি সর্বজনে ।  
বামাগণ, অধীনতাকষ্ট পরিহরি,  
স্বাধীন হইতে সবে এস চেষ্টা করি ।  
পিঞ্জরে আবদ্ধ মোরা নাহি আর রব,  
স্বাধীন হইলে সবে কত সুখী হব ।  
দেখহ প্রাণের সব বঙ্গ-ভগ্নীগণ,  
পূর্বকালে ধনা আদি যত নারীগণ ।

বিদ্যালভ করেছিল কিবা চমৎকার,  
 কত বিদ্যা শিখেছিল কি বলিব তার ।  
 বিদ্যা শিখে সবে কত সম্মান লভেছে  
 তাঁহাদের কীর্ত্তি দেখ এখনও রয়েছে ।  
 কিন্তু এবে বল হায় কোথায় সেদিন,  
 এবে যত বঙ্গবালা হয় পরাধীন ।  
 অজ্ঞানতিমিরাচ্ছন্ন সবাকার মন,  
 মূৰ্খ হয়ে আছ যেন পশুর মতন ।  
 পিঞ্জরে আবদ্ধ পক্ষী থাকয়ে যেমন,  
 বঙ্গনারী সেইরূপ থাকে অমুক্তন ।  
 এমন সুদিন হায় হইবেক কবে,  
 ভারতের সুখ সূর্য্য দেখা দিবে যবে ?  
 সুদিন সৌভাগ্য কবে ঘটিবে আবার  
 দুঃখ দূর হবে কবে বঙ্গ ললনার ?  
 ভারত-বাসিনী যত হে ভগিনীগণ  
 তোমাদের কাছে মোর এই নিবেদন—  
 পূৰ্ব্বকালের বিদূষী নারীদের মত,  
 সকলে মিলিত হয়ে হও সুশিক্ষিত ।  
 বিদ্যা শিখি কর সবে যত দুঃখ দূর,  
 বিদ্যা লাভ কর হবে আনন্দ প্রচুর ।  
 বিদ্যা শিখে কর সবে জ্ঞান লাভ সার,  
 বিদ্যার সমান বন্ধু কেহ নাহি আর ।

## শশধর

পূর্ণিমার শশী শোভে গগন উপরে,  
চকোর আনন্দ মনে,  
নিজ প্রেয়সীর সনে,  
উর্দ্ধমুখে মনসুখে সুধাপান করে ।  
আহা মরি কি সুন্দর,  
দেখি প্রফুল্ল অন্তর ।

কেমন সুন্দর শশি উঠেছে গগনে,  
মেঘেতে কৌমুদী হাসে  
অহ্লাদ সাগরে ভাসে  
কুমুদিনী, ধনী পেয়ে নিজ প্রাণ ধনে ।  
নূতন চন্দ্রমা দেখি,  
জীবগণ সবে সুখী ।

ধরণী শোভিতা মরি হয়েছে কেমন ?  
মনে বোধ হয় হেন,  
শশীর কিরণে যেন  
প্রকৃতি করেছে নিজ অঙ্গ আচ্ছাদন ।  
হেনকালে আচম্বিতে,  
কাল মেঘ কোণা হতে

## পারিজাত

চাঁদের উপর আসি উদয় হইল ;  
 দেখিতে দেখিতে হাঁয়,  
 চাকিয়া ফেলিল তায়,  
 সমগ্র মেদিনী তবে আধারে ছাইল ।  
 কড় কড় কড় নাদ,  
 হইতেছে বজ্রাঘাত ;

হতেছে মূষলধারে বারি বরিষন ।  
 হায়রে নিষ্ঠুর বিধি,  
 একি গো তোমার বিধি ?  
 পূর্ণিমায় ঘোর অমা করিলে ঘটন !  
 চকোর কাতর মনে,  
 চকোরীরে করি সনে,

ধীরে ধীরে চলে গেল আপন আবাসে ;  
 কুমুদী, বিপন্ন ভারি,  
 খর বৃষ্টিশ্রোতে পড়ি  
 উলটি পালটি খেলি, মরে অবশেষে ।



## প্রভাত বর্ণনা

রজনী প্রভাত হ'ল মানব নিকর,  
নিদ্রা পরিহরি সবে উঠে সত্বর ।  
উদয় গিরিতে রবি উদয় হয়েছে,  
এ সময় পূর্বাকাশ কি শোভা ধরেছে ।  
রক্তিম বরণ কিবা তরুণ তপন,  
নিরখিয়া একবার জুড়াও নয়ন ।  
হইয়াছে আলো এবে সর্ব দিকময়,  
আলো দেখি জীবগণ আনন্দ হৃদয় ।  
বৃক্ষে বসি পক্ষিগণ করিতেছে গান,  
কি মধুর ওই শুন কোকিলের তান ।  
কোকিলের কুহুম্বর পাখীদের গীত,  
শুনিয়া সবার মন হয় হরষিত ।  
সরোবরে প্রস্ফুটিত কমলিনী দল,  
দেখিতে সুন্দর কিবা শোভা নিরমল ।  
দিনেশে উদ্ভিত দেখি পূর্ব আকাশে,  
হাস্তমুখে ধনী নিজ পত্রের সম্ভাষে ।  
কাননে কুমুম কলি সকলি ফুটেছে,  
কানন মধ্যেতে মরি কি শোভা হয়েছে ।  
শুণ শুণ রব করি বৃত অলিকুল,  
পরিমল লোভে সাধ হয়েছে ব্যাকুল ।  
ঝাঁকে ঝাঁকে আসিতেছে মধুপান করে,  
• পুষ্প মধু পান করে প্রকুর অন্তরে ।

পারিজাত

নানা পুষ্পে মধুপান করি মধুকর,  
 মধুপানে হইয়াছে মধুমাখা স্বর ।  
 বৃক্ষ শিরে পড়িয়াছে রবির কিরণ,  
 কি সুন্দর আভা তার সোণার বরণ ।  
 দেখিয়া সকলে তাহা পুরাকিত অতি,  
 মলয় সমীর বহে মৃদু মৃদু গতি ।  
 প্রকৃতির কিবা শোভা হইয়াছে হায়,  
 প্রকৃতির শোভা দেখি নয়ন জুড়ায় ।

কোন বন্ধুর মৃত্যু উপলক্ষে

একি শুনি হায়,                      খেদে প্রাণ যায়,  
 অকস্মাৎ মরি, কি শুনিতে পাই ;  
 পিতৃতুল্য দেব এ জগতে নাই ।  
 শমনে তাঁহায়,                      হরিয়াছে হায়,  
 নির্দিয় শমন একিরে অন্তায়,  
 কি দোষে বলরে গ্রাসিলি তাঁহায় ?  
 হার তোর একি ব্যবহার,      কালাকাল নাহিক বিচার ?  
 যারে তবে ইচ্ছা হয়,              গ্রাসিস অমনি তার,  
 না হতে সময় করিলি সংহার ;  
 ধিক তারে যম, ধিক শতবার

## পারিতোষ

হায়, বঙ্গ-মাতা ক্রোড় শূন্য করি  
হৃদয়-রক্তন সবে নিরি হরি ?  
হরিয়ে সে সব অমণা রহন,  
কি নাথ পূরানি বলরে শমন ?  
বঙ্গমাতা হৃদে আছে যত ধন,  
একে একে তুই করিদি হরণ ।  
কবি কুলোজ্জল শ্রীমধুসূদন,  
দীনবন্ধু আদি আধারি ভুবন,  
গেল সবে চলি স্বরণ উপর :  
শোকানলে হায় দহিছে অন্তর !  
দ্বারি মিত্র শোক না কুলিতে হায়,  
নব শোক আজি উপস্থিত হয়,  
হৃদয়ে হৃদয়ে ভুলি হাহাকার,  
গেলে তুমি তাত, ছাড়ি পরিবার ।

ওই চেয়ে দেখ যম,                      বিনা প্রিয় পুত্রগণ,  
বঙ্গভূমি করিছে রোদন ;  
“কোথা দীন বন্ধু মম,                      দ্বারি মিত্র প্রাণ মম,  
কোথা গেলি শ্রীমধুসূদন ।”  
যম, কি কব অধিক,                      শিক হোরে শত শিক,  
তুই অতি পাবণ্ড দুর্জন ;  
তুইরে নিষ্ঠুর প্রাণী,                      সবার কন্দন শা)  
দয়া নাহি হয় কদাচন ।  
হা তাত, বলগো তুমি,                      ছাড়ি এই মর্ত্যভূমি,  
কোথা হায় করিলে গমন ;  
ত্যাগিয়া সংসার মারা                      ত্যজি নিজ হৃদে আশা  
কোন দেশে করিছ ভ্রমণ ?

সংসারের কোলাহলে,                      মনুষ্যের গণ্ডগোলে,

ক্ষুধ বুক হয় তব মন :

সেই হেতু ওগো তাত,                      ছাড়ি বন্ধ দারা সূত,

নির্জনেতে রয়েছ এখন ।

তুনি দেব নিরঞ্জে,                      জাচ্চ নিশচিন্ত মনে,

ভব ছঃ ম না ভাবিচ্ছ হায় :

তোথা মোরা দিবা নিশি.                      শোক অশ্রুজলে ভাসি

পেলে বুক বিদরিয়া যায় ।

ন বনে,                      নঠিতে ।

আথা কত করিতে যতন ;

কি আপন কিবা পব,                      তব কাছে ভেদাস্তর,

ওহে দেব ছিস না কখন ।

স্ববিচারপতি তুমি                      সবাধার মুখে শুনি,

অবিচার করিতে না কহু ;

সদা কর স্ববিচার,                      দেখিলে গো অবিচার,

বিরত যে হ'তে তুমি প্রহু ।

তবে কেন বল হায়.                      কর বিচার অন্সার,

ওহে দেব স্ববিচার নতি ;

না হ'তে সময় তব,                      ছাড়িয়ে ছে এই ভব,

গেলে চনে এত শীঘ্রগতি ।

তোনার বেতন হায়,                      বৃদ্ধি হবে পুনরায়,

শনে কত আশা উপজিয়া,

কিঞ্চ যে গো হায় হায়,                      জলবুধদের প্রায়

মনআশা মনেতে মিলায় ।

কোথা ওগো সুধীবর,                    দেখ চেয়ে একবার,  
 তব প্রিয় পরিবারগণে ;  
 কি রূপে রয়েছে আশা,                    বলা নাহি যায় তাঙ্গ,  
 করিছে রোদন তোমা বিনে ।

তোমার বনিতা হায়,                    ধূলায় লুপ্ত কায়,  
 তাঁর দুঃখ বলা নাহি যায় ;  
 পড়িয়া ধরণী তলে,                    ভাবেন নয়ন জনে,  
 তাঁকে দেখে বৃক্ষ ফেটে যায় ।

একবার দেখ চেয়ে,                    জঞ্জের বনিতা হয়ে,  
 ধূনি সজ্জা হয়েছে এখন ;  
 কি দুর্দশা আজি তাঁর,                    দেখ এসে একবার  
 একবার দেও দরশন ।

তব সোনার সংসার,                    তোমা বিনা ছারখার,  
 এবে তায় কে করে যতন ;  
 কব প্রিয় পুত্রগণ,                    হায় তাহারা এখন,  
 তোমা বিনা করিছে রোদন

## ঈশ্বরোপাসনা

নামি বিভো পরমেশ চরণে তোমার,  
দুঃখিনীর প্রতি দয়া কর একবার ।  
পাপেতে জড়িত আমি হয়েছি হে হায় !  
না জানি হে নাথ মম কি হবে উপায় ।  
পাপ পথে ডুবে আর কত দিন রব,  
কিরূপেতে জগদীশ, তব গুণ গাব ?  
একে মূর্থ নারী আমি অতি জ্ঞানহীনা,  
তোমার ভজনা কিছু করিতে জানি না ।  
সতত আমার চিত্ত পাপ দিকে ধায়,  
তব গুণ গান নাহি করিবারে চায় ।  
চঞ্চল আমার মন না শুনে বারণ,  
পাপ কার্যে রত হয়ে আছে অক্ষুণ্ণ ।  
কি হবে উপায় নাথ, কি হবে উপায়,  
কেমনেতে পাব আমি ও চরণাশ্রয় ।  
পাপেতে পঙ্কিল প্রভো আমার হৃদয়,  
দয়া করে ক্ষম মোর পাপ সমুদয় ।  
সতত পূজিগো যেন তোমার চরণ,  
আর যেন পাপ পথে না করি গমন ।  
ধর্মের যোগান দেব, দেখাও আমার,  
দুঃখিনীর প্রতি দয়া কর দয়াময় ।

## দয়াময়

দয়াময় তব নাম শুনেছি শ্রবণে,  
তবে দেব দয়া কর এ অধিনী জনে ।  
তব পদে প্রণিপাত করি বার বার,  
দয়াময় দীনবন্ধো ! দয়ার আধার ।

## মাদ্রাজ দুর্ভিক্ষ

মাদ্রাজের কি দুর্দশা হইয়াছে হায়,  
মাদ্রাজবাসীরা যত  
কাদিতেছে অবিরত,  
কেন্দে কেন্দে হইয়াছে সবে মৃত পায়,  
ভারতে আবার সবে করে হায় হায় ।

মাদ্রাজ দুর্ভিক্ষে আহা কত লোক মরে,  
অনশনে প্রাণ যায়,  
শুনি শুনি বিদরয়,  
মুষ্টি ভিক্ষা করে সবে ঘরে ঘরে ফিরে,  
অকস্মাৎ একি শুনি মাদ্রাজ তিতরে ।

## পারিজাত

৩

চতুর্ভুজ কৃতান্ত আসি, ভারত-মাঝারে  
করিছে সবারে নাশ,  
হায় একি সর্বনাশ !

অনশনে সবে হায়, তনু ত্যাগ করে,  
ভারত আবার সবে হাজা রব করে ।

৪

নাহি আর বাঁচে কেহ পেটের জালায়,  
ধরামনে কেহ পড়ে,  
কেহ আত্মহত্যা করে ;  
প্রাণে বাঁচা সকলের হল মহাদায়,  
অকস্মাৎ একি হ'ল জালা মরি হায় !

৫

আপন মস্তানে কেহ করিছে বিক্রয় !  
মস্তান বিক্রয় করে  
নিজের উদর পূ'রে  
না জানি সে প্রসূতির কেমন হৃদয় !  
অথবা সকলি করে পেটের জালায় !

৬

কৃষক পকল হায় বিরলে বসিয়া  
কেমনে মস্তানগণে  
পালিবে ভাবিছে মনে,  
নিরাশায় ভাবিতেছে মাথে হাত দিয়া,  
ভাহাদের দুঃখ দেখি ফেটে যায় হিয়া ।



৭

লাবিলে কি হবে আর কৃষক সৃজন !  
 যে কাল রাক্ষস আসি  
 লক্ষ লক্ষ প্রাণী নাশি  
 করিতেছে আপনার উদর পোষণ  
 কার সাধা তাবে হার করে গিলারণ !

৮

হতাশ অন্তরে কেহ বলিতেছে হায়,  
 প্রাণ সম পরিবার  
 বাঁচাব কি করে আর,  
 কোথা হ্রস্ব পাবে আন, কি হ'বে উপায়,  
 মাল্লাজের সুখরবি অন্তর্মিত প্রায় ।

৯

হৃদ্যন্ত রাক্ষস আজ না শুনি বারণ  
 আসি মাল্লাজ তিতরে  
 প্রবেশিল সর্ব্ব ঘরে,  
 তাহার করাল মুখে পশে সর্ব্বজন,  
 মাল্লাজের কিবা দশা হইছে এখন !

১০

নিরাহারে আহা, শিশু শবের মতন,  
 দাওয়াতে পড়িয়া আছে,  
 জননী তাহার কাছে,  
 আকুল পরাণে রক্ত করিছে রোমন,  
 জনক তাহার শোকে সম্বাপিত মন ।

১১

শয্যাগত স্বামী তাজি কোন বা রমনী

জ্ঞানশূন্য হয়ে হায়,

উর্দ্ধ্বাসে ছুটে যার,

‘কোথা চলে যাও’ বলি নিষেধিছে স্বামী,

কে আর শুনিলে তার সে নিষেধ-বাণী ।

১২

ছিল কোন বৃদ্ধ নগে কড়ার আশ্রয়,

এবে সেই কল্যা হায়,

জনকে ফেলি পলায় ;

জনক তাহার অতি আকুল হৃদয়,

‘যেওনা না’ বলি কত করিছে বিনয় ।

১৩

আরও কত বয়ে বৃদ্ধ সক্রমণ-বাণী

‘যেওনাগো না আমার

তুমি গেলে অভাগার

কি দুর্গতি হবে মাগো প্রাণের নন্দিনী’

কে শুনিছে বৃদ্ধের সে দুঃখের কাহিনী !

১৪

মান মর্যাদার ভয় কেহ নাহি করিছে,

লজ্জা ভয় পরিহারি,

হা অন্ন, হা অন্ন করি

কত শত নর নারী ধারে ধারে ফিরিছে,

হায় হায় কি দুর্দশা মাত্রাজেতে হয়েছে ।

পূর্বেতে বাহারা ছিল ধনধান অতি,  
 এখন তাহার হাশ।  
 আছে কাজালের প্রায় :  
 অন্নভাবে হইয়াছে এতই দুর্গতি,  
 মাদ্রাজ, এই কি তব লনাট নিয়তি ॥

১৬

অনাহারে আর কারো বাচে না জীবন  
 কত দিন অনাহারে  
 জীবন বাঁচিতে পারে ?  
 জায় মানবের এষ্ট লনাট নিধন :  
 অন্নভাবে বাঁচিতেছে শমন সদন !

১৭

মাদ্রাজ ভিতরে সদা রব হাহাকার  
 প্রতি দিন প্রতি ঘরে,  
 শত শত লোক মরে,  
 মাদ্রাজ মানব শূন্য হইল এবার,  
 সোনার মাদ্রাজ বুঝি যায় ছারখার ।

সোনার মাদ্রাজ হায় হয় ছারখার,  
 হে ভারতবাসীগণ  
 কেমন কঠিন মন

না জানি গো হায় হায় তোমা সবার !  
 মাদ্রাজ দুর্দশা নাহি দেখ একবার ।

## পারিজাত

১৯

কেবল তোমরা মনে আশু-সুখে রত  
কি করিলে ভাল হবে,  
কি হইলে সুখে রবে,  
এইরূপ চিন্তা মনে কর অবিরত,  
কেমন করিন হায় তোমাদের চিত !

২০

অথবা কেন গো হায় দোষী অকারণ  
হেন সাধা নাহি কা'র  
যুচাতে আশা অপার,  
বিনা যে ত্রিলোক-পতি জগৎ জীবন  
কার সাধা করিবারে দাবিদ্র্য মোচন ।

২১

কোথা হে অনাথ নাথ জগতের পতি !  
তব কাছে কর জোড়ে  
বলিতেছি বারে বারে  
দুঃখিগ্ন রাক্ষসে নাশ কর শীঘ্র গতি,  
দুঃখিনী কন্যার পিতঃ, এই গো মিনতি ॥

( ১৯৩৩ )

## দেখাচারের প্রশংসা

ওরে রে নিশ্চয়ম ছুঁ দেশাচার,  
তুইরে হইস বত ছুঁবাচার,  
নাহি কিরে তোঁর কিছু সদাচার  
নাহি কি শরীরে দয়ার লেশ !  
নাহি কিরে তোঁর কিছু ধর্ম ভয় ;  
তুইরে বড়ই বহিন হৃদয়  
তুইরে বড়ই গাথ ও দুর্জয় ;  
অবদারে দিতে পারিস ক্রেশ ।  
ক্রেশ দিয়া ছায় নারীর অন্তরে,  
কি কাজ সাধিস বলরে আমারে  
বলরে আমারে বল সত্য করে  
শুনিতো আমার বাসনা হয় ।  
রমণী সকল স্ত্রীকামল মতি  
তাহাদের যেরে সরল প্রকৃতি,  
এহেন নারীরে 'ওরে রে ছুঁতি !  
ক্রেশ দিয়া তুই তোঁররে হৃদয় !  
তুইরে বড়ই ছুঁ ছুঁরায়,  
রমণী বধিতে সদাই আশয়  
হারেরে মিল্লির, দয়ার উদয়  
কতু ত হয় না তোঁররে অন্তরে :

## • গীর্জিত

তুইরে পায়ণ্ড বড় স্বার্থপর,  
দয়ালীন হায় হোনার অন্তর,  
শেল সম হায় কঠিন অন্তর  
করিয়া বিধাণা সৃজিয়া তোরে ;  
তোরই কারণে ওরে ছুরাচার,  
ভারতের ৩,২০ হিন্দু পরিবার  
পরালীনা কষ্ট দুঃখিছে অপার,  
আছে অধীনতা শৃঙ্খলে বাধা ;  
তোরই কারণে ভারত জলনা,  
সহিতেছে হা . কতই যাতনা,  
পশুর সদৃশ, বিজা বুদ্ধি হীনা,  
পুরুষ অধীনে রয়েছে সদা ।  
দেখ চেয়ে দেখ ওরে ক্রুরমতি,  
পতি-হীনা হায়, যতক বুঝী,  
ফেলে অশ্রুণীর অবিরাম গতি,  
রয়েছে সত্ত বিকল মনে ;  
একত অশ্রুণী হয়ে পতিহীনা,  
সহিছে মনেতে বিষম যাতনা,  
তাহাতে আবার ওরে ছুরাচার,  
তোর অত্যাচার অসহ ব্যাপার,  
তাহাও সহিতে হতেছে প্রাণে ;  
তোরই কারণে হায়, হায়, হায়,  
ভাল করে তারা খেতে নাহি পায়,  
এক বেলা ছুটি রুবিবান্ন পায়,  
তাহাতে তাদের যায় কি যতনা ;

## পারিজাত

খাধপেলি গেয়ে বিধবা ললনা  
হয়ে আছে তার আতি গীন হীনা,  
শোকের তাপে জীর্ণ বদন নলিনা,  
তাহা কি তুমি দেখেও দেখনা ?  
ওই যে ছাদশ বয়ীরা বালিকা,  
দেখরে সঙ্গীনা কুসুন-কথিকা,  
অতি সুকোমল তাহার অন্তর,  
ভাল মন্দ কিছু নাহি জানে তার,  
আপনার মনে খেলিতে রত ;  
মাটির পুতুল লইয়া এখন,  
খেলিবে সতত ইহাই মনন,  
আমোদে রহিব সদা সর্করণ,  
এইরূপ মনে করে সতত ।  
এখন খেলার বয়স উহার,  
খেলিতে সদাই আনন্দ অপার,  
খেদা পেলে কিছু নাহি চাহে আর,  
একাদশীর ত সময় নয় ;  
কিন্তু রে নিষ্ঠুর, তোমার কারণে  
ওই যে বালিকা বিষন্ন বদনে  
ওরে একাদশী করিতে হয় ।  
ওরে রে দুর্ভাগি তোমার কারণে  
ওই যে বালিকা বিষন্ন বদনে,  
করে একাদশী হার, হার, হার,  
সুখা পেলে কিছু খেতে নাহি পার ॥

## পাণ্ডিত্য

‘হৃৎকায় নাতর, বিনয় বচনে  
জল দাগে বলি ডাকিছে সঘনে  
‘জল দেগো, বায় নতুবা প্রাণ ।’  
বিলম্ব ওরে তোর লবে কেই ভায়,  
এক পলু জন দিতে নাহি চান,  
জল বিনা বাজ হর যুহ প্রায়  
তাহা দেখি কারো দয়া নাহি ভয়,  
হারয়ে এমনি হৃদয় পাষণ !  
পুরুষ জাতিরে ষিক শত্রু বার,  
তাদের কোনে কঠিন অন্তর  
নারী প্রতি নাহি চাহে একবার,  
সদাই আপন স্ত্রুতে রত ;  
তাহাদের নিজ কন্যা ভগ্নী পানে,  
বারেক ফিরিয়া না দেখে নয়নে,  
দয়া নাহি কই উপজয় মনে,  
হয়ে আছে ঠিক পাষণ মত ।  
পুরুষের দোষ কিছু নাহি তার,  
তোরই কারণে ওরে ছুরাচার  
তাহাদের হয় কঠিন অন্তর,  
নতুবা তাদের কোমল প্রাণ ;  
তোরই কারণে আর্ষ্যসুতগণ,  
হয়ে আছে সবে স্ত্র-কঠিন মন,  
তাহাদের নিজ ভগিনী কন্যার,  
দুঃখ দূর করে সাধ্য নাহি তার  
কেবল রে ছুই তোরই কারণ ।



## পারিজাত

তোরই কারণে গেরে ছরাচার,  
এই বে সোনার আকত সংসার  
সম্মুখেতে গায়, হয় ছরিখার,

একবার চেয়ে দেখ রে হুম্বরে !

না না তোর আর দেখে কাজ নাই  
ভারতের তুই হস রে বালাই,  
ভারতে থাকিয়া তোর কাজ নাই  
দূরহ রে তুই ভারত হতে ।

নিঃস্বার্থে কেন তুই ভারত খাত

বল ওগো বিহগিনী,  
কেন এত বিখাদিনী,  
বহিত্তেছে তব চক্ষে বারি কি কারণে  
আছ করি অধোমুখ,  
হয়েছে মলিন মুখ,  
এত তব মন দুঃখ কিসের কারণে ?  
বল বল বিহগিনী, শুনী গো প্রবণে ।

স্বর্ণনিখিত চাকু পিঞ্জরভিতরে,  
 নাম করি আছ তুমি,  
 কিবা দিবা কি রজনী,  
 পাহতেছে তাল ছোলা উদর পুরিয়া,  
 তবু এত মনদুঃঃ কিমের লাগিয়া ?

৩

ধার কাছে আছ তুমি সে কত যতনে,  
 স্বর্ণপিঞ্জর ভিতরে  
 রাণিয়াছে বন্ধ করে,  
 তুষিতেছে তব মন চাল ছোলা দানে,  
 করিতেছে ক্রীড়া কত পাখি, তোর সনে

৪

কত ভালবাসে পাখি, তাহারা তোমারে,  
 তব মন তুষিবারে,  
 কতু তোরে কোলে করে,  
 কতু বা শুনায় কত সুমিষ্ট বচন,  
 এত সুখে তব মুখ লান কি কারণ ?

বুঝিয়াছি, বলিবার নাহি প্রয়োজন,  
 যে কারণে তুমি পাখি,  
 স্বর্ণ পিঞ্জরেও থাকি,  
 আছ দিবা নিশি করি মলিন বদন,  
 ইহার কারণ আমি বুঝেছি এখন

৬

পাখিরে—

যত্নপিও আছ তুমি সুবর্ণপিঞ্জরে

যদিও সকলে তোরে

বহু সমাদর করে,

তথাপিও হেরি তোর মলিন বদন

স্বাধীনতাহীনতাই তাহার কারণ ।

৭

পাখিরে—

আমি হই বড় ভঃগী তোমার মতন ,

তোমার মতন আমি

কিবা দিবা কি রজনী,

বন্ধ আছি গৃহ রূপ পিঞ্জর ভিতরে ।

৮

পালক উপরি আছে শয্যা সুকোমল,

কি সুন্দর উপাধান,

যে করে মস্তক দান

তদোপরি তার হয় সন্তোষ হৃদয়,

কিন্তু তাহা মোর কাছে কণ্টকের প্রায় ।

পাইতেছি প্রতিদিন প্রচুর আহার ;

তোর নত পাখি নোরে,

সকলে আদর করে ;

কিন্তু তাতে তুষ্ট নাহি হয় মোর মন

কেবল রে বিনা সেই স্বাধীনতা ধন ।

পাখিরে—

স্বাধীনতা সুখ কাছে সব তুচ্ছময়,  
এ সুখের কাছে হয়,  
অন্য সুখ নাহি হয়,  
সেই জানে ওরে পাখি, এ সুখ কেমন,  
যে পেয়েছে কোন দিন স্বাধীন জীবন ।

ওরে পাখি আমি যদি মুহূর্ত কারণ  
স্বাধীনতা ধন পাই  
অন্য ধন নাহি চাই,  
সব সুখ তুচ্ছ করি পেলে সেই ধন,  
সে ধন পাইলে অন্তে নাহি প্রয়োজন ।

আমি পাখি,  
মুহূর্ত কারণ যদি স্বাধীনতা পাই,  
তুচ্ছ করি রে সুন্দর  
অট্টালিকা মনোহর ;  
তুচ্ছ করি সুখ সেব্য অশন শয়ন,  
চাহিনা স্বর্গের সুখ নন্দন কানন,  
মুহূর্তেক যদি পাই স্বাধীন জীবন ।

১৩

কিন্তু বিহঙ্গিনি,  
 ঠহা ঘটিবে না কভু আমার কপালে,  
 যত দিন মম প্রাণ  
 করিবে রে অবস্থান  
 এ দেহের মধ্যে হায় ! জানিবে কখন  
 হুঞ্জিতে পাবনা আমি স্বাধীনতা ধন ।

## প্রাবৃট বর্ণন

আঠল প্রাবৃট কাল পৃথিবী মাঝারে,  
 গ্রীষ্ম ঋতু চলি গেল হেরিয়া তাহারে ।  
 ভয়ঙ্কর গ্রীষ্ম কালে বসুন্ধরা কায়,  
 আহা মরি হয়েছিল যেন মৃতপ্রায় ।  
 এবে বর্ষা আগমনে কি শোভা ধরিল !  
 মৃত প্রায় দেহ যেন জীবন পাইল ।  
 নব পরিচ্ছদ অঙ্গে করিয়া ধারণ,  
 দেখ চেয়ে বসুমতী সেজেছে কেমন  
 অসংখ্য অগণ্য ওই জলধর দল  
 ঢাকিয়া রয়েছে সদা গগন মণ্ডল ।  
 ঝম্ ঝম্ শব্দ করি বর্ষিতেছে নীর,  
 ভীম রব করি কভু গর্জিছে গভীর ।

জলধর কোলে কভু খেলিছে দামিনী,  
 তার রূপে আলোকিত হতেছে মেদিনী  
 উঠেনা গগনে আর চন্দ্র, সূর্য্য, তারা,  
 জলধর দলে সদা ঢাকা আছে তারা ।  
 কভু যদি উঠে সূর্য্য গগন উপরে,  
 অমনি জলদ দল গ্রাস করে তারে ।  
 সুখকর সুশীতল পেয়ে নব বারি,  
 কত ফুল ফুটিয়াছে কানন ভিতরি ।  
 কদম্ব কেতকী আদি কুসুম নিকর,  
 ফুটিয়া কানন কিবা হয়েছে সুন্দর !  
 নীর পেয়ে পক্ব হল ফল কত শত ,  
 আতা জাম আদি তার নাম কব কত ।  
 দেখিয়া অঁধার কোলে জলধর দলে,  
 শিখীকুল আহ্লাদেতে কদম্বের ডালে  
 নৃত্য করে মহানন্দে পুচ্ছ বিস্তারিয়া,  
 সুন্দর সেজেছে কিবা তাহাদের কায়া ।  
 পাইয়া বরষা রাজে সবে সুখী হল,  
 যমুনা জাহ্নবী কায়া উথলি উঠিল ।  
 নবীন তৃণের দল মাঠের উপর  
 কেমন সেজেছে আশা মরি কি সুন্দর !  
 সরেতে নলিনী অর্ধ মুদ্রিত নয়নে,  
 জলের হিল্লোলে মৃদু ছুলিছে সঘনে ।  
 তদোপরি পড়িয়াছে বারি বিন্দুচয়,  
 মুক্তামালা প্রায় তাহা কিবা শোভাময় ।

বক হংস জলচর আহ্লাদ অন্তরে,  
 সরসীতে নামিতেছে খেলিবার তরে ।  
 মরাল মৃগাল লোভে ব্যাকুল হৃদয়ে  
 কমলের বনে যায় আনন্দে মাতিয়ে ।  
 এইরূপে বসুন্ধরা কত শোভা পায়  
 বসুন্ধরা শোভা দেখি নয়ন জুড়ায় ।  
 প্রকৃতি সুন্দরী হয়ে আহ্লাদিত মন,  
 নব পরিচ্ছেদে করে তমু আচ্ছাদন ।  
 কত অলঙ্কার অঙ্গে ধারণ করেছে,  
 আহা মরি কিবা শোভা তাহাতে হয়েছে ।  
 আপনার রূপে হয়ে আপনি পাগল  
 মুহু মন্দ হাসিতেছে প্রকৃতি কেবল ।  
 দেখিয়া সে হাসি তার সুচারু বদনে  
 জগৎও হাসিছে যেন বোধ হয় মনে ।  
 বিচিত্র ভূষণে অয়ি ভূষিতা সুন্দরী,  
 তোমার নিকটে আমি নিবেদন করি ;  
 যে করেছে তব এই সুখময় কায়  
 বারেক দেখাতে মোরে পার কিগো তায় ?  
 কোথায় আছেন তিনি কহ সত্য মোরে,  
 দেখা পেলে কব আমি তাঁর পায়ে ধরে,  
 “ওহে পিতা পরমেশ অনাথের নাথ  
 কণ্ঠা প্রতি একবার কর দৃষ্টিপাত ।  
 ক্রন্দন করিয়া আমি ধরি তব পায়  
 দয়া কর দয়াময়, দুঃখী অনাথায় ।”

## পারিজাত

ঠাঁহার হয় গো অতি সদয় হৃদয়,  
 কণ্ঠার ক্রন্দন শুনি হবেন সদয় ।  
 শ্রবণ করিয়া তিনি কণ্ঠার রোদন,  
 অবশ্যই করিবেন ক্রোড়েতে ধারণ ।  
 তাই বলি সকাতরে হে চারু শোভনে ।  
 বারেক দেখাও সেই ব্রহ্ম সনাতনে ॥

## মিনতি

ওহে প্রাণেশ্বর বল কি কারণে  
 হয়েছে তোমার মলিন মুখ ;  
 কথা না কহিছ হায় মোর সনে,  
 তব মুখ দেখি বিদরে বুক ।  
 কেন কেন বল ওহে প্রাণনাথ,  
 তোমার বদন মলিন হল,  
 হায় একি আমি হেরি অকস্মাৎ,  
 এ দাসী তব কি দোষ করিল ।  
 কি দোষ করেছে দাসী শ্রীচরণে,  
 বল সত্য করি জীবিতেশ্বর,  
 কৃপা দৃষ্টি করি চাহ দাসী পানে,  
 সহাস্র আননে সম্ভাষ কর ।



প্রাণেশ, তোমার ওই মুখশশি,  
মলিন দেখিয়া হৃদয় মন  
বিদরিছে, হায় বারেক প্রকাশি  
কহ হৃদয়েশ, এর কারণ ।

যদি মোর কোন হয়ে থাকে দোষ  
অবলা বলিয়া সে দোষ ক্ষম,  
অন্যার দোষে কর না হে রোষ,  
রোষ ত্যাগ কর হে প্রিয়তম ।

তুমি না ক্ষমিলে কে মোরে ক্ষমিবে,  
মম দুঃখে কে হইবে কাতর,  
প্রণয়সস্তাষে কে মোরে ডাকিবে,  
তাই বলি ক্ষম হে প্রাণেশ্বর ।

হৃদয়বল্লভ ! আমি অভাগিনী,  
চির পরাধীনা বঙ্গীয় নারী,  
বড় কষ্ট পাই দিবস যামিনী  
সব কষ্ট ভুলি তোমাতে হেরি ।

তুমি হে আমার জীবনজীবন  
তুমি হে আমার পিপাসানীর,  
তুমি একমাত্র হৃদয়ের ধন,  
ক্ষণে না হেরিলে মন অস্থির ।

তোমার কারণে ওহে প্রাণেশ্বর !  
ছাড়িয়া আমার স্বজন-গণে,  
আসিলাম এই পারাবার পার,  
ওহে প্রাননাথ, তব কারণে ।

তোমারি কারণে ওহে প্রাণেশ্বর  
সকলের স্নেহ সৌজন্য ভুলি,  
আসিলাম এই সাগরের পার  
তুমি অধিনীর শরণ বলি ।

তবে কেন বল এত নিরুদয়  
জীবিত বল্লভ, দাসীর প্রতি,  
দাসী প্রতি নাথ, হওহে সদয়  
চরণে ধরিয়৷ করি মিনতি ।

সরল পরাণে কথা কহ নাথ,  
থাকিও না আর মৌন হইয়ে,  
না কহিলে কথা ওহে প্রাণনাথ,  
আমার হৃদয় যায় দহিয়ে ।

অভাগিনী প্রতি সদয় হইয়ে,  
দেখাও তোমার হাশ্ব আনন,  
কহ মিষ্ট কথা আমারে তুষিয়ে,  
নতুবা আমার যায় জীবন ।

## ঈশ্বর

শ্রী  
ম  
তী  
নী  
র  
দ  
মো  
হি  
নী  
ব  
সু  
ক  
উ  
ক

হরি ভজন মন কর অক্ষুণ্ণ  
জিয়া সংসারে, পাপে হয়োনা মগন ।  
ন লোক যেই সদা করেন পালন,  
রবধি ভজ তাঁরে ওরে পাপ মন ।  
হিবেনা কোন ভয় তাঁহারে ভজিলে,  
য়া করিবেন তিনি দুঃখী জন বলে ।  
হিত হইয়া এই পৃথিবীর সুখে,  
তাহিত জ্ঞান ত্যজি প'ড়নারে দুঃখে ।  
কটে শমন তব দেখরে চাহিয়া,  
সে আছে এখনই যাইবে লইয়া ।  
ন মন কথা মম, হও সাবধান,  
র সদা ওরে মন জগদীশ গান ।  
লায়োনা মন তব, প্রীতির ভক্ত সে,  
র দান ভক্তি পুষ্প ঈশ্বর উদ্দেশে ।

## প্রভাত বর্ণন

কি সুন্দর নানা রঙে করি শোভাময়,

পূর্ব দিকে দিবাকর হলেন উদয় ।

উষাদেবী সহ তিনি হাসিতে হাসিতে,

উদয় হলেন ওই উদয়-প্রাচীতে ।

তাঁর আগমনে হল অন্ধকার দূর,

আলো দেখি জীবদের প্রমোদ প্রচুর ।

পক্ষিগণ রজনীতে,

ছিল নিদ্রিত বাসেতে,

এবে দেখি রাতি পোহাইল,

উচ্চ কলরব করি,

আপনার বাসা ছাড়ি,

সবে মিলি ডালেতে বসিল ।

সবে মিলি একতানে,

রত বিভূষণগানে,

স্বর কিবা শ্রুতি-সুখকর,

কোকিল কোকিলা সনে

অতি আনন্দিত মনে,

করিতেছে কুহু কুহু স্বর ।

বায়সেরা উচ্চ রব,

করিতেছে কাকা রব,

‘বৌ কথা কও’ কেহবা বলে,

দেখি তরুণ তপন,

সবে পুলকিত মন,

বাসা ত্যজি উঠেছে সকলে ।

করুণার পাতা যত,

হয়েছে সুবর্ণ মত,

পড়ে’ তায় রবির কিরণ,

সে সব সমীর ভার,

ছলিতেছে ধীরে ধীরে,

দেখিবারে সুন্দর কেমন ।

রজনীতে কমলিনী                      ছিল যেন বিষাদিনী,  
 নিজ পতি তপন বিহনে,  
 এবে দেখি দিবাকরে,                      প্রস্ফুটিত হল সরে,  
 যেন স্মৃথে সস্ত্রাষে তপনে ।

কমলিনী ফুটিয়াছে,                      সরোবরে হঠিয়াছে,  
 দেখ কিবা শোভা মনোহর ;  
 নীহারের বিন্দুচয়,                      ঠিক যেন মনে হয়,  
 মুক্তাহার কণ্ঠের উপর ।

কাননে কুসুম চয়                      ফুটিয়া কানন কায়,  
 আহা মরি কি শোভা ধরিল,  
 চারিদিক আমোদিয়া,                      সৌরভের ভার নিয়া,  
 ধীরে বহে মেঘুর অনিল ।

অন্ধকার নাহি আর,                      আলোকিত চারিধার,  
 তাহা হেরি মানবনিকর,  
 স্মৃথ শয্যা পরিহরি,                      উঠি সবে স্বরা করি,  
 হয় নিজ কাজেতে তৎপর ।

লাঙ্গল কাঁধেতে করি,                      কুমকেরা সারি সারি,  
 যায় ভূমি করিতে কর্ষণ,  
 ভূমি করিবার হয়,                      এই উত্তম সময়,  
 রৌদ্র তাপ নাহিক এখন ।

বালক রাখাল যত,                      হয়ে অতি হরষিত,  
 যায় মাঠে ধেমু চরাইতে,  
 ধেমুগণ বৎস সঙ্গে,                      চলিয়াছে মহারঙ্গে,  
 হাছা রব করিতে করিতে ।

যত ক্ষুদ্র জল যান,                      রজনীতে বদমান,  
ছিল ওই তটিনীর তীরে,  
তার মাঝি মালা যত,                      হয়ে সবে নিশচিন্ত,  
ঘুমাইয়াছিল যে ভিতরে ।  
এবে দেখি দিবা করে,                      সকলেই ঘুমা করে,  
ছাড়ি দিল যত জল যান,  
ওই যান সমুদয়,                      নদী বক্ষে ভেসে যায়,  
দেখিবারে সুন্দর কেমন ।

## মধ্যাহ্ন

প্রভাতের অন্তে ক্রমে মধ্যাহ্ন আইল,  
রবির কিরণ কিবা প্রথর হইল ।  
দিবাকর নিজ তেজে হইয়া উত্তাপ,  
সর্ব ঠাই জানাতেছে আপন প্রতাপ  
\* প্রভাতে রবির কর ছিল সূর্ণাতল,  
এখন কি হইয়াছে প্রচণ্ড প্রবল ।  
'প্রভাতের সেই ভাব নাহিক এখন,  
হইয়াছে এবে দেখ সকলি নূতন ।  
নাহিক এখন আর ভৃঙ্গুঞ্জরগণ,  
করে নাক মিষ্টালাপ এবে পক্ষিগণ ।

প্রচণ্ড রৌদ্রের তাপে হইয়া তাপিত,  
 বিশ্রাম করিতে সবে হয়েছে নিদ্রিত ।  
 কেবল চাতক হয়ে তৃষ্ণায় কাতর  
 নীর আশে উদ্ধ মুখে রহে নিরন্তর ।  
 তৃষ্ণায় কাতর অতি চাহি মেঘ পানে,  
 “নীর দে, নীর দে” বলি ডাকিছে সঘনে ।  
 মার্ভি গুমস্থমালা কিবা সে প্রথর,  
 বোধ হয় বিশ্ব পুড়ে হয় ছার খার ।  
 এ সময়ে হেন সাধ্য নাহিক কাহার,  
 দিবাকর পানে দৃষ্টি করে একবার ।  
 রাখালেরা ধেনু লয়ে গিয়াছে মাঠেতে,  
 এবে রৌদ্রতাপে আছে বৃক্ষের ছায়াতে ।  
 ধেনুগণ ছাড়া আছে বথা ইচ্ছা যায়,  
 রাখালেরা বৃক্ষতলে বসি গান গায় ।  
 ওই যে অদূরবর্তী তটিনীর তীরে,  
 আছে বৃক্ষ সমীরণ বহিতেছে ধীরে ।  
 বড় স্নানীতল হয় ওর সমীরণ,  
 তথা বসি ক্লান্তি দূর করে পাহুজন ।

## সন্ধ্যা বর্ণন

আহা কি সুন্দর ওই গোপূলা আইল,  
পশ্চিমেতে দীননাথ গড়ায়ে পড়িল ।  
পূর্বের প্রতাপ আর নাহিক এখন,  
হয়েছেন এক্ষণেতে প্রাচীন তপন ।  
অস্ত যাইবার ভরে তপন এক্ষণে,  
ধীরে ধীরে আসিলেন পশ্চিম গগনে ।  
পশ্চিম আকাশে আহা মরি কি সুন্দর,  
হইয়াছে কিবা শোভা দেখ মনোহর ।  
ক্ষুদ্র ক্ষুদ্র মেঘমালা পশ্চিম গগনে,  
শোভিত হয়েছে কিবা রবির কিরণে ।  
কত শত চিত্র আঁকা রয়েছে গগনে,  
হে মানব একবার দেখ গো নয়নে ।  
ওই যে অশ্ব কোলে কাদম্বিনীচয়,  
গিরি চূড়া আদি রূপে কত শোভা পায় ।  
কোথাও বা ঠিক যেন শোভে মহীধর,  
বিচিত্র বরণে চিত্র তার শৃঙ্গবর ।  
কোথাও রয়েছে আঁকা রম্য অট্টালিকা,  
শোভিছে সুন্দর কোথা (ও) রথের পতাকা ।  
অশ্ব গজ রূপ ধরি শোভিছে সুন্দর,  
দেখিবারে মনোলোভা চক্ষু তৃপ্তিকর ।  
রক্ত বর্ণ সূর্য্য আভা প্রতি গৃহ চূড়ে  
শোভিছে সুন্দর অতি আর বৃক্ষ শিরে ।



দেখিয়া বিচিত্র শোভা গগনের ভালে,  
 আহ্লাদেতে খেলা করে বালক সকলে ।  
 মাথা নোয়াইয়া দেখ বিটপী সকল,  
 মৃদু মন্দ ছলিতেছে কিবা সুশাতল ।  
 সন্ধ্যা হেরি পঙ্ক-গিণ আনন্দিত মনে  
 উচ্চ কলরব করি ফিরিছে ভবনে ।  
 মাঠে হতে রাখালেরা গোপাল লইবে  
 আসিছে ফিরিয়া সবে আপন আনয়ে ।  
 কৃষকেরা মাঠ হতে নিজ কাজ সারি,  
 তাড়াতাড়ি ক'রে সবে আসিতেছে বাড়ী  
 দিবাকর অস্তাচলে ঢাকিল বদন,  
 তাহা দেখি শশব্যস্ত যত পাহুজন ।  
 করিবারে সকলেতে রজনী বাপন,  
 করিতেছে চারিদিকে বাসা অন্বেষণ ।  
 নর নারী সকলেতে হরে এক মন,  
 করিতেছে ভগবান নাম সঙ্কীর্তন ।  
 প্রকৃতির কিবা শোভা হয়েছে এখন,  
 প্রকৃতির শোভা দেখি জুড়ায় নয়ন ।

## জোৎস্না বর্ণন

গোধূলি হইল শেষ রজনী হাইল,  
পরমেশআজ্ঞা পেয়ে, তারকা বেষ্টিত হয়ে,  
নিশানাথ গগনে উদিল ।

সুনীলিম নভোপরে, শশাঙ্ক বিরাজ করে,  
লয়ে সঙ্গী তারকা সকল,  
কি শোভা হরেছে তায়, হেন মনে বোধ হয়,  
হীরাখণ্ড করে বল মল ।

ওই যে মেঘের পাশে, টাঁদের কোমুদী হাসে,  
কি সুন্দর তায়, আহা মরি,  
চকোর চকোরী সনে, অতিশয় হৃষ্টমনে,  
সুধা পিয়ে বসি বৃক্ষোপরি ।

হেরিয়া সে নিশামণি, সরোবরে কুমুদিনী,  
হাস্তমুখে পাইল প্রকাশ ।  
জলের হিল্লোলে তাহা, মৃদু মন্দ ছলে আহা,  
বহে তায় দক্ষিণ বাতাস ।

উদ্যান মাঝারে মরি, যুঁথি জঁাতি আদি করি,  
কত ফুল হল বিকসিত ।

শীতল পবন তায়, সুগন্ধ বহিয়া হায়,  
সঞ্চরণ করে ইতস্ততঃ ।

বিটপীর শিরোপরি, . জলে ধীকি ধীকি করি,  
 কত শত খচোতের পাতি,  
 রমণী মস্তকোপরি, শোভে যথা সারি সারি,  
 মুক্তা মালা মোহন মুরতি ।  
 ওই যে তটিনী কুল, বহে করি কুল কুল,  
 উহাদের বঙ্গস্থলোপরি,  
 পড়িয়াছে শশধর, প্রতিবিশ্ব মনোহর,  
 কি সুন্দর আছা মার মরি ।  
 যবে জল শুক হয়, তখনই মনে হয়,  
 যেন জলে সুবর্ণের থালা ;  
 পরে যবে দোলে বারি, বোধ হয় তদোপরি,  
 শোভিতেছে হারকের মালা ।  
 তটিনীর তটোপরি, সহকার আদি করি,  
 আছে কত বিটপার সারি ;  
 কিরণেতে শশাঙ্কের প্রতিবিশ্ব তাহাদের  
 পড়িয়াছে জলের উপরি ।  
 চাঁদের কোমুদি ভরা, হয়ে এই বসুন্ধরা,  
 ঠিক যেন হাসিছে আ মরি ;  
 বহুবিধ আভরণ, অঙ্গেতে করি ধারণ,  
 সাজে কিবা প্রকৃতি সুন্দরী ।  
 অল্পম শোভা হেন, করিলেন বেহ জন,  
 মন তাঁরে ভুল নাঁ কখন,  
 ভক্তি পুষ্প উপচারে, পবিত্রতা সহকারে,  
 পূজ সদা তাঁহার চরণ ।

## বঙ্গাঙ্গনার খেদ

একদা নিদাঘে নিশিথ সময়ে,  
আছি গৃহ মধ্যে শয়ন করিয়ে ।  
দ্বিতীয় প্রহর রজনী যখন,  
নিদ্রিত বাড়ীর সব লোক জন,  
আমিও নিদ্রিত ছিলাম তখন,

অকস্মাৎ নিদ্রা ভাঙ্গিল আমার ;

ভল মহা দায় শব্যায় শয়ন,  
চলিলু করিতে সন্নীর সেবন,  
অদূরেতে যেই আঁচয়ে উত্তান,

একা সঙ্গে কেহ নাহিক আর ।

কামিনীর গাত্ৰ আছিল তথায়,  
বসিলাম গিয়া তাহার তলায়,  
দ্বিতীয় প্রহর গভীর নিশায়,

কেহ নাহি কাছে আমিই একা

শ্বন্ শ্বন্ শব্দে বহিছে নিশ্বনি,  
হইয়াছে কিবা গভীর রজনী,  
গভীর অঁধার নিদ্রিত ধরণী,

অন্ধকারে কিছু না যায় দেখা ।

বটবৃক্ষ এক ছিল অদূরেতে,  
একটি পেচক তাহার শাখাতে,

বাস করি আছে মনের সুখেতে,  
উঠিল ডাকিয়া হেন সময়ে ;

শুনিয়া তখন শব্দ তাহার,  
অকস্মাৎ হায় মনেতে আমার,  
উথলি উঠিল চিন্তা পারাবার  
চিন্তিলু স্নেহক নিস্তরু হয়ে ।

সম্বোধি পেচকে কহিলু পরেতে,  
হে পেচক তুমি মনের সুখেতে,  
আছ বাস করি বৃক্ষের ডালেতে,  
কিছুরই তব ভাবনা নাই ;

বড় ভয়ানক জ্বালা পরাধীনা,  
এহেন জ্বালাত ভুগিতে হয় না  
কখনও হায় তোমা সবা কারে ;  
আছরে আপন স্বাধীন অন্তরে,  
কেমন সুখেতে আছ সদাই ।

বনের পাখী যে, হায়রে কপাল,  
আছরে স্বাধীন রবে চিরকাল,  
নাহিক তোদের ভাবনা জঞ্জাল,  
কেবল দুঃখিনী বঙ্গকামিনী ;

হতভাগ্য বঙ্গ কুলনারীগণ,  
পরের অধীনে আছে সর্বগণ,  
সহিছে সদাই পর-নিপীড়ন,  
আছে হীনবেশে দিবা রজনী ।

## পারিজাত

পর কটুবাক্য সহিতেছে প্রাণে  
 আছে দিবা নিশি পরের অধীনে  
 আপনার কোন ক্ষমতা নাই ;

পুরুষের বশে থাকিব নিয়ত,  
 পুরুষের মন যোগাব সতত,  
 তাদের কর্কশ বচন সহিব,  
 দাসীর মতন সতত থাকিব,  
 যখন যা বলে করিব তাই ।

বড় হতভাগ্য কপাল তাদের  
 যারা জন্মে নারী হয়ে ভারতের !  
 হয়ে বিদ্যাহীনা পশুর মতন,  
 কারাগারে বদ্ধ থাকে অনুক্ষণ ;  
 বড় ক্লেশ পায় বঙ্গ কামিনী ;

অভাগী রমণী কেহ নাহি হায়,—  
 পৃথিবীর মধ্যে আমাদের গায়,  
 আমরা বড়ই অভাগিনী হায়  
 বিহগী মত পিঞ্জর-বাসিনী ।

হে বিধাতঃ বল, কেন আমাদের  
 সৃজিলে হে নারী করে ভারতের ?  
 অথবা রমণী যদিই করিলে,  
 তবে কেন নাহি স্বাধীন রাখিলে,  
 কেন আমাদের পিঞ্জরে পুরিলে ?  
 কষ্ট সহি মোরা কিসের তরে ?

স্ত্রীপুরুষ এক ঈশ্বর সন্তান,  
 মোরা সবে ভ্রাতা ভগিনী সমান,  
 অবলা বলিয়া একি অবিচার,  
 অবলারা কষ্ট ভুঞ্জিবে অপার,  
 পুরুষেরা সবে সুখেতে রহিবে,  
 অবলার কষ্ট দেখে না দেখিবে,  
 রাখিবে আপন অধীন করে ;  
 একি অবিচার মোদের 'পরে ।

## অরণ্যে দময়ন্তী

১

কে ওই নবীনা বালা কাঁদিছে বিজনে ।  
 কি গভীর অন্ধকার,                      দৃষ্টি করা হয় তার,  
 এ হেন সময়ে হায়, একাকী কেমনে,  
 আসিয়াছে বালা মরি, এ ঘোর কাননে ?

২

আহা মরি মরি কিবা সুরূপ নেহারি !  
 এ হেন সৌন্দর্য্য হায়,                      কভু নাহি দেখা যায়,  
 দেবী কি মানবী তাহা বুঝিতে না পারি,  
 আহা কিবা রূপরাশি যাই বলিহারি !

৩

প্রশস্ত ললাট কিবা আয়ত লোচন,  
 স্বর্ণ প্রভা জিনি রূপ,                      হয় অতি অপরূপ,  
 চন্দ্রমা জিনিয়া কিবা সুন্দর আনন,  
 হেন রূপরাশি কেহ দেখেনি কখন ।

৪

আহা মরি মরি কিবা উজ্জল বরণে !  
 হেন বোধ হয় চিতে,                      যেন বা আকাশ হতে,  
 পূর্ণিমার পূর্ণ শশি লজ্জার কারণে,  
 পড়িয়াছে আসি হায় এ ঘোর কাননে ।

৫

সে অবলা রূপ আমি বর্ণিতে না পারি,  
 একেত অবলা জাতি,                      তাহাতে অজ্ঞান অতি,  
 কেমনে বর্ণিব তার সেরূপ মাধুরী,  
 হায় রে সেরূপ আমি বর্ণিতে না পারি ।

৬

যদিরে হ'তাম আমি সিদ্ধ কবিবর,  
 তাহা হ'লে পারিতাম বর্ণনা করিতে,  
 অথবা হতাম যদি কোন চিত্রকর,  
 পারিতাম কথঞ্চিৎ সে চিত্র অঁাকিতে ।

৭

নহি সুনিপুণ মনোহর লিপিকর,  
 প্রমদা কল্পনা দেবী সহচরী নয় ;



কেমনে অঁকিব রূপ অঁখি ইন্দিবর ?  
অবলা সরলা বালা সাধ্য কি এঁহয় ।

৮

এমন গভীরা নিশা তবু ভয় নাই,  
বসিয়া বিজন বনে,                      কাঁদিছে আপন মনে,  
ধন্য রে সাহস ধন্য বলিহারী যাই,  
এমন অবলা কভু চক্ষে হেরি নাই ।

৯

কে এ রমণী তাহা না পারি চিনিতে,  
মনে হেন অনুমানি,                      সত্য কিনা নাহি জানি,  
যেন কোন বালা হয় সংসার হইতে,  
পরিত্যক্তা হয়ে বাস করিছে বনেতে ।

১০

তাই বালা মনোহুখে করিছে রোদন,  
কাঁদিয়া কাঁদিয়া হয়,                      সোণার কমল কার  
শুকায়েছে, শুক স্বর্ণ লতিকা যেমন,  
হায়রে এদশা তার কে করে দর্শন ।

১১

এমন নির্দয় করে পৃথিবী ভিতরে,  
বাস করি আছে হয়,                      নিঠুর পাষণ কার,  
দয়া লেশ নাহি হয় তাহার অন্তরে,  
হেন সুকুমারী নারী ভাসায় সাগরে ।

১২

ধন্য গো পুরুষ তব পদে নমস্কার !  
 তোমারি এ কাজ হায়, এই স্বর্ণ লতিকায়,  
 তুমিই দিতেছ হায়, যজ্ঞা অপার,  
 তোমারি কারণে বালা কাঁদে অনিবার ।

১৩

এখন একটি কথা জিজ্ঞাসি তোমায়,  
 ভুবনেতে অতুলনা, হয় এই সুলোচনা,  
 এ হেন নারীরে বনে ত্যাগ করি হায়,  
 কি সুখ পাইলে তুমি বল তা আমায় ।

১৪

কে গো তুমি সুলোচনে, এ বিজন বনে,  
 একাকী বিকল মন, কাঁদিতেছে অশ্রুক্ষণ,  
 কাহার রমণী তুমি, কিসের কারণে  
 প্রবেশ করেছ এই গভীর কাননে !

১৫

কে তুমি বল গো মোরে, বল সত্য করি,  
 দেবী কি মানবী তুমি, চিনিতে না পারি আমি,  
 কে তুমি জানিতে আমি বড় ইচ্ছা করি,  
 তব পরিচয় মোরে দেহ দয়া করি ।

১৬

তোমারে দেখিয়া মনে বোধ হয় হেন,  
 পূর্বেতে যেন গো তব ছিল সুখময় ভব,  
 এবে কাল বশে দশা হয়েছে এমন,  
 তাই এ অরণ্য মাঝে করিছ রোদন ।

১৭

ধরাতলে অভুলনা তব মুখ-শশি,  
কাঁদিয়া কাঁদিয়া হায়, হইয়াছে শুষ্ক প্রায়,  
পূর্বেতে ছিলে যে তুমি, অতীব রূপসী  
এবে হায় সর্ব অঙ্গে পড়িয়াছে মসী ।

১৮

কাহার ঘরণী তুমি নন্দিনী কাহার !  
কি দোষেতে মরি মরি, তোমা হেন সুকুমারী  
নারীয়ে অরণ্যে কেবা করে পরিহার !  
কে হেন নির্দয় হায় পৃথিবী মাঝার !

১৯

বুঝি বা কোন গো হায় পুরুষ নির্দয়,  
আপন সুখের জন্তে, তোমা হেন নারী রড়ে  
বিজন অরণ্যমাঝে ছাড়িলেন হায়,  
পুরুষের মন যে গো কঠিনতাময় ।

২০

হে দেবি কহ গো মোরে আত্মবিবরণ,  
করিওনা প্রবঞ্চন, যথার্থ কহ বচন,  
কেবা সেই যে করিল বনে বিসর্জন ;  
কিবা নাম কোথা ধাম কহ গো বচন ।

২১

“শুনিবে আমার তুমি দুঃখের কাহিনী  
শুন তবে মন দিয়া, বলিতে বিদরে হিয়া,”  
এ কথা বলিতে হায় অভাগী রমণী  
গণ্ডস্থল বহি অশ্রু পড়িল অমনি

২২

ধৈর্য ধরিয়া তবে কিছু ক্ষণ পরে,  
 বলিতে লাগিল ধনী, নিজের দুখকাহিনী ।  
 ইচ্ছা হইয়াছে মম দুঃখ শূনিবারে,  
 শুন তবে দুঃখ মম কহি গো তোমারে ।

২৩

বিদর্ভ নগর পতি ভীম সেন রাজা,  
 তাঁহার দুহিতা হই, দময়ন্তী নাম লই,  
 পিতা অতি ধনশালী, বলে মহাতেজা,  
 হা অদৃষ্ট, পিতা মোর ভীম সেন রাজা !!!

২৪

ছিল মোর সনে সদা সখী এক শত,  
 তাহারা আমার সনে, ছায়াসম রাতি দিনে,  
 প্রিয় সহচরী হয়ে সদাই থাকিত,  
 আমোদ আহ্লাদ হায় কতট করিত ।

২৫

এরূপে পালিতা হই পিতার ভবনে ;  
 দুঃখ কারে বলে হায়, কভু নাহি জানি তায়,  
 জনকজননীকোলে, সখীদের সনে,  
 লাগিছু বর্দ্ধিত হ'তে পিতার ভবনে ।

২৬

পরেতে হইল যবে বিবাহ সময়,  
 পিতা মম দেখি তায়, স্বয়ংস্বর বাসনায়,  
 নিমন্ত্রণ করিবারে সর্ব রাজগণে,  
 দিকে দিকে পাঠাইয়া দিল ভাটগণে ।

২৭

নিষদের অধিপতি নল মহাশয়,  
 পূর্বাধি শুনে যায়, মম সব পরিচয়,  
 বিবাহ করিতে ইচ্ছা ছিল অতিশয়,  
 তিনিও এলেন মোর পিতার আশয় ।

২৮

আমি বহু দিনাবধি তাঁর পরিচয়,  
 শুনেছি সঙ্গোপনে, তদবধি মনে মনে,  
 করিয়াছিলাম তাঁরে পতিত্বে বরণ,  
 একথা না জানে কেহ বিনা সখীগণ ।

২৯

সব রাজগণ এলে পিতার ভবনে,  
 স্বয়ম্বর সভা হল, মোরে সেথা লয়ে গেল,  
 নিজ মনমত পতি লবার কারণে ;  
 গেলাম ভূষিত হয়ে নানা আভরণে ।

৩০

গেলাম সেখানে যথা মম প্রাণ ধন,  
 যেন রে আকাশ হতে, শশধর ভূতলেতে,  
 অবতীর্ণ হয়েছেন দেখি তখন,  
 দেখিয়া তাঁহারে তবে করি বরণ ।

৩১

তবে পিতা আনন্দেতে সমারোহ করি,  
 নিষধাধিপতি সনে, বিবাহ দিলা সে ক্ষণে,  
 তদবধি হইলাম নিষধঈশ্বরী ।  
 নিষধঈশ্বরী এবে বনে বাস করি !

৩২

পুরুষজাতির বড় কঠিন হৃদয়,  
এই কথা বাছা তুমি, মোরে বলিলে এখনি,  
নহে সত্য পুরুষের দোষ কিছু নয়,  
যা কিছু সকলি নিজ অদৃষ্টেতে হয় ।

৩৩

পুষ্কর নামেতে ভ্রাতা নিষধ রাজার,  
ছিল অতি দুরাচার, পাশাক্রীড়া করিবার  
বাসনা জানাল হায়, সহিত রাজার ;  
যার জন্ত এ দুর্দশা আজিকে আমার !

৩৪

তবে দুই জনে হায় লাগিল খেলিতে ।  
শনির ক্রোধেতে প'ড়ে, প্রাণেশ্বর বারে বারে,  
কনিষ্ঠের নিকটেতে লাগিল হারিতে,  
নাহি পারিলেন তিনি বারেক জিনিতে ।

৩৫

হারিলেন প্রাণেশ্বর রাজ্য ধন হায় ;  
ছিল শেষে সব হারি, কেবল একটি বাড়ী,  
আমরা সকলে বাস করিতাম যা'য়,  
অবশেষে সেটিকেও হারিলেন রায় ।

৩৬

তবেত তখন হয়ে অতি নিরুপায়  
মহারাজা মোর সাথে, বাহিরিলা বাড়ী হতে,  
বিজন অরণ্যে আসি করেন আশ্রয়,  
আমিও তাঁহার সনে রহিছু তথায় ।

৩৭

রাজ্য ধন সকলই গিয়াছে বলিয়ে  
 একটি দিনের তরে, দুঃখ না ছিল অন্তরে,  
 বনে বনে বেড়াতাম অতি সুখী হয়ে,  
 প্রাণেশ ও ছিলেন সুখী আমাদের লইয়ে ।

৩৮

এইরূপে গত হয়ে গেল কিছু দিন ;  
 স্বপনেও ভাবি নাই, হতভাগ্যে পোড়া ছাই,  
 এহেন অরণ্যে মোরে একাকী রাখিয়া,  
 প্রাণেশ কোথাও হায় যাবেন চলিয়া ।

৩৯

বলিতে বিদরে হিয়া গত রজনীতে,  
 আমি আর প্রাণেশ্বর, এঘোর বন ভিতর,  
 আছি শায়িত আহা একই স্থানেতে.  
 আসিল কি কালনিদ্রা আমার চক্ষেতে ।

৪০

পূর্বেতে যতপি আমি জানিতাম হায় !  
 এমন বনভিতরে মহারাজা ছাড়ি মোরে  
 একাকী চলিয়া তিনি যাবেন কোথায়,  
 তাহলে কি থাকিতাম এ কাল নিদ্রায় ।

৪১

রজনী যখন প্রায় গত হয়ে গেল,  
 পূর্বদিকে দিবাকর বিস্তারি রক্ত কর,  
 উজ্জল বরণে তার গগনে উদিল,  
 সে সময়ে মোর কাল নিদ্রা ভাঙ্গি গেল ।

৪২

দেখিছু পশ্চাতে ফিরে প্রাণেশ্বর নাই ;  
 তখন আমার মনে,                      কি হইল কেবা জানে ;  
 চারিদিকে প্রাণনাথে খুঁজিয়া বেড়াই,  
 কোনখানে তাঁরে আর দেখিতে না পাই ।

৪৩

তখন হইয়ে অতি ব্যাকুল অন্তর,  
 অরণ্যের চারিধারে,                      খুঁজিলাম প্রাণেশ্বরে,  
 নাহি পাইলাম এই অরণ্য ভিতর,  
 হৃদয়ে বিঁধিল মোর ব্যথা ভয়ঙ্কর ।

৪৪

সমস্ত দিবস ঘুরি অরণ্যানী হায়,  
 কত স্থান খুঁজিলাম,                      কোথাও নাহি পেলাম,  
 রজনীর আগমনে হয়ে নিরুপায়  
 করিলাম এই ঘোর অরণ্য আশ্রয় ।

৪৫

হিংস্রজন্তু সমাবৃত এ বিজন বন  
 তাতে মোর ভয় নাই,                      স্বামীরে যতপি পাই,  
 তবেই ছাড়িব এই ভীষণ কানন,  
 নতুবা এ বনমাঝে ত্যজিব জীবন ।



## কোন বিহঙ্গিনীর প্রতি

শূন্যমার্গে উড্ডী'মান ওগো বিহঙ্গিনী,  
কোথা যাও ধীরে ধীরে ?  
যেওনারে এস ফিরে,  
শুনে যাও অভাগীর দুঃখের কাহিনী,  
তার পর যথা ইচ্ছা যেও বিনোদিনী ।

২

বহুদিন হ'ল পাখি, স্বজন ত্যজিয়া,  
আসিয়াছি বহুদূরে,  
মাতা ভ্রাতা সবে ছেড়ে,  
রহিয়াছি হেথা আমি নিশ্চিত হইয়া,  
তাঁদের বিহনে মন যেতেছে পুড়িয়া ।

৩

পূজনীয়া স্নেহময়ী জননী আমার,  
হেন জননীরে হায়,  
হুই বর্ষ হ'ল প্রায়,  
দেখি নাই, শুনি নাই বচন তাঁহার  
সংস্কার ছবিখানি স্নেহের আধার ।

৪

প্রাণাধিক প্রিয়তম ভ্রাতৃপুত্রদ্বয়,  
 মোহিনী, রমণী মম,  
 প্রাণাপেক্ষা প্রিয়তম,  
 তাদের ও দেখি নাই বহু দিন হয়,  
 না হেরে তাদের মুখ প্রাণ ফেটে যায় ।

৫

প্রফুল্লিতপদ্মসম তাদের আনন,  
 ফুলো ফুলো গাল দুটি,  
 কিবা তাহা পরিপাটি,  
 আভা তার ঠিক যেন গোলাপী বরণ,  
 অধরোষ্ঠ দুটি ঠিক প্রবাল মতন ।

৬

স্নেহময় স্নেহময়ী ভ্রাতা ভগ্নীগণ,  
 সারল্যের ছবি যেন,  
 মনে বোধ হয় হেন  
 স্নেহ মমতার পূর্ণ তাঁহাদের মন,  
 আমার সে স্নেহময় ভ্রাতাভগ্নীগণ ।

৭

ইহাদের সকলেরে পরিত্যাগ করি,  
 কত নদ নদী ছেড়ে,  
 ভীষণ সাগর পারে,  
 আসিয়া রয়েছি হায় সকলে পাশরি,  
 বন্ধুহীন দেশে আমি একা বাস করি ।

৮

আমি পাখি, যে প্রকার ব্যাকুলিত মন  
 তাঁদের কারণ হয়,  
 তাঁহারাও তদপ্রায়  
 ব্যাকুলিত মন সদা আমার কারণ,  
 সতত আমারি কথা করেন চিন্তন ।

৯

সর্বদাই মম মনে এই ইচ্ছা হয়  
 স্নেহানু জননীমম,  
 ভ্রাতৃপুত্র প্রাণসম,  
 ভ্রাতাভগ্নীগণ সবে আছেন যথায়,  
 আমি ও এখনি পাখি, যাইরে তথায় :

১০

কিন্তু হয় এই ইচ্ছা না হবে পূরণ,  
 একে এই সাগর পার,  
 তাতে অধীনতা-নিগড়  
 আছে দৃঢ়রূপে হয় পদেতে বন্ধন,  
 সাধ্য নাই এক পদও করিতে গমন ।

১১

তোমার মতন যদি থাকিতরে হয়—  
 স্নিকিত পক্ষ দুটি  
 তা হলে এখনি ছুটি  
 দ্রুত গমনেতে আমি যেতাম তথায়,  
 মাতাভ্রাতাভগ্নীআদি আছেন যথায় ।

১২

কিন্তু হায়, বিহঙ্গিনী, বলিরে তোমায়  
 নাহিক তোমার গায়  
 আমার সে পক্ষদ্বয়,  
 তব গায় পক্ষ বিধি দেননি আমার,—  
 যে হেতু মনুষ্য জাতি হয়েছি ধরায় ।

১৩

কিন্তু যদি থাকিত রে স্বাধীনতা হার  
 সেই হার গলে প'রে  
 নদ নদী তুচ্ছ করে,  
 ভীষণ সাগর আনি হইতাম পার,  
 পার হয়ে যাইতাম নিকটে সবার ।

১৪

কিন্তু পাখি, বঙ্গবালী চির পরাধিনী  
 বঙ্গকণ্ঠ হয়ে হায়  
 জন্মিয়াছি এ ধরায়,  
 নাহি স্বাধীনতা আশা, দিবস ঘামিনা,  
 গৃহে বন্ধ আছি যেন পালিতা হরিণী ।

১৫

যত দিন বঙ্গনারী থাকিবে জীবিত,  
 তত দিন এ প্রকার  
 পরাধীনতা-নিগড়  
 সকলের পদে হায় হইবে জড়িত,  
 এই কথা পাখি তুমি জানিবে নি স্তম্ভ ।

১৬

এক্ষণেতে পাখি আমি বলিরে তোমায়,  
আমার কাহিনী যত  
শুনিলে তুমি সমস্ত,  
এইবার বিদায় হে দিলাম তোমায়,  
যথা ইচ্ছা এইবার যাওরে তথায় ।

১৭

আর এক কথা পাখি শুনরে আমার  
শুনিলে এতেক কথা,  
শুন আর এক কথা,  
বহু নদ নদী তুমি কর যে ভ্রমণ,  
আর এক কথা মোর কররে শ্রবণ ।

১৮

যেই স্থানে পাখি তুমি করিবে গমন,  
অতি উচ্চ রব তুলে  
কহিবেরে গীতচ্ছলে  
সেইখানে বঙ্গবালা দুঃখের কথন,  
বঙ্গবালা দুঃখ সবে করিবে শ্রবণ ।

# ভারত-মাতা

১

এই কি বিখ্যাত ছায় সেই আৰ্য্য-ভূমি  
বলিত যাহারে সবে রত্নপ্রসবিনী ;  
যার তরে চরাচর                      কম্পিতাজ থর থর,  
হইত সদাই ছায়, এই কি সে ভূমি ;  
না না তাহা নহে, এ যে স্বপ্নের কাহিনী ।

২

যথার্থ কি এই সেই পূর্ব আৰ্য্য ভূমি !  
ইহাকেই বলে সবে বীরপ্রসবিনী !  
ইহা কি গো সত্য কথা,                      এখানে ভারত মাতা  
প্রসবিনী তাঁর যত বীরেন্দ্র তনয়,  
এ হেন বচন যেনো অসম্ভব হয় ।

৩

এ কথা যতপি সত্য, কোথায় এখন  
ভারত মাতার সেই প্রিয় পুত্রগণ !  
বীরেন্দ্র কেশরী মত,                      বাহু বলে পরাক্রান্ত  
ভীমার্জুন আদি করি যত বীরগণ,  
রণ ক্ষেত্রে অদ্বিতীয়, কোথায় এখন ?

৪

রূপে গুণে বাহুবলে বুদ্ধি পরাক্রমে,  
 ছিল যারা অদ্বিতীয় এ ভারত ভূমে,  
 একতা বন্ধন বলে,                      যারা এই ক্ষিতি তলে,  
 করেছিল একদিন নিখিল শাসন  
 এহেন বীরেন্দ্রগণ কোথায় এখন ।

৫

কালের বিচিত্র গতি কে পারে বুঝিতে ?  
 জ্ঞান শূন্য সবে পড়ে কালের গতিতে ।  
 এই ভাল এই মন্দ,                      এইরূপ নানাছন্দ,  
 করি কাল অনুক্ষণ ঘুরে পৃথিবীতে,  
 কালের নিকটে নাই অব্যাহতি পেতে ।

৬

সোনার ভারত এই পূর্বেতে কেমন,  
 আছিল কতই হায় সমৃদ্ধিশালিনী,  
 কালের গতিতে কিন্তু পড়িয়া এখন  
 হইয়াছে এখন সে অতি অনাধিনী ।

৭

স্মরিলে বিদরে হৃদি, ভারত দুঃখিনী,  
 ছিলেন একদা যিনি সমৃদ্ধিশালিনী,  
 ভাগ্যরেতে ছিল পূর্ণ,                      অসংখ্য অগণ্যরত্ন,  
 সে সব রতন হায় হারাইয়া ধনী,  
 হয়েছেন এবে হায় দেখ ভিখারিণী ।

৮

বলিতে বিদরে হিয়া হায় মা জননী,  
 এই কি ছিল মা তব কপালে লেখনী ।  
 বীরেন্দ্রের মাতা হয়ে, অযশ মাথায় বয়ে,  
 এক্ষণে যাপিছ দিন হয়ে অভাগিনী,  
 তোমার এহেন ভাগ্য স্বপনে না জানি ।

৯

প্রসবিলে যে গে। এত বীরসুতগণ,  
 তাহারা জননী ওগো কোথায় এখন ?  
 মহা পরাক্রান্ত বীর, তব পুত্রেরা সূধীর,  
 প্রতাপেতে ছিল সবে প্রথর তপন ;  
 সে হেন পুত্রেরা হায় নাহিক এখন ।

১০

নাহিক তোমার সেই বীর পুত্রগণ,  
 তাহাদের বংশ কিন্তু রয়েছে এখন,  
 বলিতে সরম পাই, সেই বংশোদ্ভব এই,  
 রয়েছে আর্থ্যের সব হিন্দুর নন্দন,  
 সেই তেজ সে বীরত্ব নাহিক এখন ।

১১

জননী এই কি তব ছিল মা কপালে,  
 পূর্বে যে উদরে হেন রত্ন প্রসবিলে—  
 হায় এখন কেমনে, কুলান্নার ভীষণশে,  
 পবিত্র উদরে সেই ধারণ করিলে ?  
 পুত্র দোষে জননী গো কান্দালিনী হলে ।



১২

করেছিলে কিবা পাপ পূর্ব জনমে,  
সে পাপের প্রায়শ্চিত্ত করিছ এক্ষণে ।  
অবনীৰ সার বত, ইন্দ্রাদি দেবের মত,  
বীর পুত্রগণে হায় হারায়ৈ এক্ষণে,  
জননী গো ভীকুগণে পালিছ যতনে ।

১৩

যে বীরের বীর দর্পে এই যে জগৎ,  
ভয়ে ভীত জড় সড় হইত সতত,  
সেই বীরগণ বংশে, জন্মিল কি অবশেষে,  
পাপমতি ভীকুচিত্ত কুলান্ধার বত,  
হেন কথা স্মরণেতে সরম গো কত ।

১৪

ভীকু কাপুরুষ যত হিন্দুর নন্দন !  
নরশ্রেষ্ঠ বংশে জন্মি একি আচরণ ।  
বীর বংশে জন্ম লয়ে, হায় বীর্যহীন হয়ে,  
দয়া ধর্ম তেজ গর্ব দিয়া বিসর্জন,  
একতা বিহনে কাল করিছ যাপন ।

১৫

কেমনেতে বল হায়, হিন্দুর তনয়,  
আর্য্যবংশ জাত বলি দেও পরিচয় ?  
যদি সেই বংশে হায়, তোমাদের গুণ্য কর  
তবে সে সাহস বীর্য্য গেল গো কোথায় ।  
অমূল্য একতা ধনে দিয়াছ বিদায় ।

১৬

ধিক তোমাদের মনে লজ্জা কিছু নাই,  
 ভীকু চিত্ত হয়ে বাস করিছ সদাই ।  
 ধিক তোমাদের হায়,            নাহি কোন ধর্ম ভয়,  
 ধর্ম বিসর্জিয়া কর অধর্ম বড়াই ;  
 পাপ কার্যে রত হয়ে আছগো সদাই ।

১৭

হায়রে নিষ্ঠুর যত ভারত সন্তান,  
 মাতৃদুঃখে অশ্রুসিক্ত হয় না নয়ন ?  
 দেখ চেয়ে একবার            প্রিয় এ ভারত মার  
 কি দুর্দশা মরি হায় হয়েছে এখন ;  
 শীর্ণ দেহ হয়ে আছে মলিন বদন ।

১৮

ছিলেন যখন পিতৃ পিতামহগণ  
 কি সুখে ছিলেন হায় জননী তখন ।  
 দুখের বারতা হায়,            নাহি জানিতেন তার,  
 কত সুখে রাখিতেন ভারতে তখন,  
 হে নিষ্ঠুর তোমাদের পূর্ব পিতৃগণ ।

১৯

তোমাদের হাতে হায় কিঙ্ক এবে প'ড়ে,  
 দাসত্ব করিতে শেষে হ'ল ভারতেরে ।  
 সব সুখ ঘুচে গেল,            জননী দুঃখিনী হ'ল,  
 অন্ন জুটা ভার এবে তাঁহার উদরে,  
 এ দুর্গতি শুধু তোমাদের হাতে প'ড়ে ।

২০

এখন দিনান্তে দুটি জুটেনা আহার,  
 অনাহারে দেখ চেয়ে বদন তাঁহার  
 হইয়াছে শুষ্কপ্রায়,                      আহা মরি হায় হায়,  
 তৈল বিনা মস্তকেতে দেখ জটাভার,  
 আজি কি দুর্দশা দেখ ভারত-মাতার ।

২১

কাঁদিয়া কাঁদিয়া আর শক্তি নাহি গায়,  
 জননী মোদের হয়েছেন মৃত প্রায় ।  
 শোকে তাপে অনাহারে,                      ভীষণ আকার ধরে,  
 দুঃখিনী ভারত-মাতা আহা মরি হায় ।  
 দেখিয়া মায়ের দশা বুক ফেটে যায় ।

২২

দেখিয়া মায়ের হেন দুর্দশা নির্দয়,  
 তোমাদের এতটুকু দয়া নাহি হয় ?  
 কেমনে বলনা হায়,                      পাষাণে বাঁধিয়া কায়,  
 নিশ্চিন্ত আছ যত ভারত-তনয়,  
 মাতৃদুঃখে তোমাদের কষ্ট নাহি হয় ।

২৩

মায়ের দুঃখেতে আর খেকনা নিশ্চিন্ত,  
 দূর করিবারে দুঃখ হওরে চেষ্টিত ।  
 একতা অমূল্য ধন                      গলেতে করি ধারণ  
 মৃতপ্রায় ভারতেরে করিতে জীবিত  
 সকল সম্মান মিলি হওগো দীক্ষিত ।

তা হলে মায়ের দুঃখ রহিবে না আর,  
 উদিকে সৌভাগ্য-ভানু ভারতে আবার ।  
 জননী হবেন সুখী,                      আর না রবেন দুঃখী  
 মৃত দেহে হবে পুনঃ জীবন সঞ্চার,  
 হায়রে এমন দিন হবে কি আবার ।

## বর্দ্ধমানের মহারাজা মহাতাপ চাঁদ বাহাদুরের মৃত্যু উপলক্ষে

নিদারুণ কি সংবাদ পাই শুনিবারে !  
 অকস্মাৎ একি ছেরি নগর ভিতরে ।  
 চারিদিকে লোক যত,  
 হাহাকার করে কত,  
 কিসের কারণে, হায় হেন সকাতরে  
 কাঁদিলে নগরবাসী হাহাকার করে ।

২

কেন এ নগরে এত হাহাকার ধ্বনি,  
কারণ লিখিতে তার কাঁপিছে লেখনী ।

কারণ লিখিতে হয়,

হৃদয় বিদীর্ণ হয়,

কেমনে লিখিব তবে সে দুঃখ কাহিনী !

এ কথা লিখিতে হবে স্বপনে না জানি ।

৩

ক করিব না লিখিলে উপায় ত নাই,  
দুঃখ সম্বরিয়া আমি লিখিতেছি তাই ।

পাঠক পাঠিকাগণ

সবে হয়ে একমন

সে দুঃখ বারতা আজি করগো শ্রবণ,  
নগরের শোক আমি করিব বর্ণন ।

৪

ভীষণ রোগের তাপে ব্যথিত হৃদয়ে,  
ভাগিরথী তীর দেশে স্বজনে লইয়ে,

ছিলেন আশার বশে,

কিন্তু কাল গুপ্তবেশে,

পশিয়ে হৃদয় মাঝে দিল গো নিবিয়া  
অমূল্য প্রাণের দীপ নিদয় হইয়া ।

৫

হইবেন ভাল, আশা সবাকার মনে,  
তা' না হয়ে হেন কথা, তা'কিনি স্বপনে ॥

## পারিজাত

হায় কি বলিব আজ,  
 আমাদের মহারাজ  
 ভাল হইবেন বলি গেলেন যথায়,  
 সেখানে শমন চুরি করিল তাঁহায় ।

৬

রবিবারে এ সংবাদ আসিল হেথায়,  
 আমাদের রাজা আর নাহিক ধরায় ।  
 শনিবার রাত্ৰিকাল  
 ছেদ করি মায়া-জাল  
 আমাদের পূজনীয় রাজা বাহাদুর  
 মর্ত্য ছাড়ি গিয়াছেন চলি স্বর্গপুর ।

৭

হায় হেন শোকাবহ সংবাদ শুনিয়া,  
 দুঃখেতে সবার বক্ষ যায় বিদরিয়া ।  
 ছোট বড় সর্বজন,  
 যত রাত্ত ভূত্যগণ  
 সকলেই করিতেছে শোকে হাহাকার ;  
 অকস্মাৎ একি হ'ল ভীষণ ব্যাপার ।

৮

কি হ'ল কি হ'ল হায়, কি হ'ল কি হ'ল !  
 সকলের মুখে এই বহে অনর্গল ।  
 কাঁদিছে যতক প্রজা,  
 “কোথা গেলে মহারাজা,  
 কি দোষেতে হায় হায় সবারে ত্যজিলে,  
 স্নেহ মায়া বিসর্জিয়া কোথা চলি গেলে ?”

৯

পূর্বে যেই পুরী ছিল শোভার আধার,  
রাজার বিহনে আজ সকলি অঁধার ।

নাহি সে আনন্দ আর

নিরানন্দ, অন্ধকার !

পুরবাসী সকলেই কাঁদিছে সবনে,  
কি ব্যথা লাগিল আজ সবার পরাণে ।

১০

রাজার মহিষী ওই বসি ধরা তলে,  
ভাসিছেন দিবানিশি নয়নের জলে ।

যেন পাগলিনী প্রায়,

ক্ষণে ক্ষণে মূর্ছা যায়,

বক্ষে করাঘাত হায় করেন কখন,  
কখন বিলাপ, কভু অশ্রু বরিষণ ।

১১

নরপতি ! ছিলে তুমি অতি দয়াবান,  
দীন দুঃখী জনে কত করিয়াছ দান ।

গত দুর্ভিক্ষ সময়

কত দুঃখী অনাথায়,

বসন ও ধন কত করিয়াছ দান,  
অন্ন দানে বাঁচায়েছ কত শত প্রাণ ।

১২

বিদ্যালয় হীন গ্রামে তুমি হে রাজন !

• দাতব্য স্কুল কত করেছ স্থাপন ।

বালক বালিকা বত,  
বিঘ্নালাভ করে কত—

তোমারই কৃপা গুণে শুনহে রাজন,  
তোমার কারণে তারা করিছে রোদন ।

১৩

পীড়িত অনাথগণের যাতনা দেখিয়া,  
থাকিতে না পার তুমি নিশ্চিন্ত হইয়া ;  
সেই হেতু হে রাজন,  
হইয়ে দয়াল মন,

পীড়িত অনাথগণ ভাল হবে বনে,  
দাতব্য চিকিৎসালয় স্থাপন করিলে ।

১৪

হেন কত শত দান করিয়াছ তুমি,  
সে সকল বর্ণিবারে অক্ষম লেখনী ।

এ সব দানের তরে,  
সবে ধন্য ধন্য করে,

এইরূপে কত কন্ম করিয়া রাজন !  
কতই অক্ষয় কীর্তি করেছ স্থাপন ।

১৫

এক্ষণে ঈশ্বর কাছে প্রার্থনা সবার,  
এখানে যেমন কীর্তি আছে হে তোমার,

ওহে সর্বগুণাধর

স্বর্গে গিয়া সে প্রকার

অনন্ত সুখ ভোগ কর মহাশয়,  
তা'হলে সবার মনোবাঞ্ছা পূর্ণ হয় ।



# হত্যাশের আক্ষেপ

১

কেন হেন অকস্মাৎ—

হৃদয় আমার এত ব্যথিত হইল ?

হৃদয় ভিতরে কেন,

জ্বলন্ত অনল হেন,

নিরবধি হু হু করি পুড়িতে লাগিল ;

নিভালে নিভেনা ছায়,

আরও মেন বেড়ে যায়

মানেনা প্রবোধ কোন, কি দায় হইল,

কেন অকস্মাৎ মম এ দশা ঘটিল ।

কেন কিসের কারণ—

করিতেছে হু হু মম হৃদয় মাঝেতে ;

ভীম দাবানল প্রায়,

এ হৃদয় জ্বলে যায়—

কিসের কারণ কিছু না পারি বুঝিতে ।

কিবা দিবা কি নিশিথ,

সততই মম চিত,

প্রজ্বলিত হত্যাশনে লেগেছে পুড়িতে,

ইহার কারণ কিছু না পারি বুঝিতে ।

হায় কি বন্দি,ব আর—  
 দেখাবার হত যদি তা'হলে এখন—  
 হৃদি উদঘাটন করে,  
 দেখাতাম সকলেরে,  
 হৃদয় ভিতরে দাহ হতেছে কেমন ।  
 যে অনল হৃদে পশি,  
 জ্বলিতেছে দিবানিশি  
 কেতই দেখিতে তাহা পাবে না কখন,  
 কিন্তু দেখিছেন সেই ত্রিলোক-তারণ ।

হায় একি দশা হল—  
 কেন মম মন হ'ল হেন উচাটন ।  
 দিবা রজনী সমান,  
 সদা কেঁদে উঠে প্রাণ,  
 বুঝিতে না পারি আমি ইহার কারণ ;  
 না জানি কেন গো হায়,  
 অন্ধকার কারা প্রায়,  
 আমার মনেতে বোধ হতেছে ভবন ;  
 অকস্মাৎ কেন হেন মন উচাটন ?

জানিনা ত কিছু আমি—  
 অকস্মাৎ হেন ভাব হল কি কারণে ;

যে দিকে ফিরাই আঁধি,  
 সব শূন্যময় দোধি,  
 কিছুতে সন্তোষ আর হতেছে না মনে ;  
 কিছুই লাগে না ভাল,  
 পূর্বে হয় যে সকল,  
 উত্তম বলিয়া আমি ভাবিতাম মনে,  
 এবে বিষতুল্য বোধ হতেহে নয়নে ;

দেখ কিবা মনোহর—  
 আজি এ পূর্ণিমা নিশা কেমন সুন্দর ;  
 নির্মল নভের 'পরে,  
 তারা গগ সঙ্গ করে,  
 উদিয়াছে কুমুদিনী কাস্ত শশধর ;  
 দেখ কিবা মনোলোভা,  
 হয়েছে ইহার শোভা !  
 এ শোভা দর্শনে সবে পুলক অস্তর,  
 আমার নিকটে কিন্তু নহেক সুন্দর

ফিরে দেখ আরবার—  
 বহিছে মলয়ানীল শীতল কেমন,  
 কুম্ভমে কুম্ভমে ফিরি  
 সুগন্ধ বহন করি,  
 বিতরণ করিতেছে সবার সদন ;

শীতল স্পর্শনে তার  
 বুঝা বৃদ্ধ সবাকার,  
 স্নানীতল হইতেছে সস্তপ্ত জীবন,  
 আমার সস্তাপ কিস্তি করেনা হরণ ।

৮

হায় পূর্বের মতন—  
 কিছুই না দেখি আমি সুন্দর তেমন !  
 সুমিষ্ট সুধার ধারে,  
 পক্ষিগণ গান করে,  
 তাহাতেও নাহি মম জুয়ায় শ্রবণ ;  
 হেন ভাব হল কেন,  
 জান কি হে কোন্ জন ?

( অথবা ) বুঝি না যখন আমি আপনার মন,  
 কেমনে জানিবে তবে অশ্রু কোন্ জন

যদিও না বুঝি আমি—  
 তথাপি কারণ কোন আছে ইহার ;  
 নতুবা বলগো কেন,  
 আমার হৃদয় হেন  
 মিছামিছি হহ করি পুড়ে অনিবার ।  
 কারণ নহিলে হায়,  
 কোন কার্য নাহি হয়,  
 তাই বলি কোন হেতু আছে ইহার,  
 জানেন সকলি সেই বিশ্ব সারাৎসার ।

১০

হে বিভো করুণাময়—  
যে অনলে দিবানিশি জ্বলিছে পরাগ—  
সকলি ত আছ জ্বাত,  
অতএব ওহে তাত,  
অভাগীর প্রতি কর কৃপা দৃষ্টি দান ;  
হৃদি পুড়ে হ'ল ক্ষার,  
সহিতে না পারি আর,  
কৃপা করি এ অনল করছে নির্বাণ,  
তাপিত হৃদয়ে তাত, কর শাস্তি দান ।

১৮৮১ খ্রীষ্টাব্দ, সেপ্টেম্বর,

বিদায়

( কটক )

ওহে শ্রিয়বর,

কটক নগর,

নিবেদিছে তব পার,

ছাড়িয়া তোমারে,

নিজের আগারে,

যেতেছি দাঁও বিদায় ।



সে সুখ কি আর,                      হবে পুনর্ব্বার,  
অগ্নি পর্ব্বত হৃহিতে !

হবেনা তেমন,                      সুখ কদাচন,  
সেই হেতু দুঃখ চিতে ।

মম সুখ স্থান,                      হে বাস ভবন,  
ছাড়িয়া চলিছ তোমা,  
মাগিছি বিদায়,                      আর পুনরায়,  
তব কাছে আসিব না ।

জ্যোছনা নিশীথে,                      হরষিত চিতে,  
উঠিয়া ছাদে তোমার,  
পতি সহ সুখে,                      পরম কোতুকে,  
হেরিতাম শশধর ।

সূর্যাস্ত সময়,                      ছাদে দাঁড়াইয়ে,  
করিতাম দরশন—  
দিবাকর-শোভা,                      অতি মনোলোভা,  
হইয়া পুলক মন ।

করি দরশন,                      শোভা অল্পম,  
হত মনে কত সুখ ;  
সেই সুখ পুন,                      হবেনা কখন,  
সেই হেতু বড় দুঃখ ।

সুখের আগার,                      উদ্যান আমার,  
বিদায় গ্রহণ করি ;  
তোমাতে ছাড়িয়া,                      যেতেছি চলিয়া,  
আমি আপন নগরী ।

## পারিজাত

হে উদ্যান-জাত,                      তরুণতা যত,  
শুন মম নিবেদন,  
কত যত্ন করে,                      তোমা সবাকারে,  
করিয়াছিহু রোপণ ।

এবে কিঙ্ক হয়,                      লইতে বিদায়,  
মন যে কেমন করে ;  
কিন্তু যে গো হয়,                      নাহিক উপায়,  
ফাটে হৃদি দুঃখ-ভরে ।

না আসিব আর,                      উদ্যান মাঝার,  
তোদের শোভা হেরিতে ;  
দিবা অবসানে,                      সমীর সেবনে,  
আসিবনা আর ব্রমিতে ।

আনন্দিত হয়ে,                      কলসী লইয়ে,  
তুলি বারি কূপ হতে,  
পুনঃ সে প্রকার,                      সিঞ্চিবনা আর,  
হায় তোদের মূলেতে ।

প্রিয় সহচরী,                      গোলাপ সুন্দরী,  
ছাড়িয়া চলিহু তোমা,  
আর পুনরায়,                      হেরিব না হয়,  
তব রূপ নিরূপমা ।

আমি যে তোমারে,                      বড় যত্ন করে,  
রেখেছিহু নিকটেতে ;  
কতই আদরে,                      করি নিজ করে,  
জল দিতাম মূলেতে ।







## সন্ধ্যা

অবসান প্রায় দিবা,                      এসময়ে কিবা শোভা,  
করেছে ধারণ প্রকৃতি সতী,  
মনোমুগ্ধকর হেন,                      শোভা করি দরশন,  
আনন্দে মগন হয়েছে মতি ॥১॥

প্রকৃতির প্রিয় ছবি,                      রক্তিম বরণ রবি,  
শোভিছে পশ্চিম আকাশ পটে ;  
মনে বোধ হয় হেন,                      সিন্দূরের ফোঁটা যেন,  
শোভিছে প্রকৃতি সতী ললাটে ॥২॥

বহিছে শীতল বায়,                      জুড়ায় তাপিত কায়,  
পাখীগণ করে ললিত গান,  
যেন সবে সমস্বরে,                      মঙ্গল আরতি করে—  
মঙ্গলময়ের, খুলিয়া প্রাণ ॥৩॥

শ্রামল শশুর কোলে,                      সুন্দর মঞ্জরী দোলে,  
তার সনে খেলে মৃদুল বায় ;  
পড়িয়াছে তন্দ্রপর,                      লোহিত ভাগুর কর,  
ঝিকি ঝিকি মরি কি শোভা পায় ॥৪॥ •

আরও তরুশাখা 'পরে,                      ভাগুর কিরণ ঝড়ে,  
কি শোভা হয়েছে হেরি নয়নে, •  
বায়ুভরে পাতা নড়ে,                      যেন তারা নত শীরে,  
•                      প্রণিপাত করে বিভূ চরণে ॥৫॥



মোরা সবে দুখার্নবে ভাসিতেছি হার,  
কোথা যাব কি করিব, কি হবে উপায় !  
কভু আমি নাহি জানি পিতা কিবা ধন ,  
শৈশব যখন হ'ল পিতার মরণ ।

সে কারণ সর্বক্ষণ দুঃখিত অন্তর,  
কিন্তু হায়, কোনোপায় ছিল না তাহার ।  
বিধাতা দিলেন মোর প্রতি দয়া করে,  
পিতৃসম অমুপম খণ্ডর আমারে ।

কন্যার সমান যত্নে পালিতেন মোরে,  
রাখিয়াছিলেন মোরে কতই আদরে ।

উঁহার যতন আর ভালবাসা তরে,  
ভুলিয়াছিলাম আমি আপন পিতারে ।

শাশুড়ী নাহিক বলি কষ্ট হয় যদি,  
সে কারণে লইতেন খোঁজ নিরবধি ।

উঁহার স্নেহের গুণে সন্তুষ্ট সদাই,  
শাশুড়ী নাহিক বলি কভু ভাবি নাই ।

হেন সেই স্নেহময় পতির পিতাকে,  
অসময়ে হারাইলু হায়রে বিপাকে ।

স্বপনেও নাহি জানি এহেন ঘটন,  
অকস্মাৎ একি হল বিধির লিখন ।

বড় দুঃখ দেবমোর, রহিল অন্তরে,  
নাহি পাইলাম তব সেবা করিবারে ।

ছিলাম যদিও আমি অতি নিকটেতে,

• তবু নাহি পাইলাম চক্ষেতে দেখিতে ।

এ কষ্ট আমার দেব, যাবেনা কখন,  
যত দিন বেঁচে রব করিবে পীড়ন ।  
মৃত্যুকালে পিতা, তব আপনার জন,  
নিকটে ছিল না কেহ শুক্রযা কারণ ।

সে সময়ে কত কষ্ট হ'য়েছে তোমার,  
দেখিবারে নাহি পেলো পুত্র আপনার ।  
এক মাত্র পুত্র তব স্নেহের আধার,  
তিনিও না রহিলেন নিকটে তোমার ।  
মৃত্যুকালে পুত্র সনে হ'লনা মিলন,  
এ দুঃখও দূর নাহি হইবে কখন ।

কোথা রহিলেন পুত্র কোথা পরিজন,  
সবারে ফেলিয়া কোথা করিলে গমন ।  
হায় পিতঃ, স্নেহময়, দয়ার আধার ;  
কোথা গেলে, দেখিতে না পাইব আবার ।  
কেবা আর আমাদের করিবে যতন,  
কার কাছে থাকিব গো স্মৃতে তেমন ।

কি দোষেতে ওগো পিতা মোদের ত্যজিলে,  
দয়া মায়া সকলই বিসর্জন দিলে ।  
হায়রে দারুণ বিধি, একিরে অন্তায়,  
অসময়ে পিতৃধনে হরিলিরে হায় ।

সুমধুর বাবা বুলি বলিব না আর ;  
জনমের মত তাহা ফুরাল এবার ।

হে বিভো তোমার কাছ করি নিবেদন,  
পূজনীর পিতৃদেবে কর গো গ্রহণ ।

গিয়াছেন চলি তিনি শাস্তি নিকেতনে,  
স্থান নিও দেব তাঁরে তোমার চরণে ।  
বহু কষ্ট পেয়েছেন তিনি গো হেথায়,  
শাস্তিলাভ যেন তিনি করেন তথায় ।

## ভক্তিভাজন শ্রীযুক্ত সুরেন্দ্র নাথ বন্দ্যোপাধ্যায়ের মাতার প্রতি সান্ত্বনা

ধন্য নারীকূলে তুমি গো জননী,  
শুভক্ষণে গর্ভে ধরেছ আপনি,—  
হেন পুত্ররত্ন, ভারত-সম্মান,  
ধীর নাম গুণ করিতেছে গান,  
গৌরব ভারতে সৌরভে ধীর ।

পঞ্চবিংশ কোটি ভারত সম্ভ্রাত,  
দেশের গৌরব ভাবি, হর্ষমতি ;  
ধীর জন্ম আজ জাতিভেদ ভুলে,  
একতার হার পরিয়াছে গলে,  
অয়ি শুভে ! তুমি জননী তাঁর ।

এক ব্রত ধীর, দেশের কল্যাণ,  
রাজরোষে পড়ি' সেই পুণ্যবান,

গিয়াছেন বটে আজি কারাগারে,  
কিন্তু দেখ মাতঃ পরশিয়া তাঁরে,  
হইয়াছে কারা পবিত্র অতি ।

তাঁর কারাবাসে সবে বিবাদিত,  
কিন্তু তিনি কভু নহেন দুঃখিত,  
নহে কভু তাঁর সে কারা ভবন,  
তাঁর কাছে তাহা নন্দন কানন,  
নহেন সেখানে চঞ্চল মতি ।

দেশ উদ্ধারিতে প্রাণ পণ করে,  
রাজপুত্র যথা প্রবেশে সমরে,  
হের মা তেমতি তোমার কুমারে,  
সুযুগ্ম ভারতে জাগাবার তরে,  
গেলেন কারাতে তেয়োগি সুখ ।

জাতীয় জীবন, জাতীয় সম্মান,  
স্থাপিলেন তব পুত্র মতিমান,—  
—আজি এ ভারতে অতুল সাহসে,  
অতুল গৌরবে মনের হরষে,  
উজল করিয়া ভারত মুখ ।

জানালেন সবে ভারত সন্তান,  
কাপুরুষ নহে, তারা বীর্যবান,  
তারাও সাহসী, কভু ভীরু নহে,  
নাচিছে ধমণী তাহাদেরও দেহে,  
আছয়ে তকতি স্বদেশ প্রতি ।



দেখালেন বঙ্গসন্তান কখন,  
 নহে ক্ষীণ প্রাণ নহে ক্ষীণ মন,  
 স্বদেশ উদ্ধার হেতু, করিবারে—  
 পারে প্রাণপণ, দেখান সবারে,  
 ভারত জননী বীর প্রসূতী ।

“সার্থক জীবন বাহুবল তার,  
 আত্মনাশে দেশ করে যে উদ্ধার,”  
 জননীগো তব পুত্র এ বচন,  
 বহু পুণ্য ফলে করিয়া রক্ষণ—  
 লভিলেন আজি অনন্ত অক্ষয়—  
 কীর্তি এ সংসারে, দিক সমুদয়  
 হইল শোভিত সেই কীর্তি হারে ।

উত্তরে হিমাদ্রি এই সব কথা,  
 জানাতেছে সবে উচ্চ করি মাথা,  
 সুনীল অনন্ত সাগর দক্ষিণে  
 ঘোষে এ বারতা গভীর গর্জনে ;  
 কেন্দ্রে কেন্দ্রে ধ্বনি উঠিছে সঘনে  
 উঠিছে সে ধ্বনি উচ্চ অধরে ।

আজিকে সমগ্র ভারত বেড়িয়া  
 ধীর কীর্তি শ্রোত যেতেছে বহিয়া,  
 শুন ভাগ্যবতি ! আজি সমস্বরে,  
 সবে ধনু ধনু করিছে ধাঁহারে,  
 তুমি মাগো, গর্ভে ধরেছ তাঁরে ।

ধন্য গো জননি ! সৌভাগ্য তোমার,  
 তব ভাগ্য সম কার ভাগ্য আর ?  
 তোমারি গুণেতে তোমারি সন্তান,  
 হইলেন আজি হেন কীর্ত্তিমান ;  
 মাতৃগুণে পুত্র সুখ পায় ।

দশমাস পুত্রে উদরে ধরিয়া,  
 করিলে পালন, যাতনা সহিয়া,  
 আজিকে সার্থক হইল সে সব,  
 বাড়িল আজিকে পুত্রের গৌরব,  
 এর চেয়ে সুখ আর কি আছে ?

বড় পুণ্যবতী তুমি মা জননি !  
 আশীষ কর মা ভারত রমণী,  
 যেন তোমা সম রত্ন প্রসবিনী,  
 হয় সকলেই, আমরা সকলে,  
 কৃতাজ্ঞনী করে বস্ত্র দিয়া গলে  
 পদধূলি মাগি তোমার কাছে ।

# শ্রীযুক্ত সুরেন্দ্র নাথ বন্দ্যোপাধ্যায় মহাশয়ের পত্নীর প্রতি সান্ত্বনা

শ্রদ্ধেয় ভগিনী !

আজি কেন হেন বেশে বসি ধরাতলে,  
বিষাদে বদনখানি হয়েছে মলিন,  
ভাসিতেছে বক্ষঃস্থল নয়নের জলে  
বহিতেছে দীর্ঘশ্বাস, যেন দীন হ ন

প্রিয়তম স্বামী তব সুর মহামতি,  
পড়ি রাজরোষে, হায় ! বিধি বিড়ম্বনে,  
করিছেন এক্ষণেতে কারাতে বসতি,  
তাই কি বহিছে তব ধারা ছনয়নে ।

ছি ভগ্নি ! সাজে কি কভু বিলাপ তোমার ?  
যে হেতু ভগিনী ! তুমি তাঁহার রমনী,  
ভারত ব্যাপিয়া বশ গাইছে ষাঁহার,  
ষাঁহার কীর্তিতে আজ পূর্ণিত অবনী ।

স্বদেশের হিতব্রত করিয়া ধারণ,  
সুরেন্দ্র তোমার পতি বীরেন্দ্র সমান,  
সে ব্রত সাধন তরে করি প্রাণ পণ,  
পেয়েছেন কারাগারে অতি পুণ্যস্থান ।

জাতি ধর্ম রক্ষা হেতু কারাগারে স্থান,  
 সেই হেতু শুন ভগ্নি ! সমগ্র ভারত,  
 সমস্বরে আজি তাঁর করে গুণগান,  
 লীলা হতে সীমান্তরে ধ্বনিছে সতত !  
 জাতীয় গৌরব আর জাতীয় সম্মান,  
 রক্ষা করি দেবি ! তব পতি মহামতি,  
 যে কর্ম করিলা তাহা অদ্ভুদ আখ্যান,  
 সত্য তিনি ক্ষণক্রমা ভারত সন্ততি  
 পৃথিবী জুড়িয়া যশ হইল তাঁহার,  
 অক্ষয় অনন্ত কীর্তি লভিলেন তিনি,  
 ভব ভাগ্য সম বল কার ভাগ্য আর,  
 বিলাপ তোমার কভু সাজে কি ভগিনি !  
 তুমি যদি এইরূপ হও বিষাদিত,  
 তবে ত উত্তম ভঙ্গ হইবে তাঁহার ;  
 তোমার এরূপ করা না হয় উচিত,  
 বুদ্ধিমতী হয়ে কেন হেন ব্যবহার ।  
 ধরহ ধৈর্য ভগ্নি ! সম্বর রোদন,  
 করহ স্বামীর সদা কুশল কামনা,  
 অচিরে পাইবে ফিরে তব পতি ধন,  
 সন্তপ্ত হৃদয়ে পুনঃ পাইবে সাধনা ।  
 কারামুক্ত হয়ে পতি আসিলে ভবনে,  
 সে দিন অধিক যশে পূরিবে অবনী ।  
 শূন্য ভেদি ধস্ত রব উঠিবে গগনে,  
 আবার তাঁহার তেজে কাঁপিবে অবনী ।

## কলিকাল

হায়রে কলির একি অবিচার,  
দেখে গায়ে বেন আসে জ্বর ।

এষে ঘোর কলিকাল,                      এষে ঘোর কলিকাল,  
অধর্মেতে পূর্ণ হ'ল জগত-সংসার,  
হায় একি বিষম ব্যাপার ।

পাপে পূর্ণ হ'ল মানবের মন,  
করে সদা অধর্মাচরণ ।

সতত পাপেতে রত,                      সতত পাপেতে রত,  
পাপ কার্য্য করিবারে নাহি হয় ভীত,  
হায় একি নরের উচিত ?

নাহিক কাহায়ো কোন ধর্ম ভয়,  
মন্দ দিকে সদা মতি ধায় ।

ধিক সে মনুষ্যকুলে,                      ধিক সে মনুষ্যকুলে,  
পাপ করে যেই হায় জগদীশে ভুলে,  
ধিক ধিক তাদের সকলে ।

পূণ্যভূমি বলি ভারত সংসার,  
একদিন হইত প্রচার ।

নাহি ছিল পাপলেশ,                      নাহি ছিল পাপলেশ,  
পাপ শুনে ভয়ে ভীত হইত অশেষ,  
হায় একি হ'ল অবশেষ ।

সেই ভারতেই হায়রে এখন,

পাপে রত সবে অনুক্ষণ ।

তেয়াগিয়ে লজ্জা ভয়,                      তেয়াগিয়ে লজ্জা ভয়,

করিতেছে সর্বদাই অধর্ম আশ্রয়,

কিছুমাত্র ভীত নাহি তায় ।

ব্যভিচার, হিংসা, পরস্ব হরণ,

মিথ্যা আদি পর নিপীড়ন,

নর হত্যা আদি যত,                      নর হত্যা আদি যত,

কত শত পাপ কার্য্য হতেছে নিয়ত,

পাপে পূর্ণ হইল জগৎ ।

যাঁহা হ'তে হ'ল পৃথিবী-দর্শন,

হেন পিতা মাতা গুরুজন,

তাঁহাদের প্রতি হায়,                      তাঁহাদের প্রতি হায়,

অত্যাচার উৎপীড়ন হতেছে সদায়,

এ যে ঘোর কলিকাল হায় ।

আরো কব কত, নিজ সহোদর—

সনে সদা হয় মনান্তর ।

মিল নাই কারো সাথে,                      মিল নাই কারো সাথে,

ভ্রাতার ভ্রাতার হৃদয় দিবসে নিশীথে,

দিন যায় হিংসাতে হিংসাতে ।

বিশেষতঃ হিংসা জ্ঞাতির উপর,

হয় অতিশয় দৃঢ়তর ।

—দি তার থাকে ধন,                      যদি তার থাকে ধন.

তবে ব্যস্ত হয় তার নিধন কারণ—

করে সদা উপায় চিন্তন ।

সুবিধা পাইলে করে সর্বনাশ,  
ক'রে ফেলে জাতির বিনাশ ।

হায় কি পিশাচ সবে,                      হায় কি পিশাচ সবে,  
জানেনা কি যেতে হবে ভীষণ রৌরবে,  
ভাবেনা শেষে কি গতি হবে ।

একের যত্নপি হয় সর্বনাশ,  
অন্তে ভাবে তাহাতে উল্লাস ।

তারা কি কঠিন চিত,                      তারা কি কঠিন চিত,  
অন্তের বিপদে যেই হয় হরষিত,  
কাজ করে রাক্ষসের মত ।

কাহারো বিপদে বাহিরে তখন,  
শোক চিহ্ন করয়ে ধারণ ।

হায় হায় করে মুখে,                      হায় হায় করে মুখে,  
অন্তর তাহার কিন্তু ভাসিতেছে সুখে ;  
কত ছল জানে শঠ লোকে ।

হায়রে তাহার মায়ার কৌশলে,  
ভূলায়ে রাখে জাতি সকলে,

করি আপনার মত,                      করি আপনার মত,  
মুখে স্নেহ মায়া তারা করে অবিরত,  
দিন বুঝে শেষে করে হত ।

বড় স্বার্থপর মানব সকল,  
স্বার্থপূর্ণ কাজ করে কেবল ।

নিজ স্বার্থ রক্ষা তরে,                      নিজ স্বার্থ রক্ষা তরে,  
নরাধমগণ এই পৃথিবী ভিতরে,  
• কত পৈশাচিক কন্ম্ব করে ।

এইরূপ সব দেখি ব্যবহার,

হয় মনে ঔদাস্ত সঞ্চার :

হেন ইচ্ছা হয় মনে,

হেন ইচ্ছা হয় মনে,

সব তেয়াগিয়ে যাই সত্য নিকেতনে,

যথা লোকে কপট না জানে ।

নাটিক তথায় ভাবনা জঞ্জাল,

সুখেতে রহিব চিরকাল ।

নাহি তথা পাপ লেশ,

নাহি তথা পাপ লেশ,

পরম পবিত্র পুণ্যময় সে নগর,

শান্তি নিকেতন নাম তার ।

## কোন ভগিনীর প্রতি

কি শুনি কি শুনি, প্রাণের ভগিনী,

আহ্লাদে পরাণী নাচে অনিবার ;

তব পতি ধন,

দেবেন্দ্র \*সুজন

আসিছেন নিজ ভবনে এবার ।

। নিজ মনোরথ,

করিয়া পূরণ

.. ভগিনী, তোমার প্রাণেশ আসিছে,

একথা শুনিয়া,

থাকিয়া থাকিয়া

হরষে হৃদয় নাচিয়া উঠিছে ।



ভগিনী, আপন মনের বাহন,  
করিয়া পূরণ তব প্রাণেশ্বর,  
ছয় বর্ষ পরে, আসিছেন ঘরে  
ইহার উপরে কিবা সুখ আর ?

ছয় বর্ষ হায়, তোমার হৃদয়,  
ঘোর তমোময় আছিল সদায় ;  
এবে পূর্ণ শশী, হৃদে পরকাশি,  
ঘোর তমোরাশি করিবেক লয় ।

ভগিনী, তোমার যাতনা অপার,  
হইতে এবার পেলে পরিত্রাণ ;  
এত দিন পর, ঘুচিল এবার,  
ভগিনি, তোমার অভাগিনী নাম ।

অগ্নি শশিমুখী, তুমি মম সখী,  
তোমাতে ভগিনি, বড় ভালবাসি,  
আমি গো সুন্দরী, আপনা পাশরি,  
যাতনা তোমারি ভাবি অহর্নিশি ।

ভগিনি, তোমার দুঃখেতে আমার  
হ'ত অনিবার অতিশয় দুঃখ ;

( এবে ) তব সুখ দিনে, ভাই, মম মনে  
কহিব কেমনে হতেছে কি সুখ ।

মম হৃদি মাঝে, হইত নিয়  
শত শত শত বৃশ্চিক দংশন,  
তব সুখ ভগ্নি, ভাবিলে তখনি,  
নিজের যাতনা হই বিস্মরণ ।

বোন, যাঁহা হক,                      আর কিবা দুঃখ,  
 অশ্রুসিক্ত মুখ, মুছহ অঞ্চলে,  
 ধরা শয্যা ছাড়ি,                      উঠ ঘরা করি,  
 দেবেন তোমারি মাথার শিয়রে ।

স্থির করি মন                      কর্ণপাত্তি শুন  
 তব স্বামী গুণ গাহিছে সকলে,  
 তবে তুমি কেন,                      করিয়া এমন,  
 রয়েছ এখনো পড়িয়া ভূতলে ?

উঠহ সুন্দরী,                      শোক পরিহরি,  
 উঠ ঘরা করি, দেখ মুখ ভূলে,  
 স্বামীর চরণ,                      কর দরশন,  
 করি আলিঙ্গন দুঃখ বাও ভূলে ।

\* স্বনামখ্যাত পরলোকগতা কৃষ্ণভামিনীর স্বামী দেবেন্দ্র নাথ দাস ।

# সোহাগ

( সন্তানের প্রতি )

আয়রে সুধীর প্রাণের কুমার  
আয় আয় তোরে কোলেতে করি,  
বহুক্ষণ হ'ল মু'খানি তোমার  
না হেরিয়া আমি পর্যাণে মরি ।

কত ভাল বাসি, দেখিতে মু'খানি  
কি আছে ওমুখে তাত জানি না,  
সরলতাময় বেন ছবিখানি,  
আছে কি ওমুখে কোন তুল না ।

কতই সৌন্দর্য্য কতই মাধুরী  
কেমনে বলিব আছে ঐ মুখে,  
যখনি মুখের সুসমা নেহারি  
অমনি হৃদয় উথলে সুখে ।

রোগ শোক আর সংসারের দুঃখ,  
যখনি হৃদয় অস্থির করে,  
হেরিলে তখন ওই চাঁদ মুখ,  
সকল যাতনা যায়রে দূরে ।

যখন মাণিক, মৃদু মৃদু হেসে,  
কররে খেলা, আধ আধ বোলে,  
আবার যখন নেচে নেচে এসে,  
অঁচল ধরিয়া উঠরে কোলে ।

হেরিলে তখন ওরে যাছুমনি,  
তোমার সেই মোহন মুরতি,  
শুনিলে মধুর আধ আধ বাণী  
হয়রে কতই আনন্দ মতি ।

চারু কর দুটি নাড়িয়া নাড়িয়া  
তাই তাই তাই যখন কর,  
হামা দিতে দিতে হাসিয়া হাসিয়া  
নিকটে আসিয়া অঁচল ধর ।

আবার যখন উঠি মোর কোলে,  
ছোট ছোট ছোট আঙ্গুল নাড়ি,  
চাঁদ পানে চেয়ে, চাঁদ আয় বলে,  
ডাকরে, তখন কি সুখ হেরি ।

হেরিরে যখন একপ মাধুরী  
সুধা সম স্বর শুনিরে যবে,  
কি সুখ যে হয় বুদ্ধিতে না পারি,  
স্বর্গে কি মরতে না পাই ভেবে ।

কোলেতে যখন করিয়া ধারণ  
ওই চাঁদ মুখে চুম্বন করি,  
আপনা পশারি বাইরে তখন  
এখানেই যেন স্বরগ হেরি ।

ইচ্ছা হয় মনে ওরে বাত্মনি,  
তোমাধনে সদা রাখিবে বুকে  
দিন রাত স্নহু হেরি ও মুখানি,  
আধ আধ বোল শুনিরে স্নথে ।

হাসরে সুধীর প্রাণের রতন !  
সুমধুর হাসী হাসরে পুন,  
আধ আধ বোলে বলরে বচন  
শুনিয়া জুড়াক তাপিত প্রাণ ।

তাথেই, তাথেই, নাচ নিলমণি,  
তাই তাই তাই কররে ফিরি,  
'চাঁদ আয়' বলি তুলি হাত খানি,  
ডাক পুনঃ, হেরি নয়ন ভরি ।

হাসিতে তোমার, কথাতে তোমার,  
কতই অমৃত আছে না জানি,  
করিয়া বিধাতা অমৃত ভাণ্ডার,  
স্নজেছেন তব ওমুখখানি ।

এ নখর ভবে সকলি অসার,  
দুঃখময় যত হেরি সকলি,  
একমাত্র স্নথ স্নেহের আধার,  
প্রাণের কুমার নয়ন পুত্তলি ।

\* দুই পুত্র, সুশীল ও সুধীর

হে করুণাময় করুণা নিদান,  
মাগে এই ভিক্ষা চরণে দাসী,  
দিয়াছ যেমন এ ছুটি\* রতন,  
অধীনে অশেষ দয়া প্রকাশ।

সেইরূপ দয়া করি দয়াময়,  
বাঁচাইয়ে রাখ এ দৌহে হর,  
দেখিতে যেমন মধুরতাময়,  
অস্তুরো তেমতি মধুর কর।

## বসন্ত আবাহন

এসগো বসন্ত এস, শোভার প্রতিমাখানি,  
পিক পিকবধু সনে গাহে তব আগমনী।  
হোথায় কানন বালা,  
পুলকে ভরিয়া ডালা,  
গাঁথিছে কুসুম মালা, সাজাতে স্ন তনুখানি  
ভ্রমর ভ্রমরী সনে, গুণ গুণ আলাপনে,  
তোমার উদ্দেশে যেন করিছে মঙ্গল ধ্বনি ;  
মৃদুল দখিনা বায়,  
নিশ্চ শ্যাম তরুচ্ছায়,  
বতরে স্রবাস সদা, ঢালে পূত মন্দাকিনী।

আনন্দেতে দিশে হারা, যেন গো পাগল পারা,  
বিভলে সদাই ধায়, চুমিতে বদনখানি ।

নবীন কুসুম সারি,

লইয়ে মঙ্গল ঝারি,

দাড়ায়েছে পথ চাহি, পূজিবারে পা দুখানি ।

প্রকৃতি যতন ক'রে, নব শ্রাম শম্প প'রে,

পাতিয়াছে তোমা তরে সুন্দর আসন খানি ।

এসগো বসন্ত এস, শোভার প্রতিমাখানি ॥

## আকুল রোদন

গভীর নির্মাণ,                      নীরব ধরণী,

নাহি কোন কোলাহল,

এ হেন সময়ে,                      কোন অভাগিনী,

ফেলিতেছে অশ্রুজল ?

সমীরে ভাসিয়া,                      আসিতেছে ওই

কাহার দীর্ঘ শ্বাস,

নীরব ধরণী,                      ঝিঁ ঝিঁ রব চলে,

গাহে কা'র শোকোচ্ছাস ?





বিষাদ কালিমা,            মাথান মু'খানি,  
 হেরিনি কভু নয়নে,  
 তবু যে গো হয়,            ভাবিয়ে সে মুখ,  
 ব্যথা বড় পাই মনে ।

হেন ইচ্ছা হয়,            নিকটেতে গিয়া,  
 মুছাই নয়ন তার,  
 করেতে ধরিয়া,            সাধুনা বচনে,  
 ঘুচাই শোকের ভার ।

## কে গো ঐ অনাথিনী ?

নিলাস্বর মাঝে ঐ	হাসিতেছে শশধর ,
তার সাথে হাসিতেছে	তারাগণ মনোহর ।
সে হাসিতে মিশি ধরা,	••
পুলকে হইয়ে ভরা,	•
বিভলে হাসিছে সদা,	যেন পাগলিনী প্রায়
হাসিছে প্রকৃতি সতি,	হাসিছে মৃদল বার ।



কেহ ত বকেনা তোরে

তবে অভিমান করে

কার 'পরে, দাঁড়ায়ে দুয়ারে ?

কি বলিলি ? কেহ কিছু বলে নাই,  
সাপের বাঁশীটি নাই,

ভান্ডিয়া ফেলেছে খুকী\* তারে ।

ওরে অধোমুখে ছেলে,

বাঁশীটি ভেঙেছে বলে,

তাই তোর এত অভিমান !

তাই,

সজল দুটি নয়ান,

বিষাদে আকুল প্রাণ,

তাই,

শুকায়েছে ও চাঁদ বয়ান ।

এমন অধোমুখে ছেলে,

দেখিনি ত কোন কালে,

বাঁশী লাগি এত মুখ ভা'র !

বাঁশীর ভাবনা কিবে,

এখনই দিব তোরে,

যাহা চা'বি বাঁশী কোন্ ছার ।

কাঁদিসনে বাছা আর,

মুছে ফেল অশ্রু ধার,

স্নানমুখ দেখিতে না পারি ;

হাসি মুখে আয় কোলে,

অভিমান যা'রে ভুলে,

আয়রে মোর কোলের 'পরি ।

কল্যাণ অমিয়া, ডাকনাম লিলী ।

## পারিজাত

তোর ও চোখের জল,  
 প্রাণ যে করে বিকল,  
 মুখ দেখে বুক ফেটে যায় !  
 বল বাছা কিবা চাই---  
 এখনই দিব তাই,  
 কাঁদিসনা আয় কোলে আয়

## অবসান

কখন যে এসেছিল,  
 কখনি বা চলে গেল,  
 কিছুই না জানি ।  
 কি গান গাহিয়া গেল,  
 কানে মাত্র প্রবেশিল,  
 স্নপু তার ক'টি প্রতিধ্বনি ।

যতনে কুসুম গুলি,  
 আনিয়া ছিলাম তুলি,  
 সাজি ভ'রে মালা গাঁথিবারে,  
 মালা ত' হ'লনা গাঁথা,  
 ফুলগুলি হেথা সেথা,  
 ছড়িয়ে পড়িল ভূমি 'পরে ।

আধেক না হ'তে মালা,  
 ভেঙ্গে গেল স্বপ্ন খেলা,  
 দেখি যে সে চলিয়া গিয়াছে ।  
 যা কিছু সে এনেছিল,  
 কিছু না রাখিয়া গেল,  
 স্বাভাৱ স্বপ্ন রাখিয়া গিয়াছে ।

পাখীগুলি আনমনে,  
 নধর ললিত জানে,  
 আরম্ভ করেছে সবে গান ;  
 স্তম্ভিত মলয় বায়,  
 সবে দীরি দীরি বয়,  
 তেন কালে সব অবসান ।

•  
 আধ ফোটা ফুল চয়  
 কুটিতে পেলেনা হয় ।  
 আর  
 অলির ঝঙ্কার নাহি শুনি,  
 কখন যে এসেছিল,  
 কখনি বা চলে গেল,  
 কিছুই না জানি ।

## সন্ধ্যায় গ্রাম্য বালিকাদ্বয়ের কথোপকথন

সরলা— সন্ধ্যা যে হয়ে এল আনিতে জল  
বাইবি যদি তবে ত্বরিতে চল ।  
দেখনা চেয়ে ভাই, আর ত' বেলা নাই,  
কলসী লয়ে বোন, চল লো চল ।  
সকলে চলে গেল আমরা একা,  
কেমনে বাইব বল, পথ যে বেঁকা,  
মাঝে অশ্বখ বন, ছেয়ে রয়েছে ঘন,  
এখনি হইবে যে অধারে ঢাকা  
কেমনে মোরা দৌছে আসিব একা ?

বিমলা— কেনলো তুই সরি, করিস্ তাড়াতাড়ি,  
এখনো বেলা আছে ভাবনা নাই,  
যদি বা বেলা যায়, ভয় কি আছে তায়,  
আমরা শুধু দুটি একা ত' নই ।  
সুশীলা সরসীকে, বিনিকে লয়ে ডেকে,  
বাইব পাঁচজনে, ভয় ত' নাই  
এতই তাড়াতাড়ি কেনলো ভাই ?  
হইবে ভাল সেত পড়িলে বেলা,  
দেখিব পথে যেতে, কিরূপ গোধুলিতে,  
প্রকৃতি খুলেছে লো রূপের মেলা ।

পাড়ার ছেলগণ, হর্ষে হয়ে মগন,  
কেমন মাঠে সবে করিছে খেলা,  
এতই ভয় কেন, সাক্ষী বেলা ।

সুজ্জি ধীরপদে, চলেছে অস্তপথে,  
পশ্চিম আকাশেতে শোভা কেমন,  
ববির লাল কর, বিটপী শিরোপর,  
পড়েছে দেখিব লো হেন বরণ ।

সেজেছে কিবা তায়, মুঢ়ল সাক্ষ্য বায়,  
পরশে পাতাগুলি নড়ে কেমন ।

দু'ধারে ভরুরাজি, নানা কুসুমে সাজি,  
রাজিছে হেরিব লো, মোরা কেমন ।  
দেখিয়া হব সবে হর্ষে মগন ।

পাখীরা ছিল যত দূর প্রবাসে,  
সন্ধ্যা আগত দেখে, তাহার মন সুখে,  
ফিরিছে কলরবে নিজ আবাসে,  
গাহিছে গান কিবা মন হরষে ।

আনন্দে ভরপুর, পঞ্চমে ছেড়ে সুর,  
মোরাও গা'ব গান কত উল্লাসে ।

পথের ডানধারে দীঘির কাছে,  
শ্রামল শস্যপূর্ণ মাঠ যে আছে,  
আমরা যেতে যেতে, দেখিব লো তাহাতে,  
এখন কিবা শোভা হয়ে রয়েছে,

নধর শীষগুলি, বাতাসে হেলি ছলি,  
যেন লো কত রঙ্গে খেলা করিছে ।

তা দেখে দূর হ'তে,                      বোধ হয় মনেতে,

হরিত সমুদ্রেতে ঢেউ বহিছে ।

উপরে তার পুন,                      পড়ে ভানু কিরণ,

দ্বিগুণ শোভা যেন হয়ে রয়েছে ।

দেখিব সবে মোরা দীঘিতে গিয়ে,

রয়েছে পদ্য কত শোভা করিয়ে ।

দীঘির কাল জলে,                      আমরা সবে মিলে-

নামিব, শিলাতটে কলসী রাখিয়ে ;

হইবে নিরিখিলি,                      তখন সবে মিলি,

করিব জলকেলী সঁতার দিয়ে ।

দীঘির স্বচ্ছ জলে,                      তখন সঁতারিলে,

কতই সুখ ভাট হবে হৃদয়ে ।

ফুটন্ত পদ্যগুলি,                      অঁচল ভ'রে তুলি,

লহয়ে যাব, দিব সত্বকে গিয়ে ।

কতই হ'বে খসী সে তা' পেয়ে ।

সরলা—                      সইলো কি বলিস্, বুকিতে নারি,

হয়েছে তো'র দেখি সাহস ভারি !

কোথা যে সে শ্যাম মাঠ,                      কোথা বা দীঘির ঘাট,

ফেলিবে যেতে যেতে অঁধারে ঘেরি ।

সঁঝের আলোটুকু যাইবে নিবে,

অঁধারেতে তখন,                      কি ক'রে বল বোন্,

সঁতার দিয়ে জলে, পদ্য তুলিবে ?

কেমনে বল ঘরে,                      আসিব সবে ফিরে,

ছঁধারে বৃক্ষ ছায় অঁধার হবে ।



একেত বেঁকা পথ,                      তাতে সেই অশ্বখ,  
 পথের মাঝখানে দাঁড়িয়ে ঘন,  
 দিবাতেই অঁধার,                      তাতে সঁঝে আবার.  
 আরো ঘোর অঁধারে পূরিবে বন,  
 পথ না দেখা যাবে,                      মরিব ভয়ে সবে.  
 কি ক'রে আসিব লো ফিরে তখন ।

বিমলা—                      কেন লো এত ভয় করিস্ ভাই,  
 এখনি চাঁদ যে রে,                      উঠবে তরু শিরে.  
 মরিবে উঁকি, তা'কি মনেতে নাই,  
 অঁধার যাবে দূরে,                      বন যে যাবে পূবে.  
 নিম্মল চন্দ্রানোকে শোভা কতট,  
 হেরিব ফিরে পুন,                      নব নব রকম,  
 মনে আনন্দ কত হইবে ভাই ।

ফিরিব যবে গেছে দেখিব কত,  
 ষুঁই ঝাংগি মল্লিকা,                      মালতি শেফালিকা,  
 দুধারে শোভা করে ফুটেছে শত ।  
 বিমল শ্বেত আভা,                      ছড়িয়ে আছে শোভা,  
 দেখে মন পুলকে হ'বে পূর্ণিত ।  
 সঁঝের বায়ু ব'বে,                      তার সাথে সৌরভে,  
 হইবে আমোদিত সব দিগন্ত ।  
 এক দুই করিয়া,                      তারা সব গুণিয়া,  
 হইব মোরা সবে গেছে আগত ।



আমি লেপ মুড়ে শুয়ে,                      ক্ষুদ্র বাতায়ন দিয়ে,  
 দেখিতেছি ক্ষুদ্র বারি কণা,  
 চেয়ে চেয়ে দেখে শেষে,                      উদয় হইল এসে,  
 মন মাঝে কতই ভাবনা ।

সুদূর স্বপন মত,                                      শৈশবের কথা কত,  
 একে একে জেগে উঠে মনে,  
 মাথা মুগ্ধ কত কি যে,                                      এসে পুনঃ ধায় মিশে,  
 ছোট ছোট বারি বিন্দু সনে ।

## কবি ও কল্পনা

কাননেতে ফুটে কত ফুল রাশি রাশি,  
 সুবিমল শনী শোভে পূর্ণিমা নিশিথে,  
 নিলাস্বরে শোভা পায় তারকার হাসী,  
 ফুল কমলিনী কিবা শোভিতা সরেতে ।

বসন্তের শোভা হয় মেহুর সমীর,  
 মেঘ কোলে শোভা পায় চঞ্চলা দামিনী,  
 বিরহী জনের শোভা নরনের নীর,  
 চন্দ্রমা আলোকে কিবা শোভিতা ধরণী ।



কেশ গুচ্ছগুলি,                      চুমিতেছে ধূলি,  
 দেখিয়াও নাহি দেখে তায়  
 এতই কি ব্যথা                      বাজিল পরাণে  
 তাই খেলা ছাড়িয়ে পালায় ?

হা কপাল! একি,                      হায়! এ যে দোষি.  
 আমাদের সামনে স্মীলা ;  
 যতনের ধন,                      আজিকে এমন,  
 নিষ্ঠুর কে করিয়াছে খেলা ।

অবোধ অজানা,                      কিছুই জানে না,  
 স্মধু সে যে খেলাতেই রত ;  
 লাজে নত মুখী,                      সদা আছে স্মধী,  
 বুঝেনা কিছুই হিতাহিত ।

স্মধু আচম্বিতে,                      পরিজনদের,  
 উচ্চ রোদন শুনিয়া হায় ;  
 ছাড়ি খেলা ধূলি,                      গিয়া নিরিবিলি,  
 ক্রন্দন করিছে উভয়ার ।

হা বৎসে স্মীলে !                      কি হ'লরে তোর  
 কিছুই ত' বুঝ নাই ওরে ;  
 ভাসিলি বাছারে,                      অকূল পাথারে,  
 চির জীবনের তরে ।

না হইতে বেলা,                      সাজ হ'ল খেলা,  
 স্মধু আশা যত ফুরাইল ;  
 দিবা দ্বিপ্রহরে                      অকস্মাৎ হায়,  
 চারিদিক অধারে ঘেরিল :



আশার কুহকে পড়ি এত দিন,  
    রোপেছিছু যেই ক্ষুদ্র লতা ;  
সময়ের কালস্রোতে হায়,  
    এত দিনে বৃষ্টি হ'ল মৃত্যু ।

৪

আশার ছলনে মগন হইয়ে,  
    শূন্যাকাশে বিচিত্র ভবন,  
রচেছিছু কতই যতনে,  
    শেষে হায় হইল পতন ।

৫

এতদিন সঙ্গিনী করিয়া  
    রাপিতাম কাছে সদা ঘারে  
সুধু যে সে কপটভাময়,  
    বুঝিলাম এত দিন পরে ।

৬

এত দিনে সব ফুরাইল  
    ছিল যত জীবনের আশ  
যতনে যে রচেছিছু হায়,  
    ভাবিল সে সুখের আবাস ।

## প্রবাস পত্র

( ভোজপুর হাউস, ডোঁমরাও )

হেথা আসিবার কালে                      বার বার বলে ছিলে  
লিখিবারে ছত্র দুই চারি,  
কল্প ভাই, হেথা এসে,                      নিঃস্মরণ বসে বসে,  
হইরাছে বড় পায়াল ভারি ।

কুণ্ডে যে হয়েছি ভাই ;                      সেই হেতু পারি নাই  
এতদিন কিছুই লিখিতে,  
চেয়েছিলে পইটিরি,                      সে সকল জারি জুরি,  
এখানেতে পারিনা খাটাতে ।

কি পইটি লিখিব ভাই,                      ভেবে ত কিছু না পাই,  
লিখিবার দেখিত সকলি,  
কোনটা লিখিব ভাই,                      কাহারো পাই না পাই ;  
লগু ভগু হয় যে কেবলি ।

• যদি বা পাইলু কিছু,                      অমনই পিছু পিছু  
লিলী \* আসি বাধায় যে গোল ।  
ছেলেদের কিচিমিচি,                      ভাইবোনে খিচিমিচি  
উঠ্চে সদা ক্রন্দনের রোল ।

\* কল্প ।



তাক্ত হতে হয় মনে,                      পইটিরি সে কারণে  
 কিছু ভাই করিতে না পারি :  
 এই সব কারণেত,                      তোমাকে ভাই পত্র দিতে  
 বিলম্ব বে হয়ে গেল ভারি ।

হেথাকার বিবরণ,                      শুনিতে ইচ্ছুক মন,  
 লিপিতেছি তাই সে কারণে,  
 আশাদের ভবনাটি                      অতিশয় পরিপাটি  
 আছে অতি রমণীয় স্থানে ।

সম্মুখে সুন্দর মাঠ,                      ধরে কত মত ঠাট  
 বরষায় নদীর সমান ;  
 স্রোত বহে জল চলে,                      ততুপরি নৌকা চলে,  
 মানি ভায় সুখে করে গান ।

বর্ষা অন্তে পুনরায়,                      শুষ্ক ভূমি হয়ে যায়,  
 চাষীগণ সুখে করে চাষ ;  
 সে সময়ে অতুলন,                      শোভা দেখি মুগ্ধ মন,  
 বেড়াইতে অতীব উল্লাস ।

মাঝে মাঝে কি বাহার,                      দেখিবারে চমৎকার  
 ভূমি ভেদি উঠিতেছে জল,  
 সে দৃশ্য দেখিয়া ভাই,                      মুগ্ধ হয়ে ভাবি শাই,  
 বিধাতার আশ্চর্য্য কোশল ।

এ দিকেতে তিনধারে,                      পাট শন আদি করে ,  
 নানাবিধ শস্য শোভা পায়,  
 সন্ধ্যায় প্রকৃতি শোভা,                      হয় অতি মন লোভা,  
 তাহা দেখি মন মুগ্ধ হয় ।

সম্মুখেতে মাঠ জল,                      অন্য দিকে শস্য স্থল,  
 মাঝখানে সুধু আমরাই,  
 বনের মধ্যেতে যেন,                      আছি মনে হয় হেন,  
 বসতি যে অন্য কাছে নাই ।

এমন নিরঞ্জন স্থান,                      ভাবুক জনের প্রাণ,  
 উল্লাসেতে হয় যে মগন,  
 কবির কল্পনা সনে,                      বসে এই নিরঞ্জে  
 করে কত মিষ্ট আলাপন ।

## দেখিতে পারেনা

বিধাতার একি বিড়ম্বনা,  
 মন যারে চায়,                      অঁাখি নাহি পায়,  
 হ'ল একি দায়, কি ধোর যাতনা ।  
 লিচ্ছা সদা করে,                      দেখি অঁাখি ভ'রে,  
 নিঠুর সে জন দেখা ত দেয় না ।  
 ক্ষণেকের দেখা,                      বিদ্যাতের রেখা,  
 পোড়া মন যে গো তাতেত বোঝে না ।

আমি যারে চাই,                      সে কেন সদাই,  
 আমা হ'তে দূরে থাকিতে চায় ?  
 মুহূর্তেক তরে,                      যদি এল ঘরে,  
 ছুতা নাগা ধ'রে অমনি পলায় ।

আমি মরি পুড়ে,                      চাহেনা সে ফিরে,  
 মোর দুঃখ যোগো দেখেও দেখে না ।  
 মরি যার তরে,                      প্রাণপণ করে,  
 বুঝি বা সে মোরে, দেখিতে পারে না ।

## অমিয়া

একরত্তি মেয়ে তুঠ সেদিনকার মানি,  
 কোথা হ'তে এত খেলা শিখিলি না জানি  
 দেখিয়া এ খেলা তোর,  
 আকুল পরাণ মোর,  
 কি মোহ মদিরা প্রাণে দিয়াছিস ঢালি ।  
 এরি মধ্যে এত খেলা কোথায় শিখিলি ?

\* প্রথম কণ্ঠা

সে দিনের কথা, সেত বহুদিন নয়,  
 একরত্তি ছিলি, শুধু জড় পিণ্ডময় ।  
 এরি মধ্যে এত কথা,  
 এত মিষ্ট সরলতা,  
 কত রঙ্গ কত খেলা কত বাহাদুরী,  
 সেদিনকার মেয়ে, তোর এত জারিজুরী ।

৩

নিতান্ত শিশুটি বলে দাদারা তোমার,  
 করিতে চায় না তোরে সাথি খেলবার ।  
 তুমি তা' না শুনি ওরে,  
 “না না আমি বাব” ক’রে  
 ছুটে ছুটে বাও সাথে, তাহারা তখন  
 সাদরে ডাকিয়া কাছে করয়ে গ্রহণ ।

৪

একটুকু মেয়ে তুমি জান কত ছল,  
 “ও বাবা ঐ বাব” বলি ভয়েতে বিহ্বল,  
 মিছামিছি ছুটে এসে,  
 গলা ধরি হেসে হেসে,  
 চুম খেয়ে খেলিবারে পুনঃ বাও চলি,  
 তোর রঙ্গ দেখি সবে হাসিয়া আকুলি ।

৫

অমিয়া ! অমিয়ময় কথাগুলি তোর,  
 শুনিয়া পরাণ হয় আনন্দে বিভোর ।

আধ আধ ভাঙ্গা বুলি,  
 “আদা আম আম” বলি,  
 দিদিমার পাখীটিরে যখন পড়াও,  
 কি অমিয় ঢেলে কাণে তখন রে দাও ।

৬

কে তোরে শিখালে বল হেন মিষ্ট কথা,  
 কোথায় শিখিলি তুই হেন সরলতা ।  
 তোর ও কথার কাছে,  
 তুলনা কিছু কি আছে,  
 মধুর বীণার ধ্বনি, বসন্ত বাহার --  
 তোর ও কথার কাছে সকলই ছার ।

## তারে ভুলিব কেমনে ? \*

তারে ভুলিব কেমনে ?  
 দ্বাধারে পাবার তরে,                      ছিঁচু কত আশা করে,  
 ভাগ্যক্রমে সেই আশা হইল পূরণ,  
 পাইলু রতন আমি মনের মতন ।  
 দিয়ে বিধি, পুনরায়                      তারে কেড়ে নিলে হার !  
 হারাইলু পেয়ে আমি সে হেন রতনে ।  
 তারে ভুলিব কেমনে ?

\* “কান্ত”

তারে ভুলব কেমনে ?

পেয়ে যায়ে ক্ষণ তরে,                      চক্ষুর অন্তর ক'রে,

রাখিবারে নারিতাম, সে হেন রতন,

জনমের মত আমি দিখু বিসর্জন ।

তার সে অন্তিম মুখ,                      মনে ক'রে কাটে বুক,

হেরিতে পাবনা আর তারে এ জীবনে ।

তারে ভুলি কেমনে ?

তারে ভুলিব কেমনে ?

কমল কোরক জিনি,                      তাহার সে মুখখানি,

ইচ্ছা হয় বুক করে রেখেদি যতনে ;

সারাদিন চুম খাই, সে চাঁদ বদনে ।

কিন্তু এ জীবনে ছায়,                      দেখিতে পাবনা তার-

সে সুন্দর মুখখানি সদা পড়ে মনে,

তারে ভুলিব কেমনে ?

তারে ভুলিব কেমনে ?

কতই যাতনা সরে,                      গিয়াছে সে পলাইয়ে,

সে যাতনা মনে হলে বুক ফেটে যায় ;

বলনা কি করে আমি ভুলিব তাহায় ?

ভুলিতে কি পারি তারে,                      হৃদয়ের সুরে সুরে,

গাঁথা সে যে, যতদিন বাঁচিব জীবনে ।

তারে ভুলিব কেমনে ?

তাঁরে ভুলিব কেমনে ?

দয়াময় দয়া ক'রে,                      হেন ধন দিয়া করে,

নিদয় হইয়া পুনঃ নিলেন কাড়িয়া,

নে ধন হইয়ে হারা ফেটে যায় হিয়া ।

পুণিয়ার শশী সম,                      সে যে মুখ নিকুপম,

অকালে করাল বাত হরিল সে ধনে ।

তাঁরে ভুলিব কেমনে ?

তাঁরে ভুলিব কেমনে ?

পূবব জনমে নম,                      বছিল বুঝি কোন পূণ্য,

তাই পেয়েছিল এক কনক কমল,

তৈথাকার মাটি কিন্তু, নহেক সরল ।

• কঠিন মাটির লোমে,                      বাড়িতে পেলোনা শেষে,

তাই সে সাধেব ফুল মুকুলে শুকাল ।

( তাঁরে ) ভুলিব কেমনে বল ?

## সে যে স্বরগের ফুল \*

সে যে স্বরগের ফুল,

কিবা রূপ মনোহর শোভায় অতুল ।

কি জানি কিসের তরে                      অমর উদ্যান ছেড়ে,

এসে এই ধরা'পরে হঠল মুকুল,

হায় ! সে যে পারিজাত ফুল ।

সে যে পারিজাত ফুল,

বুঝি কোন্ দেববাণী করি মহা ভুল,

কুসুমটি হাতে করে,                      ফেলোছিল ধরা'পরে,

তাই সে এখানে পড়ে হঠল মুকুল,

জনমিল ধরাতে পারিজাত ফুল !

মন্দার কুসুম যে সে,

মর্ত্যের উদ্যানে ভুলে জনমিল এসে ;

যে ফুল ত্রিদিবে রাজে,                      তাহা কি মরতে সাজে,

দেবগণ দেখিবারে পাইলেন শেষে !

মন্দার কুসুম যে সে ।

মর্ত্যে স্বরগের ফুল

দেখিয়া দেবভাগণ হলেন আকুল !

একদিন নিশাশেষে,                      ছিন্তু আমি নিদ্রাবেশে,

সে সময় গুপ্তবেশে আসি দেবকুল !

ছিঁড়ে লয়ে গেল মোর সাধের মুকুল !

সে যে স্বরগের ফুল !



সে যে স্বরগের ফুল,

কি মোহের ঘোরে মোর হয়েছিল ভুল,  
চিনিতে নারিছু তায়, যতনে রাখিছু হায় !

( কিন্তু ) দেবগণ লয়ে তারে গেল সুরপুর,  
অভাগী হৃদয় হায় করেগেল চুর !

সে যে স্বরগের ফুল

\* খোকা 'কানু'

## খোকার বিয়োগে \*

১

খোকা গেল কোন খানে,  
আমি আছি শূন্য প্রাণে,  
এখন (ও) সে ফিরিলনা ঘরে,  
আখি মোর ঝরে তার তরে ।

২

এতখানি বেলা হ'ল,  
খোকা মোর কোথা গেল ?  
ছধ পিয়াবার হয়েছে সময়,  
না হেরিয়া তারে বিদরে হৃদয় ।

৩

ক্ষুধা পেলে কচি ছেলে,  
সময়ে না খেতে পেলে,  
কেঁদে কেঁদে তার গলা শুকাইবে !  
তারে কে আমার কাছে এনে দিবে ।

৪

ক্রমে যে রজনী এল,  
ধরণী আঁধার হ'ল,  
ঘুমাবার তার সময় হয়েছে,  
এ সময় খোকা কোথায় রয়েছে ?

৫

শূন্য শয্যা পড়ে আছে,  
খোকা কিসে ঘুমাতেছে,  
মোর কাছে খোকা আসিয়া কখন,  
শূন্য বছানায় করিবে শয়ন !

৬

শূন্য কোলে আছি বসে,  
কখন সে কাছে এসে,  
শূন্য কোল মোর করিবে পূরণ  
কোলে লয়ে তার চুম্বিত বদন

৭

খোকায় বিহনে ছায়,  
হৃদয় শতধা হয়,  
কখন তাহারে দেখিতে পাইব,  
বুকে লয়ে দক্ষ হৃদয় জুড়াব ।

৮

আসিছে আসিছে করে,  
 রিঁচিয়াছি আশা করে ;  
 দশমাস হ'ল আজ (ও) ত এলনা ;  
 তবে কি সে ফিরে আর আসিবেনা ?

৯

খে যায় সে চিরতরে  
 যায় কি ? আসেনা ফিরে ?  
 তবে কি আমার আশা পূরিবেনা ?  
 এ জীবনে তাকে দেখিতে পাবনা ?

১০

দিন যায় পুনঃ আসে,  
 মাস যায় মাস আসে,  
 বৎসর ফিরিয়া আসে পুনরায়,  
 তবে কেন খোকা না আসিবে ছায় ।

১১

সূর্য্য ডুবে পুনঃ আসে,  
 পুনঃ শশী নভে ভাসে,  
 হৃদয়ের পূর্ণ শশী সে আমার  
 তবে কেন নাহি আসিছে আবার ।

১২

শরৎ আসে বর্ষা শেষে  
 পুনঃ ফিরে শীত আসে,  
 শীত অস্তে পুনঃ বসন্ত হামিল,  
 কিন্তু ছায় ! মোর খোকা না আসিল ।

হায়রে অবোধ মন,  
 কেন আশা অকারণ ?  
 সে যে গেছে চলি অনন্ত সদন,  
 সেথা হ'তে কেহ ফিরে কি কখন ?

## প্রার্থনা

হৃদয় বেদনা ভার  
 সহিতে না পারি আর ,  
 আসিয়াছি তব দ্বারে ওহে দয়াময় ।  
 তোমা বিনা কেবা আর  
 ঘুচাবে হৃদয় ভার ?  
 তাই গো তোমারে ডাকি করিয়া বিনয়  
 তুমি দেব অন্তর্যামী ;  
 শরণ লইলু আমি,  
 কাতরে করুণা কর করুণা নিদান,  
 শোকাগ্নিতে নিরবধি,  
 শতধা হতেছে হৃদি,  
 কৃপাকরি করদেব শান্তিবারি দান ।

তুমি দেব দয়া ক'রে,  
 দিয়াছিলে মম করে,  
 সুখ দরশন এক অমল্য রতন :  
 দিয়া কেন পুনরায়,  
 তারে কেড়ে নিলে হায়  
 গুঞ্জিয়া না পাই আমি উহার কারণ  
 পিতামাতা যাগ করে,  
 সন্তানের ভাল তরে,  
 তোমার করুণা কত অভাগীর প্রতি :  
 তুমি দেব যা কবিবে,  
 তাতে মোর ভাল হ'বে,  
 এই জানি, অকু নাছি বৃদ্ধি এক রতি ।  
 কিহু এই অনুপম  
 স্নেহের শিশুরে মম,  
 ডাকিয়া লইলে দেব, মোর কাছ হ'তে  
 উহাতে আমার তাত ।  
 কি ভাল হইল তা'ত  
 একটুও আমি নাছি পারিহু বৃদ্ধিতে ।  
 পরমেশ ! তবদেশে  
 নর আসে নর দেশে,  
 তোমারি আদেশে পুনঃ যায় স্বর্গধামে :  
 যে কার্য সাধন তরে,  
 আসে নর মর্ত্য 'পরে,  
 সে কার্য সাধিয়া যায় অমর ভবনে ।

## পারিজাত

কিছু এই ক্ষুদ্রকায়  
 দুমাসের শিশু হয়,  
 কি কার্য সাধিয়া গেল বৃদ্ধিতে না পারি,  
 অভাগা মায়ের তা'র  
 জদি করি চুরমার  
 চলি গেল, সেই কাজ ছিল কি তাহারি ?

তুমি প্রভো সব দাও,  
 তুমি পুনঃ কেড়ে লও,  
 সুখ দুঃখ যাহা কিছু তোমারি বিধান ;  
 সে সুন্দর শিশুটির,  
 তুমি দিয়াছিলে মোরে,  
 তুমিই আবার নিলে তার ক্ষুদ্র প্রাণ ।

কিছু আমি অভাগিনী,  
 হারাইয়ে সেই মণি,  
 কাঁদিতেছি অবিরত পাগলিনী প্রায়,  
 ধৈর্য্য নাহি মানে প্রাণ,  
 সর্বদাষ্ট আন চান,  
 কি করিব দীনবন্ধো ! কি হবে উপায় ?

কে বুঝিবে মোর কথা,  
 কে ঘুচাবে মম ব্যথা,  
 দূর করে হেন জ্বালা সাধ্য আছে কার ?  
 (এষে) সাধ্যাতীত মানবের,  
 আছে শুধু তাহাদের,  
 ভাঙ্গা সুরে দ'চারিটি কথা সাধনার ।

তাইতে হে আশা ক'রে,  
 আসিয়াছি তব দ্বারে,  
 তুমিই জ্বলেছ হৃদে দারুণ অনল :  
 হেন শক্তি দাও প্রভো !  
 যা' দিবে সহিব সব,  
 এ অনল সহিবারে মনে দাও বল ।

অনুযায়ী তব নাম,  
 পূর্ণ কর মনস্কাম,  
 কিছুত অজ্ঞাত নাই নিকটে তোমার,  
 মনে বাহ্য করি আশ,  
 আসিয়াছি তব পাশ'  
 সেই আশা পূর্ণ যেন হয় হে আমার ।

## নিদ্রার প্রতি

এস এস অয়ি নিদ্রে বিরাম দায়িনী,  
 উকি ঝুকি মার কেন অন্তরাল হ'তে ?  
 বহুদিন তব সনে আলাপ করিনি,  
 তাই কি হতেছে ভয় নিকটে আসিতে ?

ভয় নাই নিকটেতে এসলো স্বজনী,  
 ছিল এক বড় বোঝা বুকের উপরে ;  
 তাইতে তোমার কিবা দিবস রজনী,  
 আসিতে দিইনি কাছে ক্ষণেকের তরে ।

একমাস তব সনে মন্দ ব্যবহার  
 করিয়াছি কত, তুমি কাছে এলে পরে,  
 তাড়িয়ে দিয়াছি দূরে, তাই কি তোমার  
 হইয়াছে অভিমান ? দাঁড়ায়েছ দূরে ?

এখন সে বোঝা যে গো গিয়াছে নামিয়া  
 বুক হ'তে, এবে আমি সদা সর্বক্ষণ,  
 কাজ নাই আছি বসে নিশ্চিত হইয়া,  
 তোমার চিন্তায় সুধু আছি নিমগন ।

নির্ভয়ে আসিয়া মম নয়ন মন্দিরে,  
 বস সপি, তাড়াবনা, পূজিব যতনে,  
 যতনে ডাকিছি এসে বস ধীরে ধীরে  
 অচেতনে রব তব কোমল স্পর্শনে ।

তাপিত প্রাণের তুমি শান্তি প্রদায়িনী,  
 বড়ই তাপেতে মোর পুড়িছে হৃদয়,  
 এস এস অয়ি সপি সস্তাপ নাশিনী,  
 এসে স্নানীতল মোরে কর এ সময় ।



## মিত্র বিয়োগ

অহো ! একি শুনি কাণে,  
বিষম বাজিল প্রাণে,  
রমেশ বিচারপতি নাহি এ ধরায় ।  
জীবকুল নিশ্চয়ন,  
নিষ্ঠুর পামর যম,  
অকালে সে বঙ্গ রত্নে হরিয়াছে হায় ।

রমেশ বিহনে আজ,  
অন্ধকার বঙ্গমাঝ,  
বঙ্গের গৌরব রবি তিমিরে ডুবিলা ;  
হায় ! কাল কি করিলি ?  
কাহারে হরিয়া নিলি ?  
বঙ্গভূমি আজি ঘোর বিষাদে ভরিল ।

আহা মাগো বঙ্গভূমি,  
চির হতভাগ্য তুমি,  
এই কি জননী ! তব ললাট লিখন ?  
যত সব সুসন্তান,  
গর্ভে দিয়াছিলে স্থান,  
একে একে সকলেই করে পলায়ন ।

তব দুঃখ নিশা মাতঃ  
 আর কি হ'বে প্রভাত ?  
 যে রতন হারাইয়ে হয়েছ হতাশ,  
 সে রতন পুনরায়,  
 ফিরে কি আসিবে হায়,  
 উজলিবে পুনঃ তব হৃদয়-আকাশ ?

ছিলে রত্ন প্রসবিনী,  
 এখন যে কাঙ্ক্ষালিনী,  
 কাহারে লইয়ে গর্ভ করিবে ধরায় ?  
 যে সব অমূল্য নিধি,  
 তোমাতে দিলেন বিধি,  
 লইলেন একে একে হরি পুনরায় ।

ওহে গর্ভগুণাকর মিত্র মহাশয়  
 এত দিন পরে আজ  
 ফুরাল মর্ত্যের কাজ,  
 তাই কি চলিয়া গেলে ত্রিদিব আলয় ?

ধরাধাম পরিহরি,  
 লভিবারে সে শ্রীহরি,  
 'তুমি ত চলিলে দেব ! হৃদয় তবন ।  
 দেখ চেয়ে একবার,  
 তব প্রিয় পরিবার,  
 আকুল পরাণে কত করিছে রোদন ।

জজের রমণী হায় !  
 আজি অনাধিনী প্রায়,  
 সহিছেন মর্মভেদী অসীম যাতনা ।  
 তব পুত্র কণ্ঠা ষত,  
 কাঁদিতেছে অবিরত,  
 কে করিবে বল দেব ! তাদের সাধনা ?

তোমার গুণের তরে,  
 সকলেরই আঁধি করে,  
 হাহাকারময় আজি সমগ্র ভারত ।  
 বিহঙ্গ ছেড়েছে গান,  
 নাহি আর মিশ্র তান,  
 প্রকৃতি রষ্টির ছলে কাঁদে অবিরত ।

এ নহে বরষা ধারা,  
 প্রকৃতি কাঁদিয়া সারা,  
 তোমা হেন রক্ত আজি দিরা বিসর্জন !  
 মোরা অতি মন্দমতি,  
 তাহিতে হে মহামতি,  
 অসময়ে হারাইল এ হেন রতন ।

## স্বর্গারোহণ

যে কার্য সাধিতে, ওহে মিত্রবর !

এসেছিলে মরদেশ,

প্রাণপণ ক'রে, করিলে সাধন

আজি তা'র হ'ল শেষ ।

হেথাকার কার্য, করিয়া সাধন

চলিলে অমরালয়,

সাদরে তোমায়, ডাকেন ঈশ্বর

“আয়রে রমেশ আয়” ।

সংসারের লীলা, সাজ হ'ল তব

এসরে ত্রিদিবালয়ে,

তোমার কারণ, সুরবাসীগণ—

আছে আশাপথ চেয়ে ।

দেবদূত তোমা' লইবার তরে

স্বরগ তোরণ দ্বারে,

পুষ্পরথ লয়ে, আছে দাঁড়াইয়ে,

উঠছে আনন্দ ভরে ।

তব আগমনে, স্বরপুরে আজি

উঠেছে আনন্দ হাসি,

মন্দারের ফুল, ফুটিয়া উঠেছে

শত শোভা পরকাশি ।

কুলু কুলু রবে, ছুটে মন্দাকিনী  
 ছকুল উছলি উঠে,  
 কুসুম সুবাস, লইয়া সুধীরে,  
 মলয় সমীর ছুটে ।

দীপ লয়ে হাতে, দিগঙ্গনা দল,  
 ছায়ে দাড়ায়ে আছে,  
 সকলের হাতে, পারিজাত মালা,  
 চন্দন কাহারো কাছে ।

সুরবৃন্দ যত, আছেন দাড়ায়ে,  
 হাতে পারিজাত মালা,  
 সাজাতে তোমায়, উৎসুক সকলে,  
 যতেক অঙ্গরাবালা ।

গাহিছে তোমার, আবাহন গীতি,  
 ধরিত্রী পূরবী তান,  
 দিগন্ত ব্যাপিয়া, উঠিছে সে ধ্বনি,  
 কিবা সুমধুর গান ।

যাও যাও দেব, দেবগণ সনে,  
 বস গিয়া সিংহাসনে,  
 চিরকাল তথা, বাস কর সুখে  
 দেব দেবীগণ সনে ।

হেথায় ঈশ্বর, তব দারা স্ততে  
 করিবেন শাস্তি দান,  
 কালেতে সবার, শোক তাপ যত  
 ক্রমে হবে অবসান ।

# আগমনী

১

এস মাগো শ্বেতভূজে, বাণী বীণাপাণি  
শ্বেত পদ্মাসনা দেবী, আনন্দরূপিনী ।  
আপনি প্রকৃতি রাণী,  
পূজিতে ও পা দুখানি,  
সাজিয়েছে সুমোহন সাজেতে ধরণী,  
এস অয়ি শ্বেতভূজে ! কমলবাসিনী ;

২

পিককুল হৃষ্টমনে করে হ্রলুধ্বনি,  
বিহঙ্গমগণ গাহে তব আগমনী ।  
নির্মল আকাশ খালে,  
কনক প্রদীপ জ্বলে,  
আপনি শশাঙ্ক তোমা করিছে আরতি,  
সুসুপ্ত ভারতে আজ এস মা ভারতি ।

৩

নানাবিধ ফুলকুল ফুটিয়া উঠানে,  
দিতেছে অঞ্জলি তব যুগল চরণে ।  
অলি গুণ গুণ স্বরে,  
তব গুণ গান করে,  
মলয় সমীর করে চামর ব্যজন,  
আজি যে ভারতে তব শুভ আগমন ।

৪

দারুণ দুর্ভিক্ষে, রোগে, ভীষণ বন্যায়  
তোমার সন্তানগণ আছে মৃতপ্রায়,  
গৃহে কারো অন্ন নাই,  
শরীরে সামর্থ্য নাই,  
তোমারে পূজিতে নাহি কোন উপচার,  
কি দিগে পূজিবে মাগো চরণ তোমার ?

৫

যদিও সন্তানগণ তব দীন হীন,  
তথাপিও তারা তব ভক্ত চিরদিন ।  
যার যা শক্তি আছে,  
এনেছে তোমার কাছে,  
পূজিতে তোমার মাগো ও রাজা চরণ,  
দীনদের পূজা দেবী করগো গ্রহণ ।

৬

বালক বালিকাগণ পুলক অস্তরে,  
রাতুল চরণ তব পূজিবার তরে,  
প্রাতে উঠি ফুল মনে,  
তুলি ফুল সযতনে,  
ফুল বিঘ্নপত্র লয়ে সাজাইয়া ডালি,  
ভক্তি ভরে তব পদে দিতেছে অঞ্জলি

৭

ভক্তের বাসনা দেবী করগো পূরণ,  
সন্তানগণেরে দেহ আশীষ বচন ।

হে ভারতি, তব ঠাই,  
 আমি এই ভিক্ষা চাই,  
 যেন গো জননী তব পুত্র কণ্ঠাগণ,  
 তোমার সেবায় রত থাকে আজীবন !

## শরতে

এই ত আবার ফিরে দেখিতে দেখিতে,  
 সুখদ শরৎ ঋতু আসিল ধরায় ;  
 উদিল শারদ শশী তারাগণ সাথে,  
 মেঘমুক্ত নিরমল নীলাকাশ গায় । ১

নিবিড় নীরদ রাশি ভেদিয়া আবার,  
 শত রশ্মি প্রকাশিয়ে উঠে দিনমণি ;  
 সুদূর অক্ষরে পুনঃ হেরি দিবাকর,  
 নিশ্চল সলিলে হাসে ফুল কমলিনী । ২

আবার ছাইল ধরা শুভ্র জ্যোছনায়,  
 শশাঙ্ক উদ্ভিত দেখি নিশ্চল অক্ষরে,  
 কুমুদিনী হাস্যমুখে উর্ধ্বপানে চায়,  
 দিবা ভ্রমে বিহঙ্গম কলরব করে । ৩



দিবসেতে দিনমণি শোভে নীলাশ্বরে,  
 নিশিতে নির্মল শশী নভে শোভা পায় :  
 চারিদিকে তারাগণ শোভে থরে থরে,  
 শরতে আবার শোভা হয়েছে ধরায় । ৪

সানন্দে প্রকৃতি রাণী সাজিল আবার,  
 করবী কলিকা আদি কুমুম ভূষণে ;  
 সেফালিকা বুরু বুরু পড়ে অনিবার,  
 ( যেন ) আপনি দিতেছে ডালি প্রকৃতি চরণে । ৫

সেই আষাঢ়ের শেষে চলিয়া যে গেল,  
 বড় সাধনের ধন ‘সুনীল’\* আমার,  
 ঘুরিয়া শরৎ ঋতু চারিবার এল,  
 মোব সে নয়ন মণি আসিল না আর । ৬

\* “কান্ত”, ভাল নাম “সুনীল” ।

## রাণী \*

স্বর্গের শিশু তুই  
কেনরে কিসের তরে,  
স্বর্গ ছাড়িয়া এলি  
এ মর ভূমির 'পরে ?  
শান্তির আলয় সে যে  
সুখময় পূণ্য ভূমি ;  
সে হেন স্বর্গ ছাড়ি  
কেনরে এখানে তুমি ?  
তাপিত হিয়ায় মোর  
প্রদানিতে শান্তিবারি  
আসিলি কি রাণী, তুই  
সে সুখ ভবন ছাড়ি ?  
আজি দেড়বর্ষ ধরে  
আছি যে জীবন্তে মরে,  
তাই কি এলি মা তুই  
অভাগীরে দয়া করে ?  
শূন্য কোল পুরাইতে  
মুছাইতে আঁধি জল,  
ঈশ্বর কি পাঠালেন  
তোমাতে এ মহীতল ?

\* পঞ্চমী কণ্ঠা—ভাল নাম “শোভনা”, আর এক ডাক নাম “হাসি” ।

আজি কত দিন হতে  
ছিলাম উদাস প্রাণে  
তুই সে জাগালি মোরে  
স্বর্গীয় অমিয় দানে ।

শুধু মরুভূমে তুই  
বারিকণা দিলি ঢেলে,  
ভুলিয়াছি সে বাতনা  
রাণি ! তোরে পেয়ে কোলে ।

এসেছিম্ যদি, তবে  
যাস্নে আমারে ছেড়ে,  
যেনরে কাঁদিতে মোরে  
হয়না ভেমন করে ।

চির সুখে থাক, লয়ে  
ঈশ্বরের আশীর্বাদ ;  
হয় না জীবনে যেন  
কভু কোন পরমাদ ।

আয় তবে আয় রাণি !  
চুম খাই টাদ মুখে  
হৃদয় শীতল করি  
তোমা ধন লয়ে বুকে ।

## জন্মদিনের উপহার

ঈশ্বর রূপাময় আজ মাধুরী \* আমার,  
দশম বৎসর পূর্ণ হইল তোমার ।  
নানা বাধা বিঘ্ন বৎসে, অতিক্রম করি,  
এগারতে আজি তুমি পড়িলে মাধুরী ।  
বিভূর পদেতে প্রাণ করি সমর্পণ,  
সংসার কাননে বৎসে, কর বিচরণ ।  
সদা সত্য পথে চ'ল, ধর্ম্মে রেখ মতি,  
মন সুখে থেকে সদা, হও বিদ্যাবতী ।  
রূপের সমান গুণ ক'র উপার্জন,  
গুণ রমণীর হয় প্রধান ভূষণ ।  
গুণ না থাকিলে রূপ লয়ে কিবা হয়,  
কুরূপা যে, গুণে তার সবে তুষ্ট রয় ।  
উচ্চ কথা না কহিবে, নম্রশীলা হ'বে,  
পিতামাতা গুরুজনে ভক্তি করিবে ।  
গালি নাহি দিবে কভু দাস দাসীগণে,  
সদয় হইবে সদা দীন দুঃখী জনে ।  
আজি বাছা তব এই শুভ জন্মদিনে,  
কি দিব ভাবিয়া কিছু নাহি পাই মনে ।  
লও শুধু অন্তরের আশীষ আমার,  
যার লও তার সনে এই উপহার ।

\* মধ্যমা কন্ঠা, ডাক নাম কিটি ।

## ম্নেহ-উপহার \*

( ১২ই শ্রাবণ, ১৩০২ )

পোহাল রজনী আজি কিবা শুভক্ষণে,  
দেখিব নয়নে নব যুগল মিলন,  
বহুদিন হতে যেই আশা ছিল মনে,--  
ঈশ্বর রূপায় আজি হইল পূরণ।

জননী, ফেল না আর নয়ন আসার,  
নাতি তব বধুসনে আসিতেছে ঘরে,  
কি সুখের দিন আজ হ'য়েছে তোমার ;  
আশীষিয়া দৌছে, লও বধু কোলে ক'রে।

বিলম্ব ক'রনা বৌ, এস স্বরা করে,  
পুল্ল তব, বধু সনে আছে দাঁড়াইয়ে,  
বরণ করিয়া দৌছে বধু তুল ঘরে,  
আজ—জীবন সার্থক তব বধু নিরখিয়ে।

বৎস ছটি,  
আজ কি সুখের দিন বলিব কেমনে,  
তব বামে বধু দেখি জুড়াব নয়ন—  
বহুদিন হ'তে এই আশা ছিল মনে ;  
আজি সেই আশা তুই করিলি পূরণ।

\* “মোহিনী মোহনে”র বিবাহ, “চারুবালা” স্ত্রীর নাম, মোহিনীর  
ডাকনাম ‘ছটি’।

মেঘকোলে শোভা পায় যেমতি চপলা,  
শোভে যথা কাত্যায়নী শূলপাণী বামে,  
তেমনি তোমার পাশে হেরি চারুবালা,  
আনন্দ উথলে আজি আমাদের প্রাণে ।

আনন্দে গিয়েছি আজ হয়ে আত্মহারা,  
আশীর্বাদ করি আজ তাই প্রাণ পূরে ;  
চিরজীবী হয়ে বাছা সুখে থাক তোরা ;  
সংসারের পরমাদ হ'তে থাক দূরে ।

প্রবেশ করিছ আজ সংসার কাননে,  
চরণ স্থান যেন হয় না কখন ;  
আছে কত বাধা বিঘ্ন প্রত্যেক চরণে,  
দেখ বাছা সাবধানে করো বিচরণ ।

পরীক্ষার স্থল এই সংসার-কানন  
করেন পরীক্ষা পরমেশ নানা ছলে ;  
হিংসা আদি রিপুগণে করিও দমন,  
এই ইচ্ছা জরী বাছা হ'য়ো সর্বস্থলে ।

পাপ ভাপ স্বার্থে ভরা এই বসুন্ধরা,  
ঈশ্বরের কাছে সদা করি এ মনন ;  
এ সকল হতে বাছা, দূরে থাক তোরা,  
যেন—তোদের কেশাগ্রে পাপ করেনা স্পর্শন ।

'এ আনন্দ দিনে বাছা ভুলনা ভবেশে,  
যাঁহার কৃপায় পেলো এ হেন রতন,  
সর্বসিদ্ধিদাতা সেই পিতা পরমেশে,  
আজিকে সর্বাগ্রে বাছা, কররে স্মরণ ।

চিদাত্মা চিন্ময় ওহে প্রেমময় হরি,  
তোমার কৃপায় আজ এ শুভ মিলন :  
দুটা প্রাণ আজ তুমি দিলে এক করি,  
ইহাদের প্রতি দয়া রেখ সর্বক্ষণ ।

দুইজনে এক হয়ে, পরহিতে রত  
থাকে যেন অনুক্ষণ ; তোমার চরণে  
থাকে যেন ভক্তি মতি, সদা সত্যব্রত  
শিরে ধরি, দোহে যেন পালে সবতনে ।

আজি এ আনন্দ দিনে এ শুভমিলনে,  
কি দিব তোমায় ওরে, কি আছে আমার,  
অশীষ করিরে শুধু, আর তার সনে  
লও পিসীমার এই স্নেহ-উপহার ।

# মিলন মঙ্গল

(২২শে আষাঢ়, ১৩০৭)

নিম্বল নীলিমাকাশে,                      শারদ চন্দ্রমা হাসে,  
আর হাসে তারকা নিকর,  
ছড়ায় কিরণ মালা,                      জ্যোছনা করিছে খেলা,  
তরঙ্গিনী তুলিছে লহর ।

কাননে কুসুম চয়,                      হাসি মুখে চেয়ে রয়,  
বায়ু ধীরে স্নগন্ধ ছড়ায়,  
ধরিয়া মধুর তান,                      পাশিয়া করিছে গান,  
স্বরে তার ভুবন মাতার ।

নব সাজে সাজি ধরা,                      আনন্দেতে মাতোয়ারা,  
হেসে হেসে পাগলিনী প্রায়,  
জলে স্থলে বেথা দেখি,                      সকলেই হাস্য মুখী,  
হাসি রাশি ছেয়েছে ধরায় ।

এ শুভ মূহুর্তে আজি,                      স্বর্ণ আভরণে সাজি,  
আমাদের সরলা প্রতিমা, \*  
চারুচন্দ্রে বরিবারে                      বরমালা ধরি করে,  
হাসি মুখে দাঁড়ায় ললনা ।

\* ভগ্নীকতা ।



দেখি তারে হাস্যমুখী,                      আজি সকলেই সুখী,  
 কি আনন্দ সকলের মনে,  
 শুভলগ্নে শুভক্ষণে,                      প্রতিমা চাকুর সনে,  
 বন্ধ হ'ল বিবাহ বন্ধনে ।

হে বিভো করুণাময়,                      তোমারই করুণায়  
 হল আজি এ শুভ মিলন,  
 তুমি দেব দয়া করে,                      এই নব দম্পতীরে,  
 সুখে রেখো সারাটি জীবন ।

## মৃগালে অরবিন্দ \*

(১৬ই বৈশাখ, ১৩০৮)

নির্মল আকাশে, হাসে সুধাকর,  
 তার সনে হাসে তারকা নিকর;  
 হাসিছে কুসুম উদ্যান ভিতর,                      •  
 হেসে পাগলিনী প্রকৃতি রাণী ।                      •

\* বন্ধুবর ভূপালচন্দ্র বসুর কন্যা “মৃনালিনী”, মৃনালিনীর স্বামী  
 স্বনামধন্য “অরবিন্দ” ।

মলয় সমীর বহিছে মৃদুল,  
 উল্লাসে তটিনী, বহে কুল কুল,  
 চারিদিকে সবে হাসিয়া আকুল  
 হয়েছে আজি কি সুখ যামিনী ।

চন্দ্রমা আলোকে, জগৎ মাতায়,  
 যে দিকে নিরখি, সবি হাসি ময়,  
 হাসি রাশি যেন ছেয়েছে ধরায়,  
 কিবা শুভক্ষণ, হয়েছে আজি ।

আজিকে এ শুভ মাহেন্দ্রক্ষণেতে,  
 মিলিছে মৃগাল অরবিন্দ সাথে,  
 সুগন্ধি কুসুম, বরমাল্য হাতে,  
 নানাবিধ চাকু ভূষণে সাজি ।

মরি মরি কিবা নিরখি নয়নে  
 শোভে মৃগালিনী, অরবিন্দ সনে,  
 প্রফুল্ল বয়ানে, পুলকিত মনে,  
 আশীষ করিছে, সকলে মিলে ।

ধন্য পরমেশ, তোমার বিধান,  
 এ সংসারে তুমি, প্রেমের নিধান,  
 তাই এ দুজনে, করি এক প্রাণ,  
 অনন্ত বন্ধনে বাঁধিয়া দিলে ।

এবে এই ভিক্ষা মাগি তব পদে,  
 দোহারে সতত রে'খ কুশলেতে,  
 সংসারের নানা বাধা বিঘ্ন হ'তে,  
 রক্ষা ক'র দেব, এ দুটি জীবন ।

সত্যের আশ্রয় লইয়া উভয়ে,  
 থাকে যেন তব দাগ দাগী ভ'য়ে  
 সুখে কিবা দুখে উভয়ে নিলিয়ে,  
 তোমারে যেন গো না ভুলে কখন ।

## শুভাশীষ \*

(৩রা আষাঢ়, ১৩১২)

বৎস শৈলেন !

সাধের 'অমিয়া' ধনে                      শুভদিনে শুভক্ষণে,  
 আজিকে তোমার করে করিছু অর্পণ,  
 চতুর্দশ বর্ষ ধরে,                      পালিয়া যতন করে,  
 রেখেছিছু তোমা তরে কররে গ্রহণ ।

পড়িলে বিপদে দুখে,                      অথবা সম্পদে সুখে,  
 কোন কালে সঙ্কহীন ক'র না ইহারে,  
 সতত ছায়ার ন্যায়,                      যেন তব কাছে রয়,  
 আজীবন বাঁধা যেন রয় প্রেম ডোরে ।

\* প্রথমা কন্যার বিবাহ ।

অভিমানী মেয়ে বড়,                      সহেনা কথা কাহা'র,  
 দেখা বাছা কটুকথা ব'ল না কখন,  
 দাঁদি ক'লু করে দোষ,                      তা'তে না করিয়া রোষ,  
 গিষ্ট ভাষে বুঝাইয়া করিও মার্জন ।

আজি সে যে ভব করে,                      জীবন অর্পণ ক'রে,  
 নবীন সংসার পথে করিছে গমন,  
 ভূমি দ্বন্দ্বভারা হয়ে,                      দিও পথ দেখাইয়ে,  
 দেখ' লেনা লক্ষ্য ব্রহ্ম হ'লনা কখন ।

(প্রোড়ে)

চিন্তা

আয়ু' ত ফুরায়ে এল, বতকাল আর,  
 এ মোহ নিদ্রার ঘোরে রব অচেতন ?  
 গড়িয়া রয়েছে কত কার্য্য আপনার,  
 কবে সব হবে শেষ ?    নিকট শমন ।

কি করিলু এতদিন, জগতে আসিয়া ?  
আলস্য বিলাস-শ্রোতে ভাসিয়ে জীবন,  
কতকাজ রহিয়াছে এ বিশ্ব ব্যাপিয়া,  
কিছু না করিলু, শেষে কেবলি ক্রন্দন ।

“ক্ষুদ্র আমি কি করিব ?” এইকথা বলি  
নিশ্চেষ্ট নাহিক যেন থাকি কদাচন ।  
সেই কথা যেন মনে জাগেগো কেবলি —  
ক্ষুদ্র কাঠ-বিড়ালীর সাগর বন্ধন ।

তবু যে কদিন আর আছি পৃথিবীতে,  
একমনে চেষ্টা যদি করি প্রাণ পণ,  
নিশ্চয় পারিব কত কর্তব্য সাধিতে,  
চেষ্টায় হয়ত সব অসাধ্য সাধন ।

হে বিভো ! চরণে তব এই নিবেদন,  
এ হেন স্মৃতি মোরে দাও দয়া ক’রে,  
বিলাস বাসনা সব দিয়া বিসর্জন,  
প্রাণ যেন দিতে পারি বশ্ব সেবা তরে ।

অনাথ আতুর কত করে হাহাকার,  
কেহ নাই তাহাদের সাহায্য করিতে ;  
আমি যেন তাহাদের হ্রস্ব আপনার,  
পারি সকলেরে নিজ কোলেতে টানিতে ।

নিরাশ্রয় কত, পথে ঘুরিয়া বেড়ায়, •  
অন্ন নাহি জুটে ছুটি, ক্ষুধায় কাঁড়র, •  
কেহ নাহি তাহাদের বারেক সূধায়, •  
যেখানেই যায়, সবে করে অনাদর ।

মাতৃহীন শিশু কত কেঁদে কেঁদে সারা,  
 কেহ ত তা'দিগে কভু কোলে নাহি লয়,  
 অভাগী রমণী কত হ'রে পতিহারা  
 অনাথিনী একাকিনী ধূলায় লুটায় ।

ইহারা সকলে মোর আপনার জেনে,  
 পারি যেন সকলের গাভুনা করিতে,  
 মাতৃহীন শিশুদের বৃকে টেনে এনে  
 মাতৃসম হয়ে যেন পারিগো পালিতে ।

ক্ষমার্থেরে যদি দুটি অন্ন দিতে পারি,  
 বিধবার অশ্রুবারি গুছাই যতনে,  
 সার্থক জীবন বলি তবে মনে করি  
 এই ত কর্তব্য কাজ, নরত ভবনে ।

এতকাজ রহিয়াছে তবে কেন আর,  
 মিছা কাজে আলস্বেতে জীবন কাটাই ?  
 যতটুকু পারি করি কার্য আপনার,  
 পর উপকার তুল্য ধর্ম আর নাই ।

দিন ত ফুরাল, তবু যে কদিন বাকি,  
 নিজ ভোগ বিলাসিতা সকল ত্যজিয়া,  
 “বিশ্ব সেবা ব্রত” মন্ত্র হৃদয়েতে রাখি,  
 পরহিতে দিই যেন জীবন সঁপিয়া ।

প্রথম পুত্র শ্রীমান্ সুশীলকুমার  
বঙ্গুর ইংলণ্ড গমনোপলক্ষে—

## আশাবাদ

২৪শে সেপ্টেম্বর ১৯০৮ সাল বৃহস্পতিবার ।

প্রাণের পুত্রলি পুত্র সুশীল আমার  
যাইতেছ বহুদূরে. পারাবার পার—  
বিজ্ঞা উপার্জন আশে, ছাড়িয়া স্বজন,  
পিতা মাতা ভ্রাতা ভগ্নী জায়া বন্ধুগণ ।  
অঁখি নীরে ভাসি' সবে দিতেছে বিদায়,  
যাও বৎস লভিবারে সুখশ তথায় ।  
কোথায় ইংলণ্ড আর কোথা বঙ্গভূমি,  
স্মরিলে স্নাতকঃ বাছা শিহরে পরাণী ।  
হেন দূরদেশে তোরে দিতেছি বিদায়,  
লভিবে অনেক বিজ্ঞা স্নু এ আশায় ।  
মোদের এ আশা যেন হয় রে পূরণ,  
বিজ্ঞা লভিবারে সদা করিও যতন ।  
সর্বদাই সাবধানে থাকিবে তথায়, ●  
চরণ-স্থলন যেন না হয় কোথায় । ●  
কুহকীর দেশ সে যে করেছি শ্রবণ,  
প্রলোভন জালে তুমি প'ড়না কখন ।

যে কাজের তরে তথা করিছ গমন,  
 প্রাণপণে সেই কার্য্য করিও সাধন !  
 ডুবায়োনা নাম বাছা প্রলোভনে পড়ে,  
 প্রলোভন হতে সদা থেকে বহুদূরে !  
 বিদায় দিতেছি তোরে অশ্রুজলসহ,  
 এই কথা মনে বাছা রেখো অহরহ ।  
 'সরলা'\* বালিকা তোরে করেছে আশ্রয়,  
 কৃতকর্তে পড়ে' কভু ভুলনা তাহায় ।  
 তা'র সে কাতরমুখ করিয়া স্মরণ,  
 প্রাণপণে নিজ কার্য্য করিও সাধন ।  
 হেঁরিব তোমারে দীর্ঘ তিনবর্ষ পরে,  
 রহিব নিশ্চিন্ত মোরা এই আশা ধ'বে ।  
 সর্বদিকে সব আশা করিয়া পূরণ,  
 নির্ঝিল্লি ফিরিয়া দেশে এসো বাছাধন !  
 রেখো সদা মতি, বৎস, ঈশ্বরের পায়,  
 সব বিপদেতে তিনি হবেন সহায় ।

( আজি ) অশ্রুজলসহ তোরে দিতেছি বিদায়,  
 ফিরে হাসিমুখে যেন সস্তামি তোমায় ।  
 বিদায়ের কালে এই আশীর্বাদ করি,  
 চলিবে সতত পিতৃপদ লক্ষ্য করি ।  
 রাখিবে তাঁহার মত চরিত্র নিশ্চল,  
 লভিবে তাঁহার মত সদাগুণ সকল ॥

\* শ্রীমতী কুমারের সহধর্মিণী ।



## কমলে-কামিনী \*

( ১৪ই শ্রাবণ, ১৩১৯ সাল )

দেখ দেখ চেয়ে তবে কিবা মনোরম,

কামিনী কমলে আজ মধু সমাগম ।

কামিনী কুটিল দেখি,

কমল প্রকুল মুখী,

বারি বিনা পদ্য কেবা করেছ দর্শন ?

বিধি বরে হ'ল আজি অঘট ঘটন ।

শ্রুনেছি শ্রীমত বেয়ে ঘাইতে তরণী,

দেখিল নিলাসুমান্নে কমলে কামিনী ।

কিন্তু এ যে অপক্লপ,

হেঁদিত্ত অপূর্ণ রূপ,

কামিনীর পাশে আজ ফুটে কামিনী ;

কি ছার সে শ্রীমন্তের কমলে কামিনী ।

ঐ দেখ, বাসি দৌহে বিবাহ আসনে,

সলাজে দেখিতে টেভে উভয়ের গানে ।

কামিনীর স্নিগ্ধ বাসে,

কুল কমলিনী হাসে,

জোছনার সনে খেন খোলছে দামিনী,

কে দেখিবে দেখ আসি কমলে-কামিনী ।

ধন্য ধন্য দয়াময় করুণা নিদান !

এ শুভ মিলন এয়ে তোমারি বিধান ।

ভূমি দেব দয়া করে,

দৌহে দিলে এক করে ।

সুখে দুঃখে কুশলেতে রেখ দুজনায়,

দুইটি জীবন খেন একই লক্ষ্যে ধায় ।

\* বঙ্গবর ভূপাল চন্দ্র বসুর দ্বিতীয়া কল্পা “কমলিনী,” তাহার দ্বিতী  
‘কামিনী’ ।

কনিষ্ঠ পুত্র শ্রীমান্ প্রশান্তকুমার বসুর

জন্মদিন উপলক্ষে---

( ১৫ই চৈত্র, ১৩২৩ সাল )

বংস "প্রশান্ত," !

ভক্তি ভরে বিভূপদে কর নমস্কার ।  
এগার বংসর পূর্ণ হইল তোমার ॥  
তঁাহার কৃপায়, বাধা বিঘ্ন অতিক্রমি ।  
ছাদশ বংসরে আজ পড়িলে যে তুমি ॥  
দীর্ঘজীবি হ'য়ে থাক আশীর্বাদ করি ।  
সংসারেতে কেহ যেন নাহি থাকে অরি ॥  
দ্বेष হিংসা কারো মনে কভু না করিবে ।  
ছোট বড় সমভাবে সবারে দেখিবে ॥  
গুরুজন প্রতি সদা করিবে ভক্তি ।  
দয়া প্রকাশিবে দীন দুঃখীদের প্রতি ॥  
কলহ করিবে নাহি কভু কারো মনে ।  
মিষ্ট বাক্যে সকলেরে তুষিবে যতনে ॥  
মন দিয়া লেখা পড়া করিবে সতত ।  
নিত্য নব নব পাঠে সুখ পাবে কত ॥  
তব জন্মদিনে কিবা দিব উপহার ।

( লও ) আশীর্বাদ সহ এই কবিতার হার ॥

# তৃতীয় পুত্র শ্রীমান্ অনিলকুমার বসুর ইংলণ্ড গমনোপলক্ষে— আশীর্বাদ

( ২০শে আগষ্ট ১৯২০ সাল শুক্রবার )

( ১ )

উচ্চাশঙ্ক লভিবারে                      আত্মীয় স্বজন ছেড়ে  
যাইতেছ সাগরের পার  
• এই আশীর্বাদ করি                      বিশ্ব বিনাশন করি  
হইবেন সহায় তোমার ॥

( ২ )

প্রাণাভনে পড়ি তথা                      ভুলোনা'ক পিতামাতা  
ভুলনারে আত্মীয় স্বজন ( লাতাভগ্নীগণ )  
মোরা তোরে বার তরে                      পাঠাইতেছি এত দূরে  
যত্নে তাহা করিও সাধন ॥

( ৩ )

দীর্ঘ তিন বর্ষ ধরে                      আমরা ছাড়িয়া তোরে  
কেমনেতে থাকিব জানি না  
• মনে হ'লে এই কথা                      মনে বড় পাই ব্যথা  
• মাঝে মাঝে হয় যে ভাবনা ॥

( ৪ )

কিন্তু বাছা তোর যে রে                      ভবিষ্য উন্নতি তরে  
 মোরা ধৈর্য্য ধরিয়্য হিয়্য  
 ঈশ্বরে নির্ভর করি                      তাঁর পাদপদ্ম স্মরি  
 তোরে বাছা দিতেছি বিদায় ॥

( ৫ )

যাও বৎস যাও ওরে                      বিদ্যা লভিবার তরে  
 তথা সদা থেকে সাবধানে  
 বিভূপদে রাখি মন                      কো'রো জ্ঞান উপার্জন  
 বিভূষিত হ'রো নানা গুণে ॥

( ৬ )

সতত সৎপথে থেকে                      চরিত্র নিশ্চল রেগে  
 পিতৃসম হ'য়ো গুণবান  
 ফিরে এসে দেশ প্রতি                      থাকে যেন ভক্তি প্রীতি  
 সাধিও রে দেশের কল্যাণ ॥

( ৭ )

আজি সবে অঁখি নীরে                      বিদায় দিতেছি তোবে  
 পুনঃ ফিরে তিন বর্ষ পরে  
 যবে কার্য্য সিদ্ধি ক'রে                      ফিরিয়া আসিবে ঘরে  
 আনন্দেতে ল'ব বুকে ক'রে ॥

# ভগবানের কৃপা ভিক্ষা

জীবন অবসান

( ১ )

তব দয়া কত দেব ! এ দাসীর প্রতি  
ক্ষুদ্র আমি বর্ণিবারে নাহিক শক্তি  
বপনি চেয়েছি যাহা  
তখন পেয়েছি তাহা  
ধন মান সকলই কৃপায় তোমার  
কতট করুণা তব কি বর্ণিব আর ।

( ২ )

সাজায়ে দিয়েছ নাথ সোণার সংসার  
মনোমত স্বামী পুত্র কন্যা পরিবার  
সকলি দিয়াছ তাত  
কোন খেদ নাহিক ত  
তোমার চরণে শুধু এই ভিক্ষা চাই  
অস্ত্রমে ও পাদপদ্মে পাই যেন ঠাই ।

( ৩ )

এ জীবন অবসান হইবে যখন  
এই ইচ্ছা দয়াময় যেন গো তখন  
স্বামীপদ শিরে ধরি  
তোমার চরণে স্মরি  
শুনিতে শুনিতে তব মধুময় নাম  
যেন প্রভো এ জীবন হয় অবসান









